



SISTEMI KOMBËTAR STATISTIKOR

PLANI VJETOR 2025

Për zbatimin e Programit të Statistikave
Zyrtare 2022-2026

I. Lista e Shkurtimeve.....	2
II. Hyrje.....	3
III. Objektivat Zhvillimore.....	4
IV. Aktivitetet Statistikore	8
Fusha 1 “Statistikat demografike dhe sociale”	10
Fusha 2 “Statistikat Ekonomike”	17
Fusha 3 “Statistikat Sektoriale”	25
Fusha 4 “Statistikat e Mjedisit dhe Multidomain”	37
Botime përmbledhëse.....	40
CENSET	43
V. Sistemi i menaxhimit të cilësisë.....	44
VI. Integrimi evropian dhe bashkëpunimet ndërkombëtare.....	47
VII. Objektivat e Zhvillimit të Qëndrueshëm (SDG).....	50
VIII. Burimet financiare dhe njerëzore	50
IX. Analiza SWOT.....	52
X. Analiza e risqeve dhe problemet e pritshme për kryerjen e aktiviteteve.....	55
XI. Notë shpjeguese për përdorimin e Aneksit	57
XII. Aneksi.....	57

I. Lista e Shkurtimeve

AS	Aktivitet Statistikor	NUTS	Nomenklatura e Njësive Territoriale për Statistikat (Nomenclature of Territorial Units for Statistics)
BA	Burim Administrativ	NjEF	Njësi Ekonomike Familjare
CAPI	Intervistë me Kompjuter (Computer Assisted Personal Interview)	OECD	Organizata për Bashkëpunimin Ekonomik dhe Zhvillimin (Organisation for Economic Co-operation and Development)
CATI	Intervistë me telefon (Computer-Assisted Telephone Interview)	OZHQ	Objektivat e Zhvillimit të Qëndrueshëm
CAWI	Intervistë me link (Computer Assisted Web Interview)	NUTS	Nomenklatura e Njësive Territoriale për Statistikat (Nomenclature of Territorial Units for Statistics)
DEGURBA	Klasifikimi i Njësive Administrative Urbane	PRODCOM	Statistikat e Produkteve Industriale (Production Communautaire)
ECB	Banka Qëndrore Evropiane (European Central Bank)	PSZ	Programi i Statistikave Zyrtare
EDP	Procedura e Deficitit të Tejkualuar (Excessive Deficit Procedure)	UNDESA	Departamenti i Kombeve të Bashkuara për Çështjet Ekonomike dhe Sociale
ESA	Sistemi Evropian i Llogarive Kombëtare dhe Rajonale (European system of national and regional accounts)	UNDP	Programi i Zhvillimit të Kombeve të Bashkuara
ESSPROS	Sistemi i Integruar European për Mbrojtjen Sociale (European system of integrated social protection statistics)	VS	Vrojtim Statistikor
FAO	Organizata për Bujqësinë dhe Ushqimin (Food and Agriculture Organization)	SKS	Sistemi Kombëtar Statistikor
FMN	Fondi Monetar Ndërkombëtar	ZC	Zonat e Censit
GDP	Produkti i Brendshëm Bruto (Gross Domestic Product)		
GFS	Statistikat Financiare të Qeverisë (Government Finance Statistics)	AKBN	Agjencia Kombëtare e Burimeve Natyrore
GFSM	Manuali për Statistikat Financiare të Qeverisë (Government Finance Statistics Manual)		
GIS	Sistemi i Informacionit Gjeografik (Geographic information system)		
GSBPM	Manuali për Planifikimin e Fazave të Prodhimit Statistikor (Generic Statistical Business Process Model)		
DEGURBA	Klasifikimi i Njësive Administrative Urbane		
ECB	Banka Qëndrore Evropiane (European Central Bank)		
EDP	Procedura e Deficitit të Tejkualuar (Excessive Deficit Procedure)		
ICCS	Klasifikimi Ndërkombëtar të Krimeve për Qëllime Statistikore (International Classification of Crime for Statistical Purposes)		
ICD	Klasifikimi ndërkombëtar për Sëmundjet (International Statistical Classification of Diseases)		
IÇK	Indeksi i Çmimeve të Konsumit		
INSPIRE	Infrastruktura për Informacionin Gjeohapsinor në Evropë		
IOM	Organizata Ndërkombëtare për Migracionin (International Organization for Migration)		
IPA	Instrumenti i paraanëtarësimit		
ISCO	Klasifikimi Ndërkombëtar Standard i Profesioneve (International Standard Classification of Occupations)		

II. Hyrje

Plani Vjetor 2025 i paraqitet për miratim Kuvendit të Shqipërisë në zbatim të neneve 9 dhe 10 të Ligjit nr. 17/2018 “Për statistikat zyrtare”. Dokumenti shërben për parashikimin e veprimtarive statistikore në përmbushje të objektivave strategjike dhe rezultateve të pritshme të parashikuara në Ligjin nr. 30/2022 “Për miratimin e Programit të Statistikave Zyrtare 2022-2026”.

Dokumenti paraqet aktivitetet statistikore që do të kryhen nga Sistemi Kombëtar Statistikor, INSTAT, Banka e Shqipërisë, Ministria e Financave, dhe Agjencia Kombëtare e Burimeve Natyrore gjatë vitit 2025, sipas fushave përkatëse statistikore që mbulojnë, afatet dhe periodicitetet e zbatimit, si dhe indikatorët që do të prodhohen nga zbatimi i këtyre aktiviteteve. Në të njëjtën linjë paraqiten edhe institucionet përgjegjëse për dhënien e informacionit statistikor dhe frekuenca e transmetimit të këtij informacioni. Sipas kërkesave të ligjit për statistikat zyrtare, me qëllim që të sigurohet mbarëvajtja e veprimtarive të parashikuara dhe parandalimi i risqeve të mundshme, dokumenti përmban një analizë të risqeve dhe problemeve të pritshme gjatë vitit 2025.

Plani Vjetor 2025 është në përputhje me dokumentin e ngjashëm, i cili aplikohet nga vendet e tjera, anëtare të BE-së, mbështetur në nenin 17 të Rregullores (KE) 223/2009 të Parlamentit Evropian dhe të Këshillit, datë 11 mars 2009 “Mbi statistikat evropiane, e cila shfuqizon Rregulloren (KE, Euroatom), Nr. 1101/2008 të Parlamentit Evropian dhe të Këshillit mbi dërgimin e të dhënave, të cilat i nënshtrohen konfidencialitetit statistikor, Zyrës Statistikore të Komuniteteve Evropiane, Rregullores së Këshillit (KE) Nr. 322/97, Mbi Statistikat e Komunitetit dhe Vendimin e Këshillit 89/382/EEC, Euroatom për krijimin e një komisioni mbi programet statistikore të Komuniteteve Evropiane”.

Legjislacioni shqiptar për statistikat zyrtare parashikon instrumentat e monitorimit të zbatimit të Planit Vjetor. Drejtori i Përgjithshëm i INSTAT duhet t’i paraqesë Këshillit të Statistikave raporte 4-mujore, ndërsa Kuvendi i Shqipërisë diskuton raportin vjetor të ecurisë së Planit Vjetor mbi veprimtarinë e INSTAT-it dhe Sistemit Kombëtar Statistikor. Instrumente të tjera monitoruese të rëndësishme janë ndjekja e rekomandimeve të dala nga raportet *Peer Review* dhe raportet vjetore të BE-së për ecurinë e nivelit të përputhshmërisë së Kapitullit 18 “Statistikat” në vendin tonë.

Për të rritur transparencën dhe besueshmërinë e publikut në statistikat zyrtare, përveç botimit në Fletoren Zyrtare, Plani Vjetor publikohet edhe në faqen zyrtare të INSTAT-it. Gjithashtu, në faqen elektronike zyrtare publikohen raportet 4-mujore për zbatimin e planit.

III. Objektivat Zhvillimorë

Objektivat zhvillimorë të Sistemit Kombëtar Statistikor, të parashikuar në Programin e Statistikave Zyrtare 2022-2026 dhe masat prioritare janë:

*Zhvillimi i SKS për të përmbushur plotësisht *acquis communautaire* lidhur me statistikat dhe të mbështesë plotësisht procesin e integritimit Evropian*

- Të përcaktojë kërkesat prioritare që do të mundësojnë progresin drejt *acquis*
- Të sigurojë pavarësinë profesionale të të gjithë prodhuesve të statistikave zyrtare dhe zbatimin e parimeve statistikore
- Prodhimi i treguesve përkatës sipas specifikimeve të përcaktuara nga Eurostat-i

Plotësimi i kërkesave të përdoruesit për statistika zyrtare

- Rritja e përdorimit të të dhënave dhe rekordeve administrative për qëllime statistikore
- Prodhimi i treguesve që të përputhen me nevojat e përdoruesve të statistikave brenda vendit
- Prodhimi i treguesve që të përputhen me nevojat e përdoruesve ndërkombëtarë të statistikave
- Të ofrohet qasje e lehtësuar në statistikat zyrtare për të gjithë përdoruesit në një gamë të përshtatshme formatesh dhe sipas praktikave ndërkombëtare

Prodhimi i statistikave zyrtare të një niveli të lartë cilësie, që të përputhen me standardet e pranuar Evropiane dhe ndërkombëtare

- Përmirësimi i cilësisë së të dhënave dhe rekordeve administrative të siguruar nga institucionet përkatëse
- Të ndërtohet, mirëmbahet dhe promovohet menaxhimi i cilësisë dhe sistemi i kontrollit të cilësisë për SKS-në

Rritja e numrit të institucioneve pjesë e Sistemit Kombëtar Statistikor

- Rritja e ndërgjegjësisë së institucioneve për përfitimet si rezultat i funksionimit brenda PSZ
- Vendosja dhe përmirësimi i bashkëpunimit dhe partneritetit mes institucioneve prodhuese të statistikave
- Miratimi i akteve rregullatore nga ana e institucioneve të tjera prodhuese statistikore që të jenë në mbështetje të funksioneve statistikore zyrtare
- Përafrimi dhe zbatimi i mekanizmave që nxisin ndarjen efikase dhe transparente të fondeve publike

Modernizimi i proceseve, metodave, produkteve dhe shërbimeve statistikore për të përmirësuar cilësinë, dorëzimin në kohë dhe efikasitetin në kosto të statistikave zyrtare

- Modernizimi i mëtejshëm i sistemeve për grumbullimin e të dhënave
- Zgjerimi i përdorimit të burimeve jotradicionale të të dhënave të papërpunuara
- Modernizimi i mëtejshëm i sistemeve për përpunimin statistikor dhe ruajtjen dhe shpërndarjen
- Fuqizimi i bashkëpunimit me botën akademike për zhvillimin e metodave të reja, produkteve dhe shërbimeve statistikore
- Zhvillimi i sistemeve të informacionit për të reduktuar ngarkesën e komunikimit dhe për të rritur cilësinë statistikore

Rritja e besimit të publikut në Sistemin Kombëtar Statistikor dhe njohja e tij si strukturë institucionesh me performancë të duhur dhe profesionalisht të pavarur

- Të përftohet një rritje e përdorimit dhe njohurive të produkteve statistikore të SKS-së
- Fuqizimi dhe promovimi i rolit të INSTAT-it në SKS, në rajon dhe arenën ndërkombëtare
- Zbatimi i plotë i dispozitave ligjore dhe praktike për të mbrojtur konfidencialitetin statistikor

Për të matur performancën e Sistemit Kombëtar Statistikor në drejtim të zbatimit të këtyre objektivave dhe në përputhje me parashikimet e Programit të Statistikave Zyrtare 2022-2026, janë përcaktuar treguesit kyç të performancës me vlerat për vitin bazë 2022 dhe pritshmëritë për vitin 2025.

Tabelat e mëposhtme paraqesin këtë informacion për secilin objektiv zhvillimor dhe parashikimet për vitin 2025.

Tabela nr. 1 Objektiv Strategjik 1, aktivitetet statistikore dhe treguesit e performancës

Objektivat strategjikë	Objektiva specifike	Treguesite performancës	Vlerat për vitin bazë 2022	2025
Objektiv strategjik 1: Zhvillimi i SKS për të përbushur plotësisht <i>acquis communautaire</i> lidhur me statistikat dhe të mbështesë plotësisht procesin e integritimit Evropian	1.1 Të përcaktojë kërkesat prioritare që do të mundësojnë progresin drejt <i>acquis</i>	1.1 Numri i të dhënave (data points) të shfaqura në databazën statistikore të Eurostat-it për Shqipërinë	4.579.293	
	1.2 Të sigurojë pavarësinë profesionale të të gjithë prodhuesve të statistikave zyrtare dhe zbatimin e parimeve statistikore	1.2 Numri i akteve të reja ligjore të përafuara me <i>acquis</i> (Sipas PKIE)	1	7
	1.3 Prodhimi i indikatorëve përkatës sipas specifikimeve të përcaktuara nga Eurostat-i	1.3 Rekomandime të Eurostatit (nga raporti <i>Peer Review 2018</i>), të zbatuara (në %)	89%	Janë kryer në masën 100% gjatë vitit 2023

Tabela nr. 2 Objektiv Strategjik 2, aktivitetet statistikore dhe treguesit e performancës

Objektivat strategjikë	Objektiva specifike	Treguesit e performancës	Vlerat për vitin bazë 2022	2025
Objektiv strategjik 2: Plotësimi i nivelit të plotë të kërkesave të përdoruesit për statistika zyrtare	2.1- Rritja e përdorimit të të dhënave dhe rekordeve administrative për qëllime statistikore	2.1 Numri i të dhënave (data points) të shfaqura në databazën e INSTAT (në %)	3.820.369	4.983.532
		2.2 Numri i vizitave në faqen e internetit të INSTAT-it	3.585.663	+10 nga viti para-ardhës
		2.3 Niveli i kënaqësisë së përdoruesve të statistikave të prodhuara nga INSTAT	3.93/78.6%	4.1/82.0%
	2.2 Prodhimi i treguesve që të përputhen me nevojat e përdoruesve të statistikave brenda vendit	2.4 Numri i takimeve me përdoruesit (mbledhjet me grupin e përdoruesve, etj.)	3	5
		2.5 Numri i treguesve të OZHQ-së të prodhuar nga SKS	56	66
		2.6 Numri i aktiviteteve statistikore në nivel qarku dhe bashkie	21	21

Tabela nr. 3 Objektivi Strategjik 3, aktivitetet statistikore dhe treguesit e performancës

Objektivat strategjikë	Objektiva specifike	Indikatorët e performancës	Vlerat për vitin bazë 2022	2025
Objektivi strategjik 3: Prodhimi i statistikave zyrtare të një niveli të lartë cilësie, që të përputhen me standardet e pranuar Evropiane dhe ndërkombëtare	3.1. Përmirësimi i cilësisë të të dhënave dhe rekordeve administrative të siguruara nga institucionet përkatëse	3.1 Numri i klasifikimeve statistikore ndërkombëtare të reja të adoptuara në vend	1	1
	3.2 Të ndërtohet, mirëmbahet dhe promovohet menaxhimi i cilësisë dhe sistemi i kontrollit të cilësisë për SKS	3.2 Numri i raporteve të cilësisë të publikuara	52	63

Tabela nr.4 Objektivi Strategjik 4, aktivitetet statistikore dhe treguesit e performancës

Objektivat strategjikë	Objektiva specifike	Treguesit e performancës	Vlerat për vitin bazë 2022	2025
Objektivi strategjik 4: Përfshirja e institucioneve shtesë prodhues në Programin Kombëtar të Statistikave Zyrtare	4.1 Rritja e ndërgjegjësimit të institucioneve për përfitimet si rezultati i funksionimit brenda PKSZ	4.1 Numri i agjencive statistikore në PSZ	3	4
	4.2 Vendosi dhe përmirësimi i bashkëpunimit dhe partneriteti mes institucioneve prodhues të statistikave	4.2 Numri i institucioneve furnizuese me të dhëna administrative mikro	4	4
	4.3 Miratimi i akteve rregullatore nga ana e institucioneve të tjera prodhuese statistikore që të jenë në mbështetje të funksioneve statistikore zyrtare	4.3 Numri i temave të trajnimeve të organizuara nga INSTAT	11	16
	4.4 Përafrimi dhe zbatimi i mekanizmeve që nxisin ndarjen efikase dhe transparente të fondeve publike	4.4 Numri i regjistrave administrativë të përdorur për prodhim statistikor (skedarët mikro që merr INSTAT nga institucionet e tjera)	15	15
	4.4 Përfshirja në strukturat organizative të institucioneve publike struktura të veçanta të dedikuara vetëm për prodhimin statistikor			

Tabela nr. 5 Objektivi Strategjik 5, aktivitetet statistikore dhe treguesit e performancës

Objektivat strategjikë	Objektiva specifike	Treguesit e performancës	Vlerat për vitin bazë 2022	2025
Objektivi strategjik 5: Modernizimi i mëtejshëm i proceseve, metodave, produkteve dhe shërbimeve statistikore për të përmirësuar cilësinë, dorëzimin në kohë dhe efikasitetin në kosto të statistikave zyrtare	5.1 Modernizimi i mëtejshëm i sistemeve për grumbullimin e të dhënave	5.1 Numri i aplikacioneve të ndërtuara/përditësuara për grumbullimin e të dhënave me CATI/CAWI	1/8	8
	5.2 Zgjerimi i përdorimit të burimeve jotradicionale të të dhënave të papërpunuara	5.2 Numri i aplikacioneve të ndërtuara/përditësuara me CAPI	1/22	25
	5.3 Modernizimi i mëtejshëm i sistemeve për përpunimin statistikor dhe ruajtjen dhe shpërndarjen	5.3 Numri i aktiviteteve statistikore tek të cilat do të përdoren software	96	113
	5.4 Fuqizimi i bashkëpunimit me botën akademike për zhvillimin e metodave të reja, produkteve dhe shërbimeve statistikore			

	5.5 Zhvillimi i sistemeve të informacionit për të reduktuar ngarkesën e komunikimit dhe për të rritur cilësinë statistikore			
--	---	--	--	--

Tabela nr. 6 Objektivi Strategjik 6, aktivitetet statistikore dhe treguesit e performancës

Objektivat strategjikë	Objektiva specifike	Treguesit e performancës	Vlerat për vitin bazë 2022	2025
Objektivi strategjik 6: Rritja e besimit të publikut në SKS dhe njohja e tij si strukturë institucionesh me performancë të duhur dhe profesionalisht të pavarur	6.1 Të përftohet një rritje e përdorimit dhe njohurive të produkteve statistikore të SKS-së	6.1 Përqindja e përdoruesve që shprehin besim/besueshmëri në statistikat kombëtare (në një vrojtim)	3,94/78,8 %	4,0/80 %
	6.2 Fuqizimi dhe promovimi i rolit të INSTAT-it në SKS, në rajon dhe arenën ndërkombëtare	6.2 Numri i referimeve ndaj produkteve të SKS-së në media: gazeta, tv, portale online	27,972	29,000
	6.3 Zbatimi i plotë i dispozitave ligjore dhe praktike për të mbrojtur konfidencialitetin statistikor	6.3 Numri i eventeve të kryera për ndërgjegjësimin e statistikave	11	13

Tabela nr. 7 Aspektet përmirësuese për vitin 2025 krahasimisht me vitin bazë 2022

Aspekte përmirësuese	Vlerat për vitin bazë 2022	Vlera e pritshme për vitin 2025	Progresi (në %)
Numri i të dhënave (data points) të shfaqura në databazën e INSTAT (në %)	3.820.369	4.983.532	30%
Numri i vizitave në faqen e internetit të INSTAT-it	3.585.663	3.9 milion	10%
Numri i takimeve me përdoruesit (mbledhjet me grupin e përdoruesve, etj.)	3	5	66.6%
Niveli i kënaqësisë së përdoruesve të statistikave të prodhuara nga INSTAT	78,6%	82%	3.4%
Numri i referimeve ndaj produkteve të SKS-së në media, p.sh., në gazetën ditore kryesore ose në televizione	27.972	29000	3.67%

IV. Aktivitetet Statistikore

Lista e aktiviteteve statistikore paraqitet duke ndjekur strukturën e klasifikimit të fushave dhe temave statistikore, të parashikuara në Shtojcën 1 të Ligjit nr. 17/2018 “Për statistikën zyrtare”, si dhe duke ruajtur linjën e klasifikimeve të fushave statistikore e temave përkatëse, të përcaktuara në Programin e Statistikave Zyrtare 2022-2026. Lista e aktiviteteve për pjesën e Censit të Popullsisë dhe Banesave dhe Censin e Bujqësisë pasqyrohet më hollësisht në seksione të veçanta të dokumentit.

➤ **Përmbledhje: Arritjet 2024 - Pritshmëritë 2025**

- **Agjencitë statistikore dhe përgjegjësitë sipas Programit.**

Gjatë vitit 2024 Agjencia Kombëtare e Burimeve Natyrore mori statusin ‘Agjenci Statistikore’. Sistemi Kombëtar Statistikor realizoi 106 aktivitete statistikore. INSTAT u angazhua për realizimin e 93 aktiviteteve statistikore, duke siguruar prodhimin e treguesve në katër fushat e Programit të Statistikave Zyrtare si: fusha e Statistikave Demografike dhe Sociale, fusha e Statistikave Ekonomike, fusha e Statistikave Sektoriale dhe fusha e Statistikave të Mjedisit dhe Multidomain. Banka e Shqipërisë realizoi 9 aktivitete për mbulim me tregues në fushën e Statistikave Ekonomike dhe në fushën e Statistikave Sektoriale. Ministria e Financave kontribuoi në realizimin e 2 aktiviteteve në fushën e Statistikave Ekonomike. Agjencia Kombëtare e Burimeve Natyrore u angazhua në realizimin e aktiviteteve që lidhen me bilancin energjistik tremujor dhe vjetor. **Për vitin 2025** Sistemi ka planifikuar të realizojë 113 aktivitete statistikore. INSTAT planifikon të realizojë 100 aktivitete në 4 fushat statistikore të Programit, Banka e Shqipërisë 9 aktivitete në fushën e Statistikave Ekonomike dhe në fushën e Statistikave Sektoriale, Ministria e Financave do të realizojë 2 aktivitete në fushën e Statistikave Ekonomike, Agjencia Kombëtare e Burimeve Natyrore do të realizojë 2 aktivitete statistikore.

- **Aktivitetet dhe treguesit statistikorë.**

Gjatë vitit 2024 në fushën e Statistikave Demografike dhe Sociale u realizuan 30 aktivitete statistikore nga të cilat u prodhuan 446 tregues duke mbuluar me të dhëna nënfushat si: Popullsia me vendbanim të zakonshëm në Shqipëri dhe jashtë saj, Puna dhe Kostot e Punës, Arsimi dhe trajnimet, Shëndetësia, Të ardhurat dhe shpenzimet e konsumit, Mbrojtja Sociale, Drejtësia dhe Krimi, Kultura; 20 aktivitete në fushën e Statistikave Ekonomike, nga të cilat u prodhuan 241 tregues mbi Statistikat Makroekonomike, Statistikat Financiare të Qeverisë, Fiskale dhe të Sektorit Publik dhe Statistikat e Biznesit; Në fushën e Statistikave Sektoriale u realizuan 45 aktivitete nga të cilat u prodhuan 354 tregues duke mbuluar nënfushat si: Statistikat e Bujqësisë, Peshkimit dhe Pyjeve, Energjia, Transporti, Turizmi, Tregtia e Jashtme, Bilanci i Pagesave, Çmimet, Shkenca, Teknologjia dhe Inovacioni; Në fushën e statistikave të Mjedisit dhe Multidomain u realizuan 11 aktivitete për prodhimin e 50 treguesve statistikorë mbi Llogaritë Monetare dhe Fizike në Mjedis, Mbetjet, Ujin, Biodiversitetin, etj. **Për vitin 2025** për fushat dhe nënfushat e sipërpërmendura

parashikohen: 33 aktivitete në fushën e Statistikave Demografike dhe Sociale për prodhimin e 496 treguesve statistikorë; 20 aktivitete në fushën e Statistikave Ekonomike, duke synuar prodhimin e 241 treguesve; 47 aktivitete në fushën e Statistikave Sektoriale, shoqëruar me prodhimin e 361 treguesve; 13 aktivitete në fushën e Statistikave të Mjedisit dhe Multidomain, për prodhimin e 56 treguesve statistikorë.

- **Aktivitetet e reja. Në vitin 2024** u realizuan 2 aktivitete të reja. Në fushën e Statistikave Demografike dhe Sociale u ndërmorën disa aktivitete lidhur me studimin e aspekteve metodologjike, mbi Statistikat e Shëndetit dhe Sigurisë në Punë. U kryen disa takime për të kuptuar situatën dhe u reflektuan nevojat për klasifikimet e nevojshme për t'u përdorur. Në fushën e Statistikave Ekonomike u realizua Vrojtimi i Regjistrave të Biznesit (ARB), rezultatet e së cilës shërbejnë për përditësimin e regjistrave të Biznesit. **Gjatë vitit 2025** planifikohet realizimi i një aktiviteti të ri që lidhet me publikimin e dedikuar për statistikën e Krimeve.
- **Klasifikimet statistikore. Gjatë vitit 2024** ka vijuar zbatimi i klasifikimeve të miratuara në vitet paraardhëse, si dhe filloi puna për zbatimin e NACE Rev. 2.1. Tabela e korrespondencës midis NACE Rev. 2 dhe Rev. 2.1 u krijua dhe u transmetua në Eurostat. NACE Rev. 2.1 u përkthye në shqip dhe u diskutua në Komisionin Kombëtar të Nomenklaturave, i cili udhëheq aktivitetet për përshtatjen dhe zbatimin e klasifikimeve zyrtare ekonomike dhe sociale, në përputhje me klasifikimet evropiane dhe ndërkombëtare. NACE Rev. 2.1 është përfshirë në Planin Kombëtar për Integrimin Evropian 2024-2026 dhe pritet të miratohet nga Këshilli i Ministrave gjatë katërmujorit të parë të **vitit 2025**.
- **Menaxhimi i cilësisë.** Në planin e **vitit 2024** u parashikuan dy audite statistikore, një në fushën e statistikave ekonomike dhe një në fushën e statistikave sektoriale, rezultatet e të cilave do të përcaktojnë perspektivën e përmirësimeve metodologjike dhe aksioneve të nevojshme për implementimin e tyre gjatë vitit 2025. Gjithashtu në planin e vitit 2024 u parashikuan të realizohen 2 pyetësorë vetëvlerësimi, përkatësisht 1 për fushën e Statistikave Sociale dhe Demografike dhe 1 për fushën e Statistikave Ekonomike. **Gjatë vitit 2025** parashikohet realizimi i 2 pyetësorëve të vetëvlerësimit në fushën e statistikave sektoriale. **Gjatë vitit 2024** u parashikuan matja e kostos për 56 aktivitete statistikore, ndërsa **gjatë vitit 2025** parashikohet matja e kostos për 60 aktivitete statistikore. Sa i përket raporteve të cilësisë gjatë vitit 2024 INSTAT planifikoi publikimin e 63 raporteve të cilësisë edhe për vitin 2025 parashikohet publikimi i 63 raporteve të cilësisë.

Informacion më i detajuar rreth aktiviteteve statistikore të parashikuara për t'u realizuar gjatë vitit 2025 jepet në seksionet e mëposhtme sipas fushave statistikore, si dhe në Aneksin e këtij dokumenti, ku aktivitetet janë shoqëruar me informacion të kategorive:

- Lloji i aktivitetit;
- Tipi i aktivitetit;
- Periodiciteti i aktivitetit;
- Përqindja e të dhënave të siguruara nga burimi administrativ/vrojtimi

- Treguesit statistikorë;
- Institucioni përgjegjës për prodhimin e të dhënave;
- Institucioni përgjegjës për furnizimin me të dhëna;
- Afati i grumbullimit të të dhënave;
- Afati i përpunimit të të dhënave;
- Afati i publikimit të të dhënave;
- Risqet dhe nivelet e risqeve;
- Burimet e financimit.

Fusha 1 “Statistikat demografike dhe sociale”

Statistikat sociale përfshijnë një sërë fushash që lidhen me statistikën e: popullsisë, tregut të punës dhe pagave, arsimit, shëndetësisë, të ardhurave dhe shpenzimeve të konsumit dhe përdorimit të kohës, mbrojtjes sociale, drejtësisë dhe krimit, kulturës.

Qëllimi kryesor i statistikave sociale është që të sigurojnë të dhëna në kohë dhe me cilësi të lartë të treguesve statistikorë, të cilët ndihmojnë në hartimin e politikave sociale dhe ekonomike me qëllimin final të zhvillimit dhe përmirësimit të mirëqënies shoqërore, si dhe për monitorimin e ndikimit të këtyre politikave në aspekte të ndryshme të jetës në vend.

Objektivi kryesor për vitin 2025 për statistikën sociale do të jetë rritja e cilësisë dhe plotshmërisë së serive kohore për treguesit me frekuencë tremujore dhe vjetore, duke synuar rritjen e nivelit të përafrimit me *acquis* përkatëse.

Një ndër aktivitetet kryesore në këtë fushë statistikore do të jetë përgatitja për vlerësimin e projeksioneve të popullsisë bazuar në rekomandimet ndërkombëtare, llogaritja dhe vlerësimi i statistikave të diasporës shqiptare dhe kryerja e Vrojtimit të Grupimeve të Treguesve të Shumëfishtë (MICS) me fokus social, kryesisht të kushteve të jetesës, nënat dhe fëmijët, edukimi, shëndetësia, si dhe shumë fusha të tjera. Gjithashtu, një tjetër aktivitet i rëndësishëm në kuadër të Censit të Popullsisë dhe Banesave 2023 do të jetë kryerja e analizave të thelluara me tematikat përkatëse.

Agjencia statistikore përgjegjëse: INSTAT

Kjo fushë përbëhet nga 8 tema statistikore:

Në tabelën nr. 8 paraqitet numri i aktiviteteve për kategoritë: periodiciteti/burimi i të dhënave/niveli minimal i publikimit/institucioni përgjegjës.

Tabela nr. 8 Përmbledhje e numrit të aktiviteteve për Fushën “Statistikat Sociale dhe Demografike”

1. Statistikat Sociale dhe Demografike	Nr. i aktiviteteve Statistikore (AS)	Nr. AS / Periodiciteti *	Nr. AS / Burimi i të dhënave**	Nr. AS / Niveli minimal i publikimit	Nr. AS / Institucioni përgjegjës
Popullsia me vendbanim të zakonshëm në Shqipëri dhe jashtë saj	10	1- T 5 - V 2 - 5V 1 - 10V 1 – Tjetër	1 VS 3 BA 5 VS+BA 1 Cens	6 Vendi 2 Qarku 2 Bashki	10 INSTAT
Puna dhe Kostot e Punës	4	3 - T 1 - 4V	2 VS 2 BA	3 Vendi 1 Qarku	4 INSTAT
Arsimi dhe trajnimet	3	3 – V	3 BA	3 Vendi	3 INSTAT
Shëndetësia	3	3 – V	3 BA	1 Vendi 2 Qarku	3 INSTAT

Të Ardhurat dhe Shpenzimet e Konsumit	3	3 – V	2 VS 1 VS+BA	2 Vendi 1 Qarku	3 INSTAT
Mbrojtja Sociale	2	1 - V 1 – Tjetër	2 BA	2 Vendi	2 INSTAT
Drejtesia dhe Krimi	4	4 – V	4 BA	3 Qark 1-NA	4 INSTAT
Kultura	4	4 – V	2 BA 2 VS+BA	4 Vendi	4 INSTAT
Gjithsej	32	4 - T 23 - V 1- 4V 2 - 5V 1- 10 V 2- Tjetër	5 VS 19 BA 8 VS+BA 1 Cens	21 Vendi 9 Qarku 2 Bashki 1- NA	33 INSTAT

*M-mujor; T-Tremujor; V-Vjetor;

** VS-Vrojtim Statistikor; BA-Burim Administrativ; NA-Nuk aplikohet.

Tema 1.1 “Popullsia me vendbanim të zakonshëm në Shqipëri dhe jashtë saj”

INSTAT, si institucioni përgjegjës prodhues, parashikon të kryejë aktivitete të fokusuara në tre nëntema: 1.1.1 “Demografi, migracion dhe projeksione”, 1.1.2 “Censi i Popullsisë dhe Banesave, Azil-kërkuesit dhe të huajt” dhe 1.1.3 “Statistikat gjinore”.

Në lidhje me nëntemën e parë do të kryhen tre aktivitete statistikore me frekuencë vjetore dhe tremujore. Prodhimi i statistikave të popullsisë dhe statistikave të migracionit kryhet me frekuencë vjetore. Ndërkohë, statistikave të ngjarjeve jetësore mbi numrin e lindjeve, vdekjeve dhe shtesa natyrore e popullsisë do të prodhohen me frekuencë tremujore. Për kryerjen e këtyre aktiviteteve do të përdoren burimet që INSTAT disponon si: Vrojtimi i Forcave të Punës dhe të dhënat administrative që merren nga Drejtoria e Përgjithshme e Gjendjes Civile. Gjithashtu, për plotësimin e informacionit integrohen të dhënat nga burime ndërkombëtare si: Eurostat, Departamenti i Çështjeve Ekonomike dhe Sociale në Kombet e Bashkuara (UNDESA), Programi i Zhvillimit në Kombet e Bashkuara (UNDP) dhe statistikave pasqyrë nga disa shtete të tjera.

Brenda kësaj nënteme do të kryhet nga INSTAT prodhimi i statistikave të azilit dhe të huajve, me frekuencë vjetore, duke përdorur të dhënat administrative të marra nga Ministria e Brendshme dhe Departamenti i Kufirit dhe Migracionit.

Aktiviteti i projeksioneve të popullsisë që kryhet zakonisht çdo pesë vjet, jep informacion në lidhje me numrin e ardhshëm, strukturën demografike dhe shpërndarjen territoriale të banorëve sipas hipotezave më të mundshme të prirjeve në sjelljet demografike.

Gjatë vitit 2025 parashikohet të kryhet publikimi mbi statistikave të diasporës shqiptare, aktiviteti i cili prodhon të dhëna sipas destinacioneve kryesore, piramidën e diasporës etj., duke vlerësuar karakteristikat bazë demografike dhe sociale.

Gjithashtu, gjatë vitit 2025 parashikohet të kryhet vrojtimi i grupimeve të treguesve të shumëfishtë (MICS), qëllimi kryesor i të cilit është të sigurojë të dhëna të nevojshme, dhe me cilësi të lartë të një sërë treguesish të fushave të ndryshme me fokus fëmijët, kryesisht kushtet sociale të jetesës, nënat dhe fëmijët, edukimin, shëndetësinë etj. Ky vrojtim pritet të realizohet nëpërmjet koordinimit ndërsektorial të INSTAT.

Statistikat gjinore dhe indeksi i barazisë gjinore do të prodhohen sipas aktivitetit vjetor që do të kryejë INSTAT, duke përdorur të dhënat administrative dhe vrojtime statistikore të INSTAT, si edhe burime administrative nga institucione të tjera si: Banka e Shqipërisë, Komisioni Qendror i Zgjedhjeve, Instituti i Sigurimeve Shoqërore, Avokati i Popullit etj.

Treguesit kryesorë: Tregues statistikorë mbi popullsinë më 1 Janar, të detajuar sipas grupmoshës, gjinisë, qarqeve, si dhe tregues mbi komponentët e popullsisë si: lindshmëria, vdekshmëria, shtesa natyrore e popullsisë, migracioni i brendshëm dhe i jashtëm, numri i emigrantëve dhe imigrantëve bazuar në Vrojtimin e Forcave të Punës; Tregues statistikorë të lindshmërisë, vdekshmërisë, martesave dhe divorceve me frekuencë vjetore, si dhe numri i lindjeve dhe i vdekjeve (Shtesa Natyrore e Popullsisë) sipas qarqeve, me frekuencë tremujore.

Gjithashtu, nën këtë temë statistikore do të prodhohen tregues statistikorë të diasporës shqiptare sipas grupmoshës, gjinisë dhe vendit të rezidencës; Tregues statistikorë të projeksioneve të popullsisë sipas grupmoshës dhe gjinisë; Tregues statistikorë mbi azilkërkuesit dhe të huajt me leje qëndrimi në Shqipëri sipas grupmoshës, gjinisë, motivit të lejes së qëndrimit dhe sipas vendit të origjinës.

Përputhshmëria me *acquis*: Statistikat demografike, të migracionit dhe popullsisë janë pjesërisht të përputhshme me Rregulloren (BE) Nr. 1260/2013. Nga kjo rregullore lind nevoja për të prodhuar tabela më të detajuara për popullsinë me vendbanim të zakonshëm, lindjet e gjalla dhe vdekjet. Të dhënat demografike të siguruara nga INSTAT bazohen në përkufizimin e popullsisë banuese, nivelin rajonal NUTS dhe përkufizimet e ngjarjeve jetësore që janë plotësisht në përputhje me Rregulloren e BE Nr. 1260/2013.

Statistikat e Azilkërkuesve, Lejeve të qëndrimit, dhe shtetësisë janë përfshirë për herë të parë në Programin e Statistikave Zyrtare 2017-2021. Lidhur me statistikën e azilkërkuesve dhe lejeve të qëndrimit edhe pse nuk janë në përputhje me rregulloren, INSTAT synon përshtatjen me Rregulloren (KE) Nr 862/2007 të Parlamentit Evropian dhe Këshillit datë 11 korrik 2007, “Mbi statistikën për migracionin dhe mbrojtjen ndërkombëtare”, nëpërmjet bashkëpunimit me institucionet furnizuese të të dhënave administrative për të prodhuar statistika më të mira dhe cilësore për migracionin, azilkërkuesit dhe të huajt.

Tema 1.2 “Puna dhe Kostot e Punës”

Tema 1.2 përbëhet nga dy nëntema: 1.2.1 “*Punësimi dhe Papunësia*” dhe 1.2.2 “*Kostoja e punës dhe të ardhurat nga puna*”. Siguron informacion tremujorë dhe vjetorë, mbi karakteristikat e tregut të punës dhe variablave socio-demografikë të individëve dhe familjeve. Përgjegjës për prodhimin e statistikave sipas kësaj teme është INSTAT. Për nëntemën e parë, INSTAT do të kryejë një aktivitet statistikor me frekuencë tremujore: “Statistika të Tregut të Punës”. Për prodhimin e statistikave të tregut të punës do të shfrytëzohen të dhënat nga Vrojtimi i Forcave të Punës. Për nëntemën e dytë, INSTAT do të prodhojë statistikën mbi pagat me frekuencë tremujore dhe vjetore, si dhe Vrojtimin e Kostos së Punës, për vitin 2025.

Treguesit kryesorë: Tregues statistikorë mbi forcat e punës, punësimin dhe papunësinë sipas gjinisë, aktivitetit ekonomik, grup-profesioneve, grup-moshave, nivelit arsimor, në nivel qarku; Tregues statistikorë mbi strukturën e kostos së punës sipas aktivitetit ekonomik, madhësisë dhe pronësisë së ndërmarrjes etj; Tregues statistikorë mbi pagën orare, mujore dhe vjetore bruto dhe hendekun gjinor në paga sipas aktiviteteve ekonomike, grup-profesioneve; Tregues statistikorë mbi pagën mesatare mujore për të punësuarit me pagë në sektorin shtetëror dhe për të gjithë sektorët ekonomikë sipas aktiviteteve ekonomike dhe grup-profesioneve, hendekun gjinor në paga sipas aktiviteteve ekonomike dhe grup-profesioneve dhe treguesit e strukturës së të ardhurave nga puna.

Përputhshmëria me *acquis*: *Statistikat e forcave të punës* lidhur me punësimin dhe papunësinë bazohen në Rregulloren kuadër (KE) Nr. 1700/2019 dhe në rregulloret implementuese përkatëse. Aktualisht, niveli i përputhshmërisë me këto rregullore është i ulët. Klasifikimet mbi të cilat bazohet përpunimi i të dhënave janë në përputhje përkatësisht me klasifikimet ISCO-08 për profesionet dhe NVE Rev2, për aktivitetet ekonomike.

Statistikat strukturore mbi koston e punës dhe të ardhurave nga puna bazohen në Rregulloret (KE) Nr. 530/1999, dhe Nr. 1737/2005 “Mbi Vrojtimin e Kostos së Punës 2024”. Përkufizimet e përdorura janë kryesisht në përputhje me këto rregullore. Statistikat mbi koston e punës janë pjesërisht në përputhje me rregulloret përkatëse.

Tema 1.3 “Arsimi dhe trajnimet”

Qëllimi kryesor i kësaj teme është që të sigurojë të dhëna të krahasueshme dhe të harmonizuara, në kohë dhe me cilësi të lartë mbi arsimin zyrtar.

Kjo temë përbëhet nga 2 nëntema: a) 1.3.1 “*Arsimi*”, e cila përfshin tre aktivitete statistikore me frekuencë vjetore të cilat duhet të përmbushen nga INSTAT: “Statistika të regjistrimeve në arsim”, “Statistika të diplomimeve në arsim” dhe “Statistika të arsimit sipas fushave të studimit në arsimin e lartë”. Të dhënat sigurohen nga Ministria e Arsimit dhe Sportit dhe Ministria e Ekonomisë, Kulturës dhe Inovacionit, e cila mbulon statistikën mbi arsimin profesional; b) 1.3.2 “*Trajnimi profesional dhe të mësuarit gjatë gjithë jetës*”, që përfshin kryesisht statistika nga Vrojtimi i Arsimit të të Rriturve, me periodicitet 5 vjeçar.

Në vitin 2025, INSTAT do vijojë punën për plotësimin dhe transmetimin e pyetësorëve të UNESCO - OECD - Eurostat me të dhëna të detajuara për arsimin, për vitin akademik 2023-2024, për diplomimet dhe për vitin akademik 2024-2025, për regjistrimet.

Treguesit kryesorë: Tregues statistikorë mbi regjistrimet që llogariten me bazë vjetore, sipas niveleve të arsimit, gjinisë, institucioneve publike/private, fushave të studimit (arsim i lartë), stafit mësimdhënës, qarqeve, etj; Tregues statistikorë mbi diplomimet që llogariten me bazë vjetore, sipas niveleve të arsimit, gjinisë, institucioneve publike/private, qarqeve, fushave të studimit (arsimi i lartë), etj; Tregues mbi shpenzimet gjithsej të buxhetit të shtetit për arsimin dhe përqindjen ndaj Prodhimit të Brendshëm Bruto (PBB); Tregues statistikorë kryesorë të përlllogaritur bazuar në Vrojtimin e Forcave të Punës mbi pjesëmarrjen e popullsisë 25-64 vjeç në arsim dhe trajnim, sipas gjinisë, grupmoshave dhe nivelit arsimor të arritur. Tregues mbi arsimimin e të rriturve bazuar në Vrojtimin e Arsimit të të Rriturve.

Përputhshmëria me *acquis*: *Statistikat e formimit profesional dhe të të mësuarit gjatë gjithë jetës* janë pjesërisht në përputhje me rregulloren e Komisionit Evropian (KE) Nr. 452/2008 “Për prodhimin dhe zhvillimin e statistikave të arsimit dhe të të mësuarit gjatë gjithë jetës”. *Statistikat e arsimit* janë pjesërisht në përputhje me statistikën evropiane të kësaj fushe. Të dhënat e pyetësorit të përbashkët të UNESCO, OECD dhe Eurostat do të transmetohen në kohë në Eurostat në vitin 2025. Përpjekjet do të përqëndrohen në përpilimin e të dhënave mbi të regjistruarit për herë të parë, lëvizshmërinë e të mësuarit, si dhe në përpilimin e pyetësorit me të dhëna rajonale. Shqipëria nuk ka kryer ende një Vrojtim të Formimit Profesional të Vazhdueshëm (CVTS) dhe nuk ka plane për ta zbatuar atë në një të ardhme të afërt.

Tema 1.4 “Shëndetësia”

Qëllimi kryesor i statistikave të shëndetësisë është që të sigurojnë të dhëna të krahasueshme dhe të harmonizuara, në kohë dhe me cilësi të lartë të treguesve statistikorë mbi shëndetin publik.

Kjo temë përbëhet nga nëntema 1.4.1 “Shëndeti publik” dhe nëntema 1.4.2 “Statistikat e shëndetit dhe sigurisë në punë”. Për realizimin e nëntemës së parë INSTAT do të kryejë dy aktivitetet statistikore me frekuencë vjetore: statistikën mbi shkaqet e vdekjeve dhe statistikave mbi shëndetin publik. Për statistikën e shkaqeve të vdekjeve do të përdoret si burimi i të dhënave administrative Drejtoria e Përgjithshme e Gjendjes Civile. Ndërsa për statistikën e shëndetit publik do të përdoren të dhënat administrative që sigurohen nga Ministria e Shëndetësisë dhe Mbrojtjes Sociale, Instituti i Shëndetit Publik dhe Fondi i Sigurimit të Detyrueshëm të Kujdesit Shëndetësor. Për realizimin e nëntemës së dytë INSTAT do të kryejë aktivitetin mbi Statistikat e shëndetit dhe sigurisë në punë duke e pasuruar më tej me të dhëna nënfushën e statistikave të shëndetësisë.

Treguesit kryesorë: Tregues mbi shkaqet e vdekjeve me frekuencë vjetore sipas grupshmënjëve bazuar në klasifikimin ndërkombëtar (ICD-9), gjinisë, grupmoshës dhe qarqeve; Tregues statistikorë mbi shërbimin e institucioneve me shtretër, konsultorin e gruas dhe fëmijës, aktivitetin e qendrave shëndetësore; abortet sipas grupmoshave të nënës, nivelit arsimor të nënës, aftësisë së kufizuar, tregues mbi shëndetin dhe sigurinë në punë, etj.

Përputhshmëria me *acquis*: Përafrimi i statistikave të shkaqeve të vdekjeve është pjesërisht në linjë me Rregulloren e Komisionit (EU) Nr. 328/2011 “Për shëndetin publik dhe shkaqet e vdekjeve”, pasi INSTAT ende përdor klasifikimin ndërkombëtar ICD-9. Përsa i takon klasifikimit ICD-10, INSTAT synon të publikojë statistikën e shkaqeve të vdekjeve me klasifikimin e ri, por vështirësi ende ekzistojnë pasi një pjesë e mjekëve ende përdorin ICD-9. Statistikat e shpenzimeve në shëndetësi, nuk janë në përputhje me kërkesat e Rregullores (EC) Nr. 2015/359 “Për statistikën e shpenzimeve në shëndetësi”.

Tema 1.5 “Të ardhurat dhe shpenzimet e konsumit”

Për të prodhuar statistikën e kësaj teme, nga INSTAT do të përdoren të dhënat nga realizimi i dy aktivitetet statistikore me frekuencë vjetore: “Vrojtimi i Buxhetit të NjEF”, objektiv i të cilit është sigurimi i të dhënave të harmonizuara mbi buxhetin e familjes, dhe “Vrojtimi i të Ardhurave dhe Nivelit të Jetesës”, objektiv i të cilit është të sigurojë të dhëna të harmonizuara mbi të ardhurat e familjeve, përfshirjen sociale dhe kushtet e jetesës. Të dhënat e mbledhura nëpërmjet këtyre dy vrojtimeve do të sigurojnë informacion mbi buxhetin e NjEF, të ardhurat, përfshirjen sociale, nivelin e jetesës, etj.

Treguesit kryesorë: Tregues statistikorë mbi përshkrimin e nivelit dhe strukturës së shpenzimeve për konsum të Njësive Ekonomike Familjare (NjEF) në Shqipëri, si dhe të treguesve të tjerë me bazë shpenzimet e konsumit; Tregues mbi varfërinë dhe përjashtimin social, shpërndarjen e të ardhurave, pabarazinë dhe kushtet e banimit, tregues mbi cilësinë e jetës, etj.

Përputhshmëria me *acquis*: Vrojtimi i Buxhetit të Familjes dhe Vrojtimi i të Ardhurave dhe Nivelit të Jetesës kryhen bazuar në rregulloren bazë të Komisionit Europian (KE) 2019/1700 “Për statistikën lidhur me personat dhe familjet”, duke krijuar një kuadër ligjor të përbashkët lidhur me statistikën për njësitë ekonomike familjare dhe individët të mbledhura përmes kampioneve të zgjedhura.

Vrojtimi i Buxhetit të Familjes gjithashtu bazohet në Marrëveshjen e Mirëkuptimit (*gentlemen's agreement*), ku secili shtet anëtar vendos objektivat, metodologjinë dhe frekuencën e kryerjes së vërtetimit. Bazuar në këtë marrëveshje, plotshmëria e të dhënave të vërtetimit është në përputhje të plotë me objektivat e përcaktuara nga INSTAT.

Vrojtimi i të Ardhurave dhe Nivelit të Jetesës kryhet bazuar edhe në rregulloren të tjera të Komisionit Evropian që lidhen specifikisht me zbatimin e këtij vërtetimi si: rregullorja (BE) 2020/258 “Për të ardhurat dhe nivelin e jetesës” dhe rregullorja (BE) 2019/2242 “Për rregullimin e disa specifikimeve lidhur me raportet e cilësisë dhe organizimin e vërtetimit mbi të Ardhurat dhe Nivelin e Jetesës”, si dhe rregulloret shtesë që ndihmojnë në zbatimin e përvitshëm të këtij vërtetimi.

Tema 1.6 “Mbrotjtja sociale”

Kjo temë përbëhet nga nëntemat 1.6.1 “Mbrotjtja Sociale” dhe 1.6.2 “ESSPROS” Statistikat e Mbrotjtjes Sociale janë shumë të rëndësishme për të vlerësuar efektivitetin e masave dhe për të përmirësuar kushtet e jetesës së qytetareve. Treguesit e mbrotjtjes sociale përfaqësohen me të dhëna administrative që kanë të bëjnë me përfituesit në skemën e sigurimeve shoqërore, përfituesit në skemën e ndihmës ekonomike dhe pagesës për aftësinë e kufizuar, përfituesit në pagesë papunësie, përfituesit në kujdesin rezidencial dhe atë ditor në qendrat e kujdesit social, si dhe nga treguesit për fëmijët. INSTAT prodhon të dhëna mbi Mbrotjtjen Sociale në nivel vendi dhe në nivel qarku, të cilat publikohen çdo vit në faqen e Web-it të INSTAT dhe në Vjetarin Rajonal.

Treguesit statistikorë nga sistemi ESSPROS (Statistikat e integruara Evropiane të mbrotjtjes sociale), përfaqësohen nga sistemi bazë që përfshin të dhëna vjetore mbi të ardhurat, shpenzimet dhe përfitimet në fushën e mbrotjtjes sociale sipas skemave të ESSPROS dhe gjithsej, të cilat shërbejnë si instrument për të analizuar dhe krahasuar flukset financiare në fushën e mbrotjtjes sociale, si dhe nga modulet të cilat përmbajnë informacion shtesë statistikor mbi aspekte të veçanta të mbrotjtjes sociale si: Moduli i Përfituesit dhe Pensioneve dhe Përfitimet neto të mbrotjtjes sociale.

Treguesit kryesorë: Variablat kryesore nga të dhënat administrative mbi mbrotjtjen sociale grupohen në këto kategori kryesore si: pagesa e papunësisë, pagesa e aftësisë së kufizuar, ndihma ekonomike, pensionet urbane dhe rurale, qendrat rezidenciale, fëmijë në përkujdesje shoqërore etj. Nga këto variabla dalin tregues si: skemat e mbrotjtjes sociale, të ardhurat dhe shpenzimet për mbrotjtjen sociale, përfitimet e mbrotjtjes sociale sipas funksionit të kujdesit shëndetësor, aftësisë së kufizuar, pleqërisë, pensioneve familjare, familjes dhe fëmijëve, papunësisë, strehimit dhe përjashtimit social të prodhuar me zbatimin e plotë të sistemit ESSPROS, të cilët bëjnë të mundur arritjen e nivelit të plotë të përputhshmërisë me Sistemin e Integruar Evropian të Mbrotjtjes Sociale.

Përputhshmëria me *acquis*: Të dhënat e Sistemit të Integruar Evropian për Mbrotjtjen Sociale (ESSPROS) bazohen në Rregulloren e Parlamentit dhe Këshillit Evropian Nr. 458/2007 “Për sistemin evropian të statistikave të integruara të mbrotjtjes sociale”, si dhe nga rregulloret e Komisionit Nr. 1322/2007 “Për formatin e duhur të transmetimit dhe kriteret e matjes së cilësisë së ESSPROS”, Nr.10/2008 “Për klasifikimet dhe rregullat e shërndarjes së statistikave të ESSPROS”, Nr. 110/2011 “Për formatin e duhur të transmetimit dhe kriteret e

matjes së cilësisë së ESSPROS”, Nr.263/2011 “Për lançimin e mbledhjes së plotë të të dhënave të ESSPROS” dhe janë pjesërisht të përputhshme me kërkesat e këtyre rregulloreve.

Tema 1.7 “Drejtësia dhe Krimi”

Të dhënat e drejtësisë dhe krimit, janë të bazuara në të dhëna zyrtare, të grupuara, nga burimet administrative.

Kjo temë përbëhet nga nëntema 1.7.1 “*Statistikat e kriminalitetit dhe drejtësisë*”, e cila do të zbatohet nga INSTAT nëpërmjet përmbushjes së aktiviteteve statistikore me frekuencë vjetore si “Statistikat e kriminalitetit, veprave penale, procedimeve penale”, “Statistikat e personave të dyshuar, të pandehur dhe të burgosur”, “Statistikat e personave të dënuar dhe të pafajshëm”, “Zbatimi i Klasifikimit ndërkombëtar të krimeve për qëllime statistikore (ICCS)”.

Statistikat mbi veprat penale dhe autorët do të prodhohen nëpërmjet përpunimit të të dhënave administrative të siguruara nga Drejtoria e Përgjithshme e Policisë; Statistikat mbi procedimet penale dhe të pandehurit do të prodhohen nëpërmjet përpunimit të të dhënave administrative të siguruara nga Prokuria e Përgjithshme; Statistikat mbi të burgosurit do të prodhohen nëpërmjet përpunimit të të dhënave administrative të siguruara nga Drejtoria e Përgjithshme e Burgjeve; Statistikat mbi të dënuarit dhe çështjet penale do të prodhohen nëpërmjet përpunimit të të dhënave administrative të siguruara nga Ministria e Drejtësisë.

Miratimi i klasifikimit pritej të bëhej gjatë vitit 2023, por për shkak të ndryshimeve të reja në Kodin Penal, ky proces është ndërprerë dhe pritet të rinisë me miratimin e Kodit të ri Penal.

Treguesit kryesorë: Tregues mbi veprat penale të evidentuara nga policia bazuar në nenet e Kodit Penal; personat e dyshuar nga policia në kryerjen e një veprë penale; tregues mbi procedime penale dhe të pandehur të regjistruar nga Prokuroria; tregues mbi të burgosurit sipas veprave specifike penale, grupmoshës dhe gjinisë; të dënuarit me burg dhe të paraburgosur sipas gjinisë, veprave penale dhe grupmoshës. Tregues mbi çështje penale dhe të dënuarit nga Gjykatat e Shkallës së Parë, të ndarë sipas gjinisë, dy ndarjeve të mëdha moshore dhe veprave penale.

Përputhshmëria me acquis: *Statistikat e drejtësisë dhe krimit* bazohen në legjislacionin kombëtar dhe normat kombëtare të numërimit të veprave dhe personave në sistemin e drejtësisë. Kjo e bën të vështirë krahasueshmërinë e statistikave me ato të vendeve tjera. Për këtë arsye, përfundimi dhe miratimi i Klasifikimit Ndërkombëtar të Statistikave të Krimeve për qëllime statistikore (ICCS) do të sigurojë një kornizë për prodhimin e statistikave të krahasueshme.

Tema 1.8 “Kultura”

Statistikat e kulturës janë të përfutuara nga grumbullimi i informacionit në disa fusha, sociale, ekonomike, të biznesit.

Kjo temë përbëhet nga nëntema 1.8.1 “*Statistikat e Kulturës dhe Sportit*”. Statistikat e kulturës bazohen në burime administrative dhe në vërtetimet sociale dhe ekonomike që INSTAT kryen. Të dhënat administrative sigurohen nga Ministria e Ekonomisë, Kulturës dhe Inovacionit dhe Ministria e Arsimit dhe Sportit, të dhëna të cilat mbulojnë statistika mbi institucionet qendrore të artit dhe trashëgimisë kulturore dhe statistika lidhur me arsimin për fushën e kulturës. Vërtetimi i të Ardhurave dhe Nivelit të Jetesës, vërtetimi i përdorimit të

Teknologjisë së Informacionit dhe Komunikimit (TIK), Vrojtimi i Forcave të Punës, si dhe Vrojtimi i Çmimeve të Konsumit, përdoren si burim në pasurimin e mëtejshëm të treguesve vjetorë të kulturës. Gjithashtu gjatë vitit 2025 do të prodhohen statistikat mbi sportin, bazuar në vërtetimet që INSTAT kryen për këtë qëllim.

Treguesit kryesorë: Statistika mbi numrin e shfaqjeve dhe spektatorëve në institucionet qendrore të kulturës; numri i vizitorëve vendas dhe të huaj në muze, kala dhe parqe arkeologjike, tregues nga biblioteka kombëtare; Statistikat mbi edukimin për fusha të lidhura me kulturën; punësimin në kulturë, lidhur me profesione dhe aktivitete ekonomike të lidhura me kulturën, statistika mbi përdorimin e internetit për qëllime kulturore, tregues mbi sportin, etj.

Përputhshmëria me *acquis*: Statistikat e kulturës janë pjesërisht të përafruara me Rregulloren (BE) Nr. 1295/2013 "Për statistikat e kulturës". Për zhvillimin e mëtejshëm të statistikave në linjë me rregulloren, INSTAT do të vijojë ndjekjen dhe konsultimin me metodologjinë e Eurostatit.

Tabela nr. 9 Lista e vërtetimeve për Fushën "Statistikat Sociale dhe Demografike"

Vërtetimi	Burimi i financimit
Vërtetimi i grupimeve të treguesve të shumëfishtë (MICS)	Buxhet shteti+Donatorë
Vërtetimi i forcës së punës	Buxhet shteti
Vërtetimi i kostos së punës	Buxhet shteti
Vërtetimi i buxhetit të Njësisve Ekonomike Familjare	Buxhet shteti
Vërtetimi i të ardhurave dhe nivelit të jetesës	Buxhet shteti

Tabela nr.10. Niveli i përputhshmërisë me *acquis* për fushën "Statistikat Sociale dhe Demografike"

Aktiviteti	Niveli i përputhshmërisë
Statistikat e Popullsisë	I lartë
Statistikat e Migracionit Ndërkombëtar dhe lëvizjet e brendshme	I mesëm
Statistikat e Ngjarjeve Jetësore	I mesëm
Cens i Popullsisë dhe Banesave	I lartë
Statistikat e azilit dhe të huajve	I mesëm
Statistika të Punësimit dhe papunësisë	I ulët
Statistika mbi Koston e Punës dhe të Ardhurat nga Puna	I mesëm
Statistika të Fitimeve dhe Kostos së Punës	I mesëm
Statistika të Arsimit dhe Trajnimit	I mesëm
Shëndeti publik dhe Shkaqet e vdekjeve	I ulët
Vërtetimi i të Ardhurave dhe Nivelit të Jetesës	I mesëm
Statistika të mbrojtjes sociale (ESSPROS)	I mesëm
Statistika të krimeve dhe drejtësisë penale	I mesëm
Statistika të kulturës dhe sportit	I ulët

Fusha 2 "Statistikat Ekonomike"

Statistikat ekonomike përfshijnë temat statistikore si: Statistikat Makroekonomike, Statistikat Financiare të Qeverisë, Fiskale dhe Sektorit Publik dhe Statistikat e Biznesit, të cilat luajnë një rol të rëndësishëm në hartimin e politikave ekonomike dhe përbëjnë bazën kryesore

të informacionit për analiza të mëtejshme mbi zhvillimin dhe ndryshimet strukturore të ekonomisë së vendit.

Qëllimi kryesor i statistikave ekonomike është që të sigurojnë të dhëna në kohë dhe me cilësi të lartë të treguesve statistikorë, të cilët ndihmojnë në hartimin e politikave ekonomike, si dhe në monitorimin dhe menaxhimin e këtyre fushave.

Objektivi kryesor për vitin 2025 për statistikatat ekonomike është realizimi i të gjithë objektivave sipas Programit të Statistikave Zyrtare 2022-2026 me fokus rritjen e cilësisë dhe plotshmërisë së serive kohore për treguesit me frekuencë mujore, tremujore dhe vjetore, duke synuar rritjen e nivelit të përafrimit me *acquis* përkatëse. Një ndër zhvillimet e reja të parashikuara në vitin 2025, do të jetë përgatitja e serive kohore 1995-2017, në kuadër të Revizionimit madhor të Llogarive Kombëtare, në terma vjetorë dhe tremujorë, ku synohet integrimi i të gjithë përmirësimeve të ndërmarra në këtë fushë nën asistencën e Eurostatit.

Agjencitë statistikore përgjegjëse: INSTAT, Banka e Shqipërisë dhe Ministria e Financave.

Në tabelën e mëposhtme (Tabela nr. 11) paraqitet numri i aktiviteteve të kësaj fushe, për kategoritë: periodiciteti/burimi i të dhënave/niveli minimal i publikimit/institucioni përgjegjës.

Tabela nr. 11 Përmbledhje e numrit të aktiviteteve për Fushën “Statistikat Ekonomike”

2. Statistikat Ekonomike	Nr. i aktiviteteve Statistikore (AS)	Nr. AS / Periodiciteti *	Nr. AS / Burimi i të dhënave**	Nr. AS / Niveli minimal i publikimit	Nr. AS / Institucioni përgjegjës
Makroekonomike	5	1-T 4-V	5 VS+BA	4 Vendi 1 Qark	5 INSTAT
Statistikat Financiare të Qeverisë, Fiskale dhe të Sektorit Publik	6	1-M 1-T 2-V 2-6M	4 BA 2- Tjetër	6 Vendi	2 BSH 2 MFE 2 INSTAT
Statistikat e Biznesit	9	3-T 4-V 1- rastësisht 1- çdo 5 vite	4 VS 1 BA 4 VS+BA	7 Vendi 2 Bashki	9 INSTAT
Gjithsej	20	1-M 5-T 10-V 2- 6M 1-5v 1-Rastësisht	4 VS 5 BA 9 VS+BA 2-Tjetër	17 Vendi 1 Qark 2 Bashki	16 INSTAT 2 BSH 2 MFE

*M-mujor; T-Tremujor; V-Vjetor;

** VS-Vrojtim Statistikor; BA-Burim Administrativ; NA-Nuk aplikohet.

Fusha “Statistikat ekonomike” përbëhet nga 3 tema statistikore:

Tema 2.1 “Makroekonomike”

Në këtë temë përfshihen statistikatat e Llogarive Kombëtare si: Llogaritë jo-financiare sipas Sektorëve Institucionalë, Prodhimi i Brendshëm Bruto në terma tremujorë dhe vjetorë, Tabelat Burime-Përdorime dhe Llogaritë Rajonale.

Llogaritë Kombëtare pasqyrojnë zhvillimet makro-ekonomike të një vendi dhe i ofrojnë përdoruesve treguesit kryesorë dhe informacionin bazë për zhvillimin ekonomik të tij. Këto statistika tregojnë se sa është kapaciteti prodhues i vendit, sa konsumohet, investohet dhe shkëmbehet me vendet e tjera të botës. Vlerësimi i këtyre treguesve realizohet duke përdorur

informacionin e siguruar nga burime të ndryshme statistikore dhe administrative. Struktura e temës përbëhet nga këto nëntema:

2.1.1 “*Llogaritë jo financiare sipas sektorëve institucionalë në terma vjetorë*” paraqesin një pasqyrë koherente të të gjitha proceseve ekonomike dhe ndërveprimet e sektorëve të ndryshëm në ekonomi, duke përfshirë lidhjet midis ekonomisë kombëtare si një e tërë dhe pjesës tjetër të botës. Aktualisht, INSTAT publikon llogaritë jo-financiare sipas Sektorëve Institucionalë në terma vjetorë, në përputhje me Sistemin Evropian të Llogarive (ESA2010). Nën asistencën e vazhdueshme të programeve IPA shumëpërfituese është punuar për përpilimin e sekuencës së plotë të llogarive me qëllim krijimin e plotshmërisë në seri kohore dhe tregues statistikorë. Në vitin 2025 do të realizohet publikimi dhe transmetimi në Eurostat i sekuencës së plotë të Llogarive jo financiare sipas Sektorëve Institucionalë për periudhën 2013 – 2017, duke rritur nivelin e plotshmërisë në seri kohore sipas programit të transmetimit ESA 2010.

2.1.2 “*Llogaritë Kombëtare Tremujore dhe Vjetore, agregatët kryesorë*”, e cila ndahet në dy aktivitete kryesore, duke u bazuar në frekuencën e treguesit.

“*Llogaritë Kombëtare Tremujore*” pasqyrojnë në frekuenca tremujore ecurinë e treguesit të Produktit të Brendshëm Bruto (PBB), i vlerësuar me metodën e prodhimit, si dhe vlerësimin e disa prej komponentëve kryesorë të metodës së shpenzimeve me çmime korrente, çmimet e vitit paraardhës dhe lidhje zinxhir, të përshtatura dhe jo të përshtatura sezonalisht.

“*Llogaritë Kombëtare Vjetore*” pasqyrojnë në frekuencë vjetore treguesin “Produkti i Brendshëm Bruto (PBB)”, i vlerësuar me metodën e prodhimit, të shpenzimeve dhe të të ardhurave. Vlerësimi i të dhënave bazohet në kombinimin e burimeve të siguruara nga INSTAT, Ministria e Financave, Drejtoria e Përgjithshme e Tatimeve, Qendra Kombëtare e Biznesit, Banka e Shqipërisë, Autoriteti i Mbikëqyrjes Financiare, Korporata Elektroenergjitike Shqiptare, Operatori i Shpërndarjes së Energjisë Elektrike, Agjencia Kombëtare e Burimeve Natyrore, në varësi të frekuencës së treguesit. Gjatë vitit 2025, nën asistencën e programit IPA 2022 shumëpërfituese, do të vijojë puna për rritjen e nivelit të përputhshmërisë me kërkesat e BE sipas programit të transmetimit ESA 2010.

2.1.3 “*Tabelat Burime-Përdorime dhe Tabelat Input-Output*”, pasqyrojnë në mënyrë të detajuar qarkullimin e produkteve dhe shërbimeve sipas aktiviteteve ekonomike gjatë vitit. Nga ana e burimeve paraqitet outputi, importet, marzhet tregtare dhe të transportit, ndërsa nga ana e përdorimeve paraqitet konsumi ndërmjetës, konsumi final, formimi bruto i kapitalit fiks dhe eksportet. Këto tabela prodhohen me frekuencë vjetore nëpërmjet përpunimit të të dhënave administrative dhe të dhënave të mbledhura nga vrojtimet statistikore. Në vitin 2025, nën asistencën e IPA 2022 shumëpërfituese, do të vijojë puna në drejtim të përmirësimeve metodologjike për rritjen e nivelit të përputhshmërisë me ESA 2010 për përpilimin e këtyre tabelave.

2.1.4 “*Llogaritë Rajonale*” pasqyrojnë zhvillimet makroekonomike sipas rajoneve statistikore të një vendi dhe i ofrojnë përdoruesve treguesit kryesorë dhe informacionin bazë për zhvillimin ekonomik rajonal. Këto statistika janë gjithashtu me frekuencë vjetore dhe prodhohen nëpërmjet kombinimit të të dhënave administrative dhe të dhënave të siguruara nga vrojtimet statistikore që zhvillon INSTAT. Llogaritë Rajonale mbështeten në klasifikimin sipas rajoneve statistikore në nivel 1, 2 dhe 3, i cili bazohet në Nomenklaturën e Njësiwe Territoriale për Statistikat (NUTS) të Bashkimit Evropian. Në vitin 2025 fokusi do të jetë në drejtim të

implementimit të përmirësimeve metodologjike të tregueve të llogarive rajonale, si dhe në përmirësimin e treguesve si: formimi bruto i kapitalit, të ardhurat e familjeve dhe kompensimi i punonjësve, në niver rajonal, sipas kërkesave të programit të transmetimit ESA 2010 për llogaritë rajonale.

Treguesit kryesorë: Seti i plotë i llogarive sipas Sektorëve Institucionalë: PBB Vjetore me metodën e prodhimit, metodën e shpenzimeve dhe të ardhurave; PBB tremujore me metodën e prodhimit dhe shpenzimeve, me çmime korrente, çmimet e vitit të mëparshëm dhe "*të lidhura zinxhir*" sipas aktivitetit ekonomik, të përshtatura dhe jo të përshtatura sezonalisht; Tabelat burime - përdorime me çmime korrente dhe me çmimet e vitit të mëparshëm; Tabela input – output, prodhim i brendshëm, importe me çmime bazë; Treguesi i PBB-së dhe i Vlerës së Shtuar Bruto (VSHB-së), sipas rajoneve statistikore, dhe degëve kryesore të ekonomisë në seri kohore; Vlerësim i PBB-së dhe PBB-së për frymë, sipas rajoneve statistikore, dhe aktiviteteve ekonomike; Vlerësimi i PBB-së për frymë sipas rajoneve statistikore shprehur në termat e paritetit.

Përputhshmëria me *acquis*: Eurostat-i vlerëson llogaritë kombëtare pjesërisht në përputhje me nivelin e përputhshmërisë të Llogarive Kombëtare me standardet e *Acquis communautaire*. Mbështetur në programin e monitorimit të përputhshmërisë, Shqipëria nën asistencën teknike të Eurostatit, ka rritur në mënyrë të ndjeshme nivelin e përputhshmërisë së statistikave të Llogarive Kombëtare veçanërisht me rritjen e plotshmërisë së treguesve statistikorë, serive kohore dhe përmirësimeve metodologjike të implementuara.

Tema 2.2 “Statistikat financiare të qeverisë, fiskale dhe të sektorit publik”

Për prodhimin e statistikave të kësaj teme janë përgjegjës INSTAT, Banka e Shqipërisë dhe Ministria e Financave, sipas nëntemave si vijon:

2.2.1 “Llogaritë financiare sipas Sektorëve Institucionalë” – janë një sistem statistikor i integruar, që pasqyron marrëdhëniet financiare ndërmjet sektorëve të ekonomisë. Këto statistika paraqesin një pamje të plotë dhe gjithëpërfshirëse të situatës financiare dhe marrëdhënieve financiare në ekonomi, përsa i përket sektorëve ekonomikë dhe instrumenteve financiare, përfshirë edhe marrëdhëniet me jorezidentët. Llogaritë financiare ofrojnë një pasqyrë mbi operacionet dhe strukturën e sistemit financiar duke identifikuar kanalet kryesore të përdorura për të përfutur dhe investuar burimet financiare.

Llogaritë financiare sipas sektorëve institucionalë, me frekuencë vjetore, hartohen nga Banka e Shqipërisë. Për hartimin dhe raportimin e tyre, Banka mbështetet në standardet metodologjike ndërkombëtare mbi të cilat është ngritur dhe funksionon hartimi dhe raportimi i llogarive financiare në vendet anëtare të Bashkimit Evropian, si më poshtë:

- Sistemi Evropian i Llogarive Kombëtare, ESA 2010;
- Manuali mbi Burimet dhe Metodën e Hartimit të Llogarive Financiare - Edicioni i Dytë;
- Rregullorja 549/2013 (BE) mbi sistemin Evropian të Llogarive Kombëtare dhe Rajonale në Bashkimin Evropian.

Hartimi i të dhënave bazohet në kombinimin e burimeve të siguruara nga Banka e Shqipërisë, INSTAT, Ministria e Financave, Qendra Kombëtare e Biznesit, Autoriteti i Mbikëqyrjes Financiare dhe burime të tjera administrative. Të dhënat merren në mënyrë direkte nga institucionet raportuese si burim primar, ose në mënyrë indirekte nga informacioni

kundërparti. Për mbledhjen e të dhënave primare, statistikave llogarive financiare përdorin gjerësisht të dhënat, të cilat Banka e Shqipërisë i mbledh nëpërmjet sistemit të unifikuar të raportimit rregullator (ERRS) dhe raportimeve të tjera në Bankën e Shqipërisë. Ndërkohë që burime suplementare përdoren për të plotësuar mangësitë në burimet primare ose për të përmirësuar cilësinë e statistikave. Banka e Shqipërisë bashkëpunon me Institutin e Statistikave dhe Ministrinë e Financave në mënyrë që të përdoren maksimalisht dhe në mënyrë eficiente të dhënat administrative, veçanërisht për hartimin e të dhënave të sektorit të qeverisë së përgjithshme dhe korporatave jo-financiare.

2.2.2 *“Tregues Monetarë dhe Financiarë”* - Banka e Shqipërisë prodhon dhe publikon treguesit monetarë me frekuencë mujore dhe tremujore, që lidhen me agregatët monetarë, depozitat, kreditë, normat e interesit, si dhe bilanci sektoriale dhe paraqitjet monetare të korporatave depozituese. Për përgatitjen e statistikave monetare dhe financiare si burim informacioni shërbejnë pasqyrat financiare të Bankës së Shqipërisë, sistemi raportues i unifikuar rregullator (ERRS) për bankat para-depozituese, sistemi raportues për shoqëritë e kursim-kreditit dhe unionet e tyre, sistemi raportues nga institucionet financiare jo-banka, si dhe informacioni i mbledhur nga Autoriteti për mbikëqyrjen Financiare, në përputhje me formatet metodologjike dhe udhëzimet e Bankës së Shqipërisë për kompanitë e sigurimit, fondet e pensione dhe fondet e investimeve. Në kuadër të harmonizimit të standardeve të raportimit me kërkesat e BE-së, statistikave të interesit të Institucioneve Monetare Financiare (bankat e nivelit të dytë) hartohen bazuar në rregulloren nr. 48/2017 “Për raportimet në Bankën e Shqipërisë të statistikave të normave të interesit” e cila përafrohet Rregulloren (KE) Nr. 1072/2003, 24.9.2013 (ECB/2013/34), ndryshuar me rregulloren e Bankës Qendrore Evropiane të datës 8.7.2014 (ECB/2014/30), ndërsa në Dhjetor të vitit 2021 u miratua rregullorja nr.73, datë 22.12.2021, “Për raportimet në Bankën e Shqipërisë të zërave të bilanci të institucioneve të kreditit dhe të institucioneve monetare financiare”, e cila përafroi rregulloren e Bankës Qendrore Evropiane, (BE) Nr. 2021/379.

2.2.3 *“Statistikat Financiare të Qeverisë sipas GFSM2014 dhe Pasqyrat Financiare të Konsoliduara të Qeverisë”* është nëntemë e cila mbulohet nga Ministria e Financave në bashkëpunim me INSTAT dhe Bankën e Shqipërisë. Kjo ministri, në cilësinë e agjencisë statistikore, kryen aktivitetin e prodhimit të statistikave financiare të qeverisë sipas GFSM-2014 dhe pasqyrave financiare të konsoliduara të qeverisë, të cilat publikohen me frekuencë vjetore. Prodhimi i këtyre statistikave mundësohet nëpërmjet përpunimit të informacionit të ofruar nga njësitë e qeverisjes së përgjithshme (institucione qendrore, vendore dhe fondet speciale).

2.2.4 *“Statistikat e Borxhit të sektorit buxhetor të qeverisë dhe borxhit të garantuar”* është nëntemë e cila mbulohet gjithashtu nga Ministria e Financave duke prodhuar statistikave të borxhit të sektorit buxhetor të qeverisë dhe borxhit të garantuar, me frekuencë tremujore dhe vjetore. Për prodhimin e këtyre statistikave, ministrisë i duhet të shfrytëzojë të dhënat që disponon INSTAT dhe nga Banka e Shqipërisë.

2.2.5 *“Statistikat Financiare të Qeverisë sipas ESA-2010”* është nëntemë e cila mbulohet nga INSTAT në bashkëpunim të ngushtë me Ministrinë e Financave dhe Bankën e Shqipërisë. INSTAT kryen aktivitetin e prodhimit statistikor mbi statistikave financiare të qeverisë sipas ESA2010, me status “jo për publikim”. Të dhënat janë me frekuencë tremujore dhe vjetore referuar Programi të Transmetimit ESA-2010. Statistikat Financiare të Qeverisë

vlerësohen nëpërmjet përpunimit të informacionit të marrë për të gjitha njësitë e klasifikuara në Sektorin e Qeverisjes së Përgjithshme (S.13) sipas metodologjisë ESA-2010. Vlerësimet janë të ndara dhe sipas nënsektorëve të qeverisë: Qeveria Qendrore (S.1311), Qeveria Federale (S.1312), Qeveria Lokale (S.1313) dhe Fondet e Sigurimeve (S.1314).

2.2.6 “*Procedura e Deficitit të Tejkualuar*” është nëntemë e cila mbulohet gjithashtu nga INSTAT në bashkëpunim të ngushtë me Ministrinë e Financave dhe Bankën e Shqipërisë. INSTAT kryen aktivitetin e prodhimit statistikor mbi tabelat e Procedurës së Deficitit të Tejkualuar sipas formatit të përcaktuar nga Eurostat, duke ndjekur metodologjinë ESA-2010. Këto të dhëna kanë status “jo për publikim”. Të dhënat transmetohen dy herë në vit Prill/Tetor sikurse kërkohen nga Eurostat për vendet candidate të Bashkimit Evropian.

Në vitin 2025, nën asistencën e IPA 2022 shumëpërfituese, do të vijojë puna në drejtim të përmirësimeve metodologjike për rritjen e nivelit të përputhshmërisë me ESA-2010 për përpilimin e këtyre tabelave.

Treguesit kryesorë: Përgatitja e informacionit shpjegues metodologjik; Tregues statistikorë mbi Llogaritë financiare të sektorit të korporatave financiare, të jo-rezidentëve (pjesës tjetër të botës), të sektorit të qeverisë së përgjithshme, sektorit të korporatave jo-financiare, të ekonomive familjare dhe institucioneve jo me qëllim fitimi, në shërbim të ekonomive familjare; Tregues statistikorë mbi Agregatët Monetarë; Bilancin Sektorial dhe paraqitjen monetare të bankës qendrore, të bankave paradepozituese të bankave të tjera depozituese; Paraqitjen monetare të korporatave depozituese; Depozitat e përfshira në paranë e gjerë; Kredinë për ekonominë; Tregues statistikorë mbi normat e interesit për depozitat e reja, huatë e reja, depozitat gjendje në fund të periudhës, kreditë gjendje në fund të periudhës; Tregues statistikorë mbi Bilancin sektorial dhe paraqitjen monetare të korporatave të tjera financiare. Tregues Statistikorë Financiare të Qeverisë sipas GFSM 2014 dhe mbi Pasqyrat Financiare të Konsoliduara të Qeverisë; Informacion mbi borxhin e qeverisë qendrore buxhetore dhe borxhin e garantuar sipas instrumentave, maturimit dhe monedhës, tipit të interesit, koncensionalitetit si dhe borxhin e pushtetit lokal ndaj sektorit bankar (kredi). Tregues Statistikorë Financiare të Qeverisë sipas ESA-2010; Informacion mbi treguesit e borxhit të qeverisë të tabelave të Procedurës së Deficitit të Tejkualuar etj.

Përputhshmëria me *acquis*: Mbështetur në programin e monitorimit të përputhshmërisë, Eurostat-i vlerëson mesatarisht të përputhshëm nivelin e implementimit të ESA 2010 në Llogaritë Financiare të Qeverisë. INSTAT do të punojë në drejtim të rritjes së përputhshmërisë së kuadrit ligjor dhe të intensifikimit të bashkëpunimit ndërinstitucional me qëllim përpilimin e tabelave të Statistikave Financiare të Qeverisë (GFS (angl.)) dhe tabelave të Procedurës së Deficitit të Tejkualuar (EDP (angl.)) sipas standardeve evropiane. Statistikat monetare hartohen në përputhje të plotë me standardet ndërkombëtare bazuar në manualin e Statistikave Monetare dhe Financiare, FMN 2016 dhe manualin e Statistikave të Institucioneve Monetare Financiare, ECB, 2019.

Tema 2.3 “Statistikat e Biznesit”

Statistikat e Biznesit prodhohen nga INSTAT dhe ndahen në nëntemat si vijon:

2.3.1 “*Statistikat Strukturore të Ndërmarrjeve*”, INSTAT kryen vërtetimin vjetor pranë ndërmarrjeve ekonomike, për prodhimin e statistikave strukturore në nivel kombëtar dhe rajonal për treguesit kryesorë. Për të siguruar vazhdimësinë dhe përmirësimin e cilësisë së

treguesve statistikore të ndërmarrjeve, INSTAT do të shfrytëzojë gjithnjë e më shumë burimet administrative për kontrollin, llogaritjen dhe publikimin e të dhënave. Gjatë vitit 2025, në mënyrë që Statistikat Strukturore të Ndërmarrjeve të përafrohen më shumë me Rregulloren Evropiane të Statistikave të Biznesit, fokus do të jetë rritja e mbulimit të sa më shumë aktiviteteve ekonomike me synimin për të kaluar nga një nivel 2-shifror në një nivel 4-shifror për zgjedhjen e kampionit të Vrojtimit Struktural të Ndërmarrjeve. Gjithashtu do të analizohen burimet e mundshme administrative në dispozicion, me qëllim zgjerimin e mbulimit të ASN-së për sa i përket aktivitetit ekonomik, duke përfshirë ndërmarrjet financiare. Gjatë 2025, puna do të vijojë me analizën e statistikave rajonale dhe vlerësimin e situatës aktuale për prodhimin e statistikave rajonale të biznesit në nivel të disagreguar.

2.3.2 “Statistikat mbi produktet industriale të ndërmarrjeve (PRODCOM)”, këto statistika të cilat prodhohen nga INSTAT janë rezultat i të dhënave nga vrojtimi vjetor që kryhet për listën e produkteve industriale. Duke filluar nga viti 2023, në vrojtimin PRODCOM janë bërë disa përmirësime në metodologjinë e mbledhjes së të dhënave. Ky vrojtım realizohet me metodën CAPI dhe me një kampion të zgjeruar me përfaqësim në nivel produkti, duke përdorur versionin më të fundit të Listës së Produkteve Industriale të miratuar nga Eurostat. Duke filluar nga viti 2023 është realizuar për herë të parë publikimi dhe transmetimi i të dhënave të PRODCOM në Eurostat, duke respektuar afatet e përcaktuara në rregullore. Gjatë vitit 2025 do të vijohet me vrojtimin, publikimin dhe transmetimin e rregullt të treguesve sasior të produkteve industriale.

2.3.3 “Statistikat Afatshkurtra të Ndërmarrjeve”, ku përfshihen tre aktivitete statistikore që kryen INSTAT:

i) Statistikat afatshkurtra të ndërmarrjeve ekonomike - për prodhimin e statistikave tremujore të kësaj kategorie. Gjatë vitit 2025, burimet administrative do të vazhdojnë të përdoren për analizën dhe prodhimin e treguesve afatshkurtër, duke marrë në konsideratë ndryshimet e kuadrit ligjor në institucionet ofruese të të dhënave administrative. Në rast të mungesës së burimit administrativ do të përdoret kontakti me anketues me metodën CAPI për ndërmarrjet. Gjithashtu, pas vlerësimit dhe analizës së të dhënave të pesë aktiviteteve të përfshira në fushën e shërbimeve për statistikafatshkurtra për një periudhë kohore trevjeçare (INSTAT ka nxjerrë në terren pyetësorët për mbledhjen e të dhënave që prej muajit Janar 2022), do të bëhet përpunimi i tyre në mënyrë që seritë të publikohen dhe të transmetohen në Eurostat.

Gjatë këtij viti do të vijojë puna për llogaritjen e indekseve mujore për treguesit e shitjeve në industri në statistikafatshkurtra dhe treguesve të demografisë së biznesit si: regjistrimet dhe falimentimet. Në kuadër të programit IPA 2022 shumëpërfitues për statistikafatshkurtra do të punohet lidhur me analizën dhe krijimin e një table korrespondence për të evidentuar se cilat aktivitete në NACE Rev. 2.1 riklasifikohen me NACE Rev. 2, dhe si do të ndikojë ky ndryshim në disa grupe dhe aktivitete. Çështje që janë në fokus për t'u arritur gjatë vitit 2025, kanë të bëjnë me prodhimin e indeksit mujor të vëllimit të shitjeve për sektorin e tregtisë dhe për sektorët e shërbimeve;

ii) vrojtimi tremujor për statistikafatshkurtra të çmimeve në ndërmarrjet ekonomike;

iii) prodhimi i statistikave mbi lejet e ndërtimit, të miratuara në territorin e Republikës së Shqipërisë, me frekuencë tremujore, duke shfrytëzuar të dhënat administrative nga njësitet e vetëqeverisjes vendore dhe INSTAT-it.

2.3.4 “Statistikat e Regjistrave të Biznesit përfshijnë aktivitetet mbi mbledhjen dhe përpunimin e të dhënave administrative dhe statistikore për përditësimin e tyre. INSTAT mirëmban dhe përditëson:

- Regjistrin e Ndërmarrjeve
- Regjistrin e Njësive Lokale
- Regjistrin e Grupeve të Ndërmarrjeve

Anketa e regjistrave të biznesit zhvilluar në Shtator 2024, shërbeu për përditësimin e regjistrave dhe njësive statistikore, si dhe vlerësimin e cilësisë së tyre. Gjatë vitit 2024 është punuar për të kodifikuar regjistrat e biznesit edhe në Nomenclaturën e Veprimtarive Ekonomike Rev.2.1. Ky kodifikim i dyfishtë në NVE Rev.2 dhe NVE Rev 2.1 do të realizohet për tre vite. Lidhur me aktivitetin “Regjistri i Ndërmarrjeve”, në vitin 2025, INSTAT do të përditësojë Regjistrin e Ndërmarrjeve në kohë reale për qëllime të metodologjisë së vrojtimeve statistikore. Burimet kryesore janë institucionet si: Drejtoria e Përgjithshme e Tatimeve, Qendra Kombëtare e Biznesit, Banka e Shqipërisë, Drejtoria e Përgjithshme e Doganave dhe të dhënat e vrojtimeve të INSTAT. Nga regjistri i ndërmarrjeve janë prodhuar dhe transmetuar në Eurostat dy tabela lidhur me ndërmarrjet e reja dhe falimentimet. INSTAT me mbështetjen e ekspertizës së Eurostat gjatë vitit 2025 do të shtojë treguesit lidhur me ngjarjet demografike të ndërmarrjeve.

Sa i përket aktivitetit “Regjistri i Njësive Lokale”, ky regjistër është ndërtuar në vitin 2010 dhe përditësohet çdo vit. Anketa e regjistrave të biznesit e zhvilluar në vitin 2024 do të shërbejë për përditësimin e tij dhe përmirësimin e cilësisë.

Regjistri i Grupeve të Ndërmarrjeve Shumëkombëshe është ndërtuar në vitin 2018. Për shkak të globalizimit, krahasueshmëria ndërkombëtare e të dhënave statistikore është bërë shumë e rëndësishme dhe anketa e regjistrave të biznesit shërben për përditësimin e tij. Gjatë vitit 2025 do të analizohen burimet administrative për përditësimin e tij.

Ndërtimi i infrastrukturës IT për dokumentimin, ruajtjen, mirëmbajtjen dhe përditësimin e regjistrave të biznesit në kohë reale do të përmirësojë cilësinë e statistikave ekonomike gjatë vitit 2025.

Treguesit kryesorë: Tregues mbi aktivitetet ekonomike, punësimin, të ardhurat e shpenzimet, investimet, dhe të dhëna specifike për ndërtimin, tregtinë dhe bar-kafetë e restorantet, etj; Tregues statistikorë kryesorë ekonomikë në nivel rajonal; Tregues në volum dhe vlerë mbi produktet industriale; Tregues statistikorë mbi aktivitetin ekonomik, shitjet, prodhimin, numrin e personave të punësuar, fondin e pagave, treguesit specifikë të ndërtimit si dhe statistikat e grupeve kryesore industriale; Tregues mbi numrin, sipërfaqen dhe vlerën e lejeve të ndërtimit të miratuara në territorin e Republikës së Shqipërisë; Tregues lidhur me regjistrat e biznesit, si: numrin e ndërmarrjeve dhe njësive lokale, pronësinë, formën ligjore, tregues të ngjarjeve demografike, aktivitetin ekonomik, xhiro vjetore, të punësuar gjithsej dhe të punësuar me pagesë, si dhe tregues të tjerë për përditësimin dhe matjen e cilësisë së regjistrave statistikorë të njësive ekonomike.

Përputhshmëria me *acquis*: Statistikat e biznesit janë pjesërisht në përputhje me Rregulloren (EC) Nr. 2019/2152 “Për statistikat evropiane të biznesit” dhe rregulloret tjera zbatuese të saj, ndërkohë që zbatojnë të njëjtat përkufizime dhe klasifikime. Projekte statistikore të ndryshme të programit IPA shumë-përfitues, kanë ndihmuar dhe vazhdojnë të ndihmojnë në zhvillimin e statistikave të biznesit.

Tabela nr. 12 Lista e vrojtimeve për fushën “Statistikat Ekonomike”

Vrojtimi	Burimi i financimit
Vrojtimi strukturor i ndërmarrjeve	Buxhet shteti
Vrojtimi i produkteve industriale	Buxhet shteti
Vrojtimi tremujor pranë ndërmarrjeve	Buxhet shteti
Vrojtimi i çmimeve të prodhimit	Buxhet shteti
Vrojtimi i çmimeve të importit	Buxhet shteti
Vrojtimi për indeksin e koston në ndërtim (në banesa)	Buxhet shteti
Vrojtimi i regjistrave të biznesit	Buxhet shteti

Tabela nr.13. Niveli i përputhshmërisë me acquis për fushën “Statistikat Ekonomike”

Aktiviteti	Niveli i përputhshmërisë
Sistemi Evropian i Llogarive	I mesëm
Llogaritë jo-financiare sipas sektorëve institucional	I ulët
Llogaritë kombëtare vjetore dhe tremujore – Agregatët Kryesorë	I mesëm
Tabelat Burim – Përdorime	I lartë
Llogaritë Rajonale	I mesëm
Llogaritë Financiare sipas Sektorëve Institucionale	I mesëm
Statistikat Financiare të Qeverisë sipas GFSM2014	I mesëm
Statistikat Financiare të Qeverisë sipas ESA 2010	I mesëm
Statistikat e Procedurës së Deficitit të Tejkualuar	I mesëm
Statistikat Strukturore të Ndërmarrjeve	I mesëm
Statistikat e Produkteve Industriale (PRODCOM)	I plotë
Statistikat Afatshkurtra të Ndërmarrjeve	I ulët
Statistikat e Regjistrave të Biznesit	I mesëm

Fusha 3 “Statistikat Sektoriale”

Statistikat sektoriale përfshijnë një sërë nënfushash heterogjene si: statistikat e bujqësisë, peshkimit dhe pyjeve, statistikat e energjisë, transportit, turizmit, statistikat mbi tregtinë e jashtme dhe bilancin e pagesave, statistikat e çmimeve, shkencës dhe teknologjisë, inovacionit.

Qëllimi kryesor i statistikave sektoriale është që të sigurojnë të dhëna në kohë dhe me cilësi të treguesve statistikorë të cilët ndihmojnë në hartimin e politikave të përbashkëta mbi fushat e sipërpërmendura, si dhe në monitorimin dhe menaxhimin e tyre.

Objektivi kryesor për vitin 2025, për statistikat sektoriale, realizimi i të gjithë objektivave sipas Programit të Statistikave Zyrtare 2022-2026, me fokus rritjen e cilësisë dhe plotshmërisë së serive kohore për treguesit me frekuencë mujore, tremujore dhe vjetore, duke synuar rritjen e nivelit të përafrimit me *acquis* përkatëse.

Agjencitë statistikore përgjegjëse: INSTAT, Banka e Shqipërisë, Agjencia Kombëtare e Burimeve Natyrore.

Në tabelën e mëposhtme (Tabela nr. 14) paraqitet numri i aktiviteteve të kësaj fushe, për kategoritë: periodiciteti/burimi i të dhënave/niveli minimal i publikimit/institucioni

Tabela nr. 14 Përmbledhje e numrit të aktiviteteve për Fushën “Statistikat Sektoriale”

3. Statistikat Sektoriale	Nr. i aktiviteteve	Nr. AS / Periodiciteti *	Nr. AS / Burimi i të dhënave**	Nr. AS / Niveli minimal i publikimit	Nr. AS / Institucioni përgjegjës
---------------------------	--------------------	--------------------------	--------------------------------	--------------------------------------	----------------------------------

Statistikore (AS)					
Statistikat e Bujqësisë, Peshkimit dhe Pyjeve	20	5-M 1-T 13-V 1-10V	9 VS 10 BA 1- Cens	13 Vendi 3 Bashki 4 NA	20 INSTAT
Energjia	3	2-T 1-V	3 BA	3 Vendi	1 INSTAT 2 AKBN
Transporti	3	1-M 1-T 1-V	3 BA	3 Qarku	3 INSTAT
Turizmi	3	2-M 1-T	2 VS 1 BA	1 Vendi 1 Rajoni 1 Qarku	3 INSTAT
Tregtia e Jashtme	4	1-M 1-T 2-V	2 BA 2 VS+BA	4 Vendi	2 INSTAT 2 BSH
Bilanci i Pagesave	5	2-M 3-T	2 BA 3 VS+BA	5 Vendi	5 BSH
Çmimet	5	3-M 1-T 1-V	4 VS 1 BA	5 Vendi	5 INSTAT
Shkenca, Teknologjia dhe Inovacioni	4	3-V 1-2V	2 VS 1 BA 1 VS+BA	4 Vendi	4 INSTAT
Gjithsej	47	14-M 10-T 21-V 1-10V 1-2V	17 VS 23 BA 6 VS+BA 1 Cens	35 Vendi 1 Rajoni 4 Qarku 3 Bashki 4 NA	38 INSTAT 7 BSH 2AKBN

*M-mujor; T-Tremujor; V-Vjetor;

** VS-Vrojtim Statistikor; BA-Burim Administrativ; NA-Nuk aplikohet.

Fusha “Statistikat sektoriale” përbëhet nga 8 tema statistikore:

Tema 3.1 “Statistikat e Bujqësisë, Peshkimit dhe Pyjeve”

Kjo temë përfshin nëntemat si:

3.1.1 “Statistikat e pyjeve”, për prodhimin e statistikave të kësaj kategorie me frekuencë vjetore, INSTAT mbledh dhe përpunon të dhëna administrative nga Ministria e Turizmit dhe Mjedisit dhe Agjencia Kombëtare e Pyjeve, si dhe realizon vorjtimin vjetor mbi përdorimin e lëndës drusore në industri.

3.1.2 “Statistikat e Bujqësisë” nëndarja sipas specifikave që kjo temë mbulon është si vijon:

“Statistikat e produkteve bimore”. INSTAT është përgjegjës të prodhojë statistikat e kësaj kategorie nëpërmjet mbledhjes dhe përpunimit të të dhënave administrative të siguruar nga burimi administrativ. Gjithashtu, INSTAT bashkëpunon me Ministrinë e Bujqësisë dhe Zhvillimit Rural për sigurimin e të dhënave nga “Vrojtimi Vjetor në Bujqësi”, të cilat parashikohen të mblidhen nga Ministria e Bujqësisë dhe Zhvillimit Rural me mbështetjen metodologjike të INSTAT. Gjatë vitit 2025 do të vazhdojë realizimi i aktivitetit “Statistikat e produkteve bimore” të gjeneruara nga “Vrojtimi mbi sipërfaqen e mbjellë”, i cili gjithashtu realizohet nga bashkëpunim i INSTAT me Ministrinë e Bujqësisë dhe Zhvillimit Rural.

“Statistikat e blegtorisë, mishit dhe vezëve”. Statistikat e blegtorisë, mishit dhe vezëve do të sigurohen nga burimi administrativ dhe “Vrojtimi vjetor në bujqësi”. Sipas metodologjisë së parashikuar, mbledhja e të dhënave do të kryhet nga Ministria e Bujqësisë dhe Zhvillimit Rural, ndërkohë që INSTAT do të kryejë përpunimin e tyre si institucion që gëzon statusin e prodhuesit të statistikave zyrtare. Përveç këtyre dy aktiviteteve, me qëllim nxjerrjen e statistikave të kësaj kategorie me frekuencë mujore, INSTAT do të kryejë aktivitetin “Statistikat e blegtorisë, mishit dhe vezëve”, të siguruara nga vërtetimet mujore mbi monitorimin e aktivitetit të thertoreve (për gjedhë, derra dhe të imta dhe shpendë) dhe aktivitetit të pularive për prodhimin e vezëve (konsum njerëzor).

“Statistikat e qumështit dhe nënprodukteve të tij”. Për prodhimin e statistikave të kësaj kategorie, ashtu si dhe për kategoritë e tjera të sipërpërmendura, do të ketë një bashkëpunim të ngushtë ndërmjet INSTAT-it dhe Ministrisë së Bujqësisë dhe Zhvillimit Rural. INSTAT do të kryejë aktivitetin statistikor, me frekuencë vjetore, “Statistikat e qumështit dhe nënprodukteve të tij”, të prodhuara nga vërtetimi vjetor në të gjitha fabrikat dhe baxhot që grumbullojnë dhe përpunojnë qumësht dhe aktivitetin me frekuencë mujore “Statistikat e qumështit dhe nënprodukteve të tij” të siguruara nga vërtetimi mujor në fabrikat që grumbullojnë dhe përpunojnë qumështin e lopës. Ndërkohë, do të vazhdojë mbledhja dhe përpunimi i statistikave vjetore të qumështit dhe nënprodukteve të tij, të siguruara nga burimi administrativ.

“Statistikat Strukturore të Fermës” përfshijnë përpunimin në tërësi të të dhënave të siguruara nga Censi i Bujqësisë dhe Fermave Bujqësore. Nëpërmjet kryerjes së këtij aktiviteti madhor, si dhe vërtetimeve të tjera ndërmjet dy censeve, sigurohet informacion thelbësor në aspektet e përgjithshme statistikore të tilla si toka, blegtorja, forca e punës bujqësore dhe aktivitete të tjera fitimprurëse, masat e zhvillimit rural, makineritë dhe pajisjet, ujëtja, strehimi i kafshëve dhe administrimi i plehut, administrimi i tokës, vreshtat dhe pemtaria.

“Llogaritë ekonomike në bujqësi”, aktiviteti përfshin përpunimin në tërësi të të dhënave të siguruara nga burimi administrativ dhe nga tre vërtetimet që INSTAT kryen në përmbushje të këtij aktiviteti, vërtetimet mujore e çmimeve të prodhimeve bujqësore, vërtetimi tremujor i çmimeve të inputeve në bujqësi dhe vërtetimi tremujor i kafshëve për mbarështim.

3.1.3 “*Statistikat e peshkimit*”, për realizimin objektivave të së cilës, INSTAT do të kryejë aktivitetet: “Statistikat e peshkimit” të siguruara nga burimi administrativ, për prodhimin e statistikave mbi prodhimin e peshkut me frekuencë tremujore, dhe “*Statistikat e peshkimit dhe akuakulturës*” të siguruara nga burimi administrativ për prodhimin e statistikave me frekuencë vjetore.

3.1.4 “*Statistikat e prodhimeve organike në bujqësi*” të siguruara nga burimi administrativ do të mblidhen gjatë vitit 2025, sipas legjislacionit Shqiptar dhe do të publikohen bazuar në kërkesat ndërkombëtare.

3.1.5 “*Statistikat e agromjedisit*” të siguruara nga burimi administrativ. Për realizimin e këtij aktiviteti INSTAT do të kryejë përpunimin e të dhënave të marra nga Ministria e Bujqësisë dhe Zhvillimit Rural për prodhimin e indikatorëve përkatës.

Treguesit kryesorë: Tregues mbi pyjet, kullotat; të dhënat kadastrale të fondit për pyjet, kullotat dhe kundërvajtjet në pyje, strukturën dhe bilancet në pyje e kullota, si dhe bilanci burim-përdorim i produkteve pyjore; Tregues mbi sipërfaqen, prodhimin, rendimentin dhe përmbajtjen e lagështisë për drithërat dhe bishtajoret, në nivel kombëtar dhe rajonal; bimët tjera të mbjella në tokë arë, në nivel rajonal; pemët frutore, vreshtat, agrumet dhe ullirin, në nivel

rajonat; Tregues statistikore mbi: a) numrin e krerëve, prodhimin e mishit sipas kategorive të blegtorisë dhe produktet e tjera blegtorale; b) strukturën e blegtorisë dhe shpendëve, peshën e gjallë dhe peshën e therur sipas kategorive statistikore përkatëse të therura në fermë/thertore; Tregues mbi numrin e shpendëve të therur gjatë vitit në thertore sipas llojeve, peshën e gjallë dhe peshën e therur; Tregues mbi prodhimin e shpendëve dhe vezëve për treg; Tregues mbi qumështin dhe produktet e tij sipas përmbajtjes së yndyrës dhe proteinave, mbi strukturën e fabrikave dhe baxhove që grumbullojnë dhe përpunojnë qumësht; Tregues mbi sasinë e qumështit të lopës të grumbulluar, si dhe sasinë e nënprodukteve kryesore të prodhuara; Tregues mbi sasinë e qumështit të prodhuar në fermë sipas llojeve: lopë, dele, dhi, me periodicitet vjetor në nivel prefekturë dhe bashkie; Tregues mbi llogaritë ekonomike në bujqësi; Indeksi i çmimeve të produkteve bujqësore; Indeksi i çmimeve të inputeve në bujqësi; Tregues mbi prodhimin e peshkut, molusqeve, strukturën e ndërmarrjeve prodhuese, si dhe numrin e të punësuarve; peshkimin detar sipas porteve; numrin e anijeve dhe zënien e peshkut sipas porteve; Tregues për peshkimin në ujërat e brendshme dhe për numrin e subjekteve që ushtrojnë aktivitet në akuakulturë dhe molusqe; Tregues mbi sasinë e zënies së peshkut sipas kategorive ujore; Tregues mbi operatorë organikë të regjistruar dhe çertifikuar, si: prodhues, përpunues, importues dhe të tjerë, gjatë vitit referues, si dhe të rinj gjatë vitit, të cilët nuk kanë plotësuar kriteret e çertifikimit me periodicitet vjetor; sipërfaqet organike të çertifikuara dhe në proces konvertimi dhe prodhimet organike bimë me periodicitet vjetor; blegtorinë e çertifikuar, prodhimin e produkteve organike me origjinë blegtorale me periodicitet vjetor; përpunimin e produkteve organike sipas aktivitetit ekonomik; Tregues mbi: sasinë e plehrave kimike të përdorura sipas grup kulturave periodicitet vjetor; sipërfaqet e plehëruara me plehra kimike periodicitet vjetor; sasinë e pesticideve të përdorura sipas grup kulturave me periodicitet vjetor; sipërfaqet e trajtuara me pesticide sipas llojit të pesticideve dhe grup kulturave me periodicitet vjetor; Tregues mbi: mbulimin dhe përdorimin e tokës me periodicitet vjetor; tokën e punëshme, livadhet dhe kullotat, tokën e zënë me pemëtore (pemë frutore, ullinj, agrume dhe vreshta) dhe tokë tjetër jobujqësore me periodicitet vjetor.

Përputhshmëria me *acquis*: *Statistikat në fushën e prodhimit bimor* realizohen duke zbatuar metodologjitë sipas standardeve evropiane, konkretisht bazuar në Rregulloren (KE) Nr. 543/2009 “Për statistikën vjetore të bimëve” ku mbulohen anekset 1.2.3.4 dhe vlerësohen si të pjesshme në rregulloren e KE 834/2007 “Statistikat për prodhimet organike” që mbulohet po ashtu në mënyrë të pjesshme.

Statistikat e blegtorisë, mishit dhe vezëve përpunohen pjesërisht me Rregulloren (KE) Nr. 1165/2008 e Parlamentit Evropian dhe e Këshillit “Për statistikën e blegtorisë dhe të mishit”, ku mbulohen anekset I-IV si dhe synohet mbulimi i aneksit V. Përkufizimet e përdorura janë kryesisht në përputhje me rregulloret e KE-së.

Statistikat e qumështit dhe nënprodukteve të qumështit bazohen dhe janë pjesërisht të përafruara me Rregulloren Nr. 1165/2008 e Parlamentit Evropian dhe e Këshillit “Për Statistikën e Blegtorisë dhe të Mishit”, si dhe Direktiva 96/16/KE në vërtetimet statistikore për qumështin dhe produktet e tij.

Statistikat e strukturës së njësive ekonomike bujqësore. INSTAT do të punojë për përafrimin e këtyre statistikave me rregulloren e re: Rregullorja (BE) 2018/1091 e Parlamentit Evropian dhe e Këshillit “Për Statistikën e Integruar të Fermave” Përkufizimet që do të përdoren do të jenë në përputhje me rregulloret e KE-së.

Llogaritë ekonomike në bujqësi dhe çmimet bazohen në Rregulloren e (KE) Nr. 138/2004 e Parlamentit Evropian dhe e Këshillit “Për Llogaritë Ekonomike në Bujqësi”. Në zbatim të kërkesave të kësaj rregulloreje, llogaritë ekonomike në bujqësi dhe çmimet klasifikohen si pjesërisht të përafruara. Përkufizimet e përdorura janë kryesisht në përputhje me rregulloren e KE-së. *Indeksi i Çmimeve të Prodhimeve Bujqësore* publikohet në përputhje me rregulloren e KE me periodicitet vjetor dhe tremujor.

Statistikat e peshkimit bazohen në rekomandimet e FAO-s dhe rregulloret: Rregullorja (EC) Nr. 216/2009 mbi “Statistikat e Zënive të Peshkut, për peshkimin në zona të caktuar përveç Atlantikut të Veriut” dhe Rregullorja (KE) Nr. 762/2008 mbi “Statistikat e Akuakulturës”. Përkufizimet e përdorura janë kryesisht në përputhje me rregulloret e KE-së.

Çertifikimi i fermave organike nga trupat e çertifikimit bazohet në Ligjin Nr. 106/2016 “Për Prodhimin Biologjik, Etiketimin e Produkteve Biologjike dhe Kontrollin e Tyre” përafrimi me Rregulloren (KE) Nr. 834/2007, 28 Qershorit 2007 mbi “Produktet Organike dhe Etiketimin e Produkteve Organike”.

Statistikat e agromjedisit vlerësohen si pjesërisht të përafruara me Rregulloren (KE) Nr. 1185/2009 e Parlamentit Evropian dhe e Këshillit “Për Statistikat mbi Pesticidet”.

Tema 3.2 “Energjia”

Kjo temë përmban nëntemën 3.2.1 “Statistikat e Energjisë-prodhimi”

Prodhimi i statistikave të energjisë në Agjencinë Kombëtare të Burimeve Natyrore do të mbështetet nga INSTAT, në cilësinë e koordinatorit të Sistemit Kombëtar Statistikor. AKBN do të prodhojë dhe publikojë statistikën në volum të Bilancit të Përgjithshëm të Energjisë me frekuencë vjetore, si dhe Qymyrit, Naftës dhe Gazit, me frekuencë tremujore, aktivitete për të cilat kontribuojnë me të dhëna administrative Ministria e Infrastrukturës dhe Energjisë, Ministria e Turizmit dhe Mjedisit, Operatori i Sistemit të Transmetimit, Operatori i Shpërndarjes së Energjisë Elektrike, Korporata Elektroenergjitike Shqiptare, Enti Rregullator i Energjisë, Albpetrol sh.a, Drejtoria e Përgjithshme e Doganave, Bashkitë e Shqipërisë, etj.

INSTAT do të vazhdojë të publikojë me periodicitet tremujor Statistikat e Bilancit të Energjisë Elektrike.

Përmirësimet në kuadër të parafrimit me rregulloret gjatë vitit 2025 do të fokusohen në rritjen e numrit të indikatorëve të transmetuar në Eurostat, si dhe në cilësinë e të dhënave të transmetuara.

Treguesit kryesorë: Tregues statistikorë mbi prodhimin neto vendas të energjisë elektrike, qymyrit, naftës dhe gazit si dhe importin dhe eksportin bruto të energjisë elektrike, qymyrit dhe produkteve të naftës, humbjet në rrjet të energjisë elektrike, si edhe konsumin e tyre final në vendin tonë; Tregues statistikorë mbi bilancin energjistik, i cili paraqet situatën aktuale në sektorin e energjisë në vend për origjinën dhe përdorimin specifik sipas burimeve të energjisë duke siguruar të dhëna mbi konsumin e energjisë për banorë, intensitetin e energjisë, kontriburin e burimeve të rinovueshme në konsumin final, etj.

Përputhshmëria me *acquis*: *Statistikat e Energjisë* janë pjesërisht të përafruara me Rregulloren (KE) Nr. 1099/2008 të Parlamentit Evropian dhe të Këshillit të “Për statistikën e energjisë”. Një numër i madh indikatorësh mbi statistikën e energjisë transmetohen aktualisht në Eurostat përmes pyetësorëve të Energjisë. Përmirësimi dhe rritja e cilësisë dhe numrit të indikatorëve të transmetuar në Eurostat, përmirësimi i mbledhjes së të dhënave të produkteve

të naftës, si dhe përpilimi i konsumit final sipas sektorëve është një nga prioritetet kryesore në të ardhmen.

Tema 3.3 “Transporti”

Tema e statistikave të transportit përfshin dy nëntema: 3.3.1 “*Statistikat e Transportit*” dhe 3.3.2 “*Statistikat mbi sigurinë në transport*”. Statistikat e nëntemës së parë kanë përkatësisht frekuencë tremujore dhe vjetore, të cilat prodhohen nga INSTAT, duke kryer publikimet “Statistika mbi transportin ajror, detar, hekurudhor dhe rrugor” dhe “Statistika mbi karakteristikat e mjeteve të transportit rrugor”. Për realizimin dhe publikimin e këtyre statistikave, INSTAT përpunon të dhënat administrative të marra nga Ministria e Infrastrukturës dhe Energjisë si dhe nga Drejtoria e Përgjithshme e Shërbimeve të Transportit Rrugor. Përsa i takon nëntemës 3.3.2 “*Statistikat mbi sigurinë në transport*”, INSTAT kryen aktivitetin statistikor me frekuencë mujore “Statistika mbi aksidentet rrugore” dhe tregues vjetor për aksidentet hekurudhore. Për realizimin e këtyre statistikave INSTAT përpunon të dhënat administrative të siguruara nga Drejtoria e Përgjithshme e Policisë së Shtetit dhe Ministria e Infrastrukturës dhe Energjisë.

Gjatë vitit 2025, do të rritet numri i treguesve të prodhuar mbi llojet e transportit dhe mbi sigurinë në transport bazuar në rregulloret evropiane, si dhe transmetimi i treguesve të prodhuar për statistikat e transportit në Eurostat dhe institucionet e tjera ndërkombëtare. Gjithashtu, në kuadër të programit IPA 2022 shumëpërfitues, për statistikat e transportit dhe në vijimësi të vërtetimit pilot të realizuar për “Transportin Rrugor të Mallrave”, gjatë vitit 2025, do të realizohet vërtetimi i plotë i statistikave të transportit rrugor të mallrave.

Treguesit kryesorë: Tregues mbi transportin ajror, detar, ujor i brendshëm dhe hekurudhor, rrugor të mallrave dhe pasagjerëve, në nivel kombëtar dhe sipas rajoneve; Tregues mbi karakteristikat e mjeteve të transportit rrugor; Tregues mbi numrin e aksidenteve rrugore, numrin e të aksidentuarve (të vdekur dhe të plagosur) dhe numrin e aksidenteve hekurudhore, në nivel kombëtar dhe sipas rajoneve.

Përputhshmëriame acquis: *Statistikat mbi Transportin* janë pjesërisht në përputhje me rregulloret e Parlamentit dhe Këshillit Evropian Nr. 2018/643 “Mbi Statistikat e Transportit Hekurudhor”, Nr. 2018/974, “Mbi Statistikat e Transportit të mallrave përmes rrugëve ujore brenda vendit”, Nr.70/2012, “Mbi kthimet statistikore në lidhje me transportin e mallrave me rrugë”, Nr. 93/704 “Mbi krijimin e një baze të të dhënave të Komunitetit për aksidentet rrugore”, Nr. 437/2003, “Mbi kthimet statistikore në lidhje me transportin ajror të udhëtarëve, mallrave dhe postës” si dhe direktivën e Parlamentit dhe Këshillit Evropian Nr. 2009/42, “Mbi kthimet statistikore në lidhje me transportin e mallrave dhe udhëtarëve nga deti”.

Tema 3.4 “Turizmi”

Statistikat e kësaj kategorie përfshijnë tre nëntema:

3.4.1 “*Statistikat mbi Strukturat Akomoduese*”, për prodhimin e të cilave, INSTAT kryen vërtetimin statistikor mujor “Vërtetimi i Strukturave Akomoduese” pranë hoteleve dhe strukturave të ngjashme. Informacioni do të vazhdojë të mbledhet çdo muaj nëpërmjet metodës CAPI për të gjitha strukturat akomoduese që ushtrojnë aktivitetin e tyre në vend. Treguesit mujor të statistikave të akomodimit që përbëjnë ofertën turistike në vend, gjatë vitit 2025 do të publikohen në përputhje me rregulloren, 6 javë pas periudhës së referencës. Do të vazhdojë

mbledhja e informacionit lidhur me numrin e strukturave akomoduese që kanë një ose më shumë dhoma gjumi të aksesueshme nga personat me aftësi të kufizuara, (përfshirë personat që përdorin karriget me rrota).

3.4.2 “*Statistikat e Turizmit në Njësitë Ekonomike Familjare (NjEF)*”, statistikat vjetore të së cilës, prodhohen nëpërmjet aktivitetit të INSTAT-it si vrojtimi i e turizmit pranë NjEF, “Pushime dhe Udhëtime” në përputhje me rekomandimet e parashikuara në rregulloren (BE) Nr 692/2011 “Për statistikat e turizmit”. Publikimi i rezultateve të vitit 2024 për vrojtimin e turizmit në NjEF do të vijojë sipas parashikimit, në vitin 2025. Për të siguruar mbarrëvajtjen e aktivitetit dhe vlerësimin e të dhënave të transmetuara në Eurostat, INSTAT do të zbatojë të gjitha rekomandimet dhe udhëzimet e Eurostat.

3.4.3 “*Statistikat e Lëvizjes së Shtetasve*”, ku përfshihet aktiviteti me frekuencë mujore për prodhimin e statistikave mbi lëvizjen (hyrje/daljet) e shtetasve të huaj dhe shqiptarë”, i cili kryhet nga INSTAT nëpërmjet përpunimit të të dhënave të siguruar nga Drejtoria e Përgjithshme e Policisë së Shtetit.

Treguesit kryesorë: Tregues mbi lëvizjet (hyrje/daljet) e shtetasve të huaj dhe shqiptarë, sipas mënyrës së transportit, sipas shteteve, sipas mënyrës së qëllimit të vizitës; Tregues statistikorë mbi turizmin në Shqipëri; Tregues mbi kapacitetin e njësive akomoduese, numrin e turistëve, netë-qëndrimet, numrin e turistëve sipas shteteve, kapacitetin shfrytëzues; Tregues mbi përshkrimin e nivelit dhe strukturës së turizmit në familje, ana e kërkesës (*demand side*) për periudha tremujore dhe vjetore, në përputhje me kërkesat e rregullores të KE-së Nr. 692/2011 (Aneksi II) dhe kërkesave të përdoruesve të brendshëm.

Përputhshmëria me *acquis*: Statistikat e Turizmit nga ana e ofertës (*supply side*) dhe kërkesës (*demand side*) janë pjesërisht të përafëruara me Rregulloren (KE) Nr. 692/2011 të Parlamentit Evropian dhe të Këshillit “Për statistikat e turizmit”. Në mënyrë periodike transmetohen në Eurostat të dhënat mujore dhe vjetore lidhur me këto statistika.

Aktivitete në funksion të nevojave kombëtare për tregues të Turizmit

Referuar komunikimit shkresor të Ministrisë së Turizmit dhe Mjedisit, dt.12/11/2024, ku kërkohet marrja e angazhimeve nga INSTAT për vitin 2025 e në vijim, në lidhje me adoptimin e paketës së vrojtimeve në kuadër të jetësimit të projektit të Bankës Botërore për “Sistemin e Menaxhimit të Informacionit të Turizmit dhe Përmirësimit të Statistikave”, INSTAT do të angazhohet në realizimin e këtyre aktiviteteve.

Duke qenë se, në respektim të afateve ligjore për projektbuxhetin e shtetit, INSTAT ka paraqitur tashmë kërkesat buxhetore për vitin 2025 në kuadër të PBA 2025-2027 dhe në zbatim të Ligjit nr. 30/2022 “Për Programin e Statistikave Zyrtare 2022-2026”, vrojtimit e kërkuara nga Ministria e Turizmit dhe Mjedisit nuk kanë mbulim financiar për vitin 2025. Megjithatë, në kushtet e nevojave kombëtare për tregues mbi aktivitetin e Turizmit, gjatë vitit 2025 INSTAT do të kërkojë mbështetje financiare dhe njerëzore, jo vetëm nga buxheti i shtetit, por edhe institucione dhe organizata të tjera donatore.

Tema 3.5 “Tregtia e Jashtme”

Kjo temë është e ndarë në 2 nëntema:

3.5.1 *Statistikat e Investimeve të huaja direkte dhe Tregtisë ndërkombëtare të shërbimeve;*

Statistikat e investimeve të huaja janë pjesë integrale e statistikave të bilancit të pagesave dhe pozicionit të investimeve ndërkombëtare dhe si statistika specifike me ndarje sipas aktivitetit ekonomik NVE dhe ndarje gjeografike (shteteve), statistika të cilat prodhohen nga Banka e Shqipërisë me frekuencë tremujore. Të dhënat për llogaritjen e statistikave të investimeve të huaja, sigurohen nga raportimet mujore të sistemit bankar, nga bilancet mujore dhe tremujore të institucioneve financiare (banka dhe jo-banka), nga raportimet direkte të kompanive të mëdha me kapital të huaj dhe të përbashkëta shqiptare – të huaja; nga institucione të tjera administrative, si Agjencia Kombëtare e Burimeve Natyrore dhe Qendra Kombëtare e Biznesit, dhe informacione nga shkëmbime të ndërsjella dypalëshe me Kosovën. Në përgatitjen e statistikave të investimeve të huaja, Banka e Shqipërisë zbaton kërkesat dhe standardet e manualeve metodologjike të FMN-së (BPM6-2009) dhe OECD-së (BD4).

Statistikat e Tregtisë ndërkombëtare të shërbimeve mbulohen gjithashtu nga Banka e Shqipërisë. Statistikat e tregtisë ndërkombëtare të shërbimeve janë pjesë integrale e statistikave të bilancit të pagesave në frekuencë tremujore si dhe si statistika specifike me ndarje gjeografike me frekuencë vjetore. Statistikat e shërbimeve prodhohen nga përpunimi i të dhënave të siguruara nga Banka e Shqipërisë, INSTAT-i, Ministria e Brendshme, Ministria e Financave, Autoriteti i Mbikëqyrjes Financiare, Qendra Kombëtare e Biznesit, Drejtoria e Përgjithshme e Doganave, si dhe të dhëna të tjera nga vrojtime statistikore pranë kompanive private dhe individëve. Në përgatitjen e statistikave ndërkombëtare të shërbimeve aplikohen rekomandimet e manualit për bilancin e pagesave (BPM6-FMN), si dhe rekomandimet e përshkruara në manualin e tregtisë ndërkombëtare të shërbimeve (2010).

3.5.2 “*Statistikat e tregtisë së jashtme të mallrave*”. Në këtë nëntemë përfshihen Statistikat mbi eksportet/importet e mallrave”, të cilat do të prodhohen nga INSTAT me frekuencë mujore, nëpërmjet përpunimit të të dhënave të marra nga Drejtoria e Përgjithshme e Doganave dhe Statistikat mbi eksportet/importet e mallrave sipas karakteristikave të ndërmarrjeve”, të cilat do të prodhohen nga INSTAT me frekuencë vjetore nëpërmjet përpunimit të të dhënave të marra nga Drejtoria e Përgjithshme e Doganave dhe skedarit të ndërmarrjeve që disponon INSTAT.

Treguesit kryesorë: Tregues statistikorë mbi investimet e huaja fluks dhe stok sipas shteteve; Tregues statistikorë mbi investimet e huaja fluks dhe stok sipas aktivitetit ekonomik. Tregues statistikorë mbi tregtinë ndërkombëtare të shërbimeve me ndarje gjeografike (sipas shteteve). Tregues statistikorë mbi eksportet/importet e mallrave; Tregues statistikorë mbi eksportet/importet e mallrave sipas karakteristikave të ndërmarrjeve.

Përputhshmëria me *acquis*: Mbështetur në programin e monitorimit të përputhshmërisë, Eurostat vlerëson pjesërisht në përputhje nivelin e implementimit të metodologjisë së investimeve të huaja direkte dhe tregtisë ndërkombëtare të shërbimeve, si dhe kritereve të transmetimit të këtyre të dhënave.

Statistikat e tregtisë së jashtme janë përafruar pjesërisht me Rregulloren (KE) Nr. 2019/2152 të Parlamentit Evropian dhe të Këshillit “Për statistikat e evropiane të biznesit”. Të dhënat e hollësishme të tregtisë së jashtme transmetohen rregullisht në Eurostat çdo muaj. Statistikat e tregtisë sipas monedhës së faturës (tabelat TIC) dërgohen rregullisht në Eurostat një herë në dy vjet. Statistikat e tregtisë së jashtme kanë implementuar plotësisht sistemin statistikor në formatin e ri të transmetimit të detajuar në vitin Mars 2023.

Tema 3.6 “Bilanci i Pagesave”

Kjo temë përbëhet nga dy nëntema:

3.6.1 Statistikat mujore dhe tremujore të Bilancit të pagesave - Banka e Shqipërisë është institucioni përgjegjës që prodhon dhe publikon statistikën e bilancit të pagesave. Në përgatitjen e këtyre statistikave, Banka e Shqipërisë mbledh informacion nëpërmjet raportimit direkt nga institucionet financiare; raportimit direkt nga burime administrative si: Ministria e Financave, Drejtoria e Përgjithshme e Doganave, INSTAT, Autoriteti i Mbikëqyrjes Financiare, Ministria e Brendshme, Agjencia Kombëtare e Burimeve Natyrore, Qendra Kombëtare e Biznesit, si edhe nëpërmjet vrojtimit të realizuara në kompani private dhe individë. Të dhënat e grumbulluara nga burimet e mësipërme raportohen pjesërisht me frekuencë mujore dhe në pjesën më të madhe me frekuencë tremujore, duke mundësuar përgatitjen dhe publikimin e statistikave të bilancit të pagesave me frekuencë tremujore, dhe duke filluar nga viti 2020 me frekuencë mujore. Statistikat e bilancit të pagesave prodhohen në bazë të manualeve metodologjike të FMN-së (BPM6-2009, EDS 2013), OECD-së (BD4), manualit të statistikave të tregtisë ndërkombëtare të shërbimeve dhe kodit evropian të statistikave.

3.6.2 Statistikat tremujore të Pozicionit të Investimeve Ndërkombëtare - Banka e Shqipërisë është institucioni përgjegjës për prodhimin dhe publikimin e statistikave të pozicionit të investimeve ndërkombëtare. Në përgatitjen e këtyre statistikave merren të dhënat nga Banka e Shqipërisë, INSTAT, Ministria e Brendshme, Ministria e Financave, Agjencia Kombëtare e Burimeve Natyrore, Autoriteti i Mbikëqyrjes Financiare, Qendra Kombëtare e Biznesit, si dhe të dhëna nga vrojtimit statistikore pranë kompanive private të huaja dhe të përbashkëta shqiptare – të huaja. Gjithashtu, për përgatitjen e këtyre statistikave përdoren të dhëna nga Fondi Monetar Ndërkombëtar dhe informacione nga shkëmbime të ndërsjella dypalëshe me Kosovën. Të dhënat e grumbulluara nga burimet e mësipërme raportohen pjesërisht me frekuencë mujore dhe në pjesën më të madhe me frekuencë tremujore, duke mundësuar përgatitjen dhe publikimin e statistikave të pozicionit të investimeve ndërkombëtare me frekuencë tremujore.

Statistikat e pozicionit të investimeve ndërkombëtare prodhohen në bazë të manualeve metodologjike të FMN-së (BPM6-2009, EDS 2013), OECD-së (BD4) dhe Kodit evropian të statistikave. Gjithashtu, Banka e Shqipërisë realizon aktivitetin mbi statistikën mujore të Rezervës Ndërkombëtare dhe aktivitetin mbi statistikën tremujore të Borxhit të Jashtëm.

Treguesit kryesorë: Tregues statistikorë mbi bilancin tremujor të pagesave; Tregues statistikorë mbi bilancin mujor të pagesave. Tregues statistikorë mbi pasqyrën e pozicionit të investimeve ndërkombëtare me frekuencë tremujore; tregues me frekuencë mujore mbi rezervën ndërkombëtare dhe tregues me frekuencë tremujore mbi borxhin e jashtëm.

Përputhshmëria me *acquis*: Mbështetur në programin e monitorimit të përputhshmërisë, Eurostat e vlerëson pjesërisht të përputhshëm me Rregulloren (KE) 184/2005 “Bilanci i pagesave, tregtia ndërkombëtare e shërbimeve dhe investimet e huaja direkte” nivelin e implementimit të metodologjisë së bilancit të pagesave dhe pozicionit të investimeve ndërkombëtare BPM6, si dhe kriteret e transmetimit të të dhënave.

Tema 3.7 “Çmimet”

Statistikat e çmimeve janë ndarë në disa nëntema si më poshtë:

3.7.1 “*Statistikat e Çmimeve të Konsumit*” e matur nëpërmjet tre treguesve kryesorë: “Indeksi i Çmimeve të Konsumit (IÇK)”, “Indeksi i Harmonizuar i Çmimeve të Konsumit (IHÇK)” dhe “Indeksi i Harmonizuar i Çmimeve të Konsumit me Çmime Konstante”. Këto indekse prodhohen çdo muaj nga INSTAT-i nëpërmjet kryerjes së vërtetimit mujor të çmimeve të një shporte fikse mallrash dhe shërbimesh pranë njësive të tregtisë me pakicë, si dhe duke shfrytëzuar të dhëna të tjera të marra nga Ministria e Arsimit, Sporteve dhe Rinisë, Bashkitë, Enti Rregullator i Ujit/Ujësjellës Kanalizime Tiranë, Operatori i Shpërndarjes së Energjisë Elektrike, Autoriteti i Mbikëqyrjes Financiare dhe Universitetet.

3.7.2 “*Indeksi i Nivelit të Çmimeve dhe Prodhimi i Brendshëm Bruto për frymë në Standartin e Fuqisë Blerëse*” është nëntemë e veçantë dhe parashikon kryerjen e aktivitetit statistikor “Matja e Fuqisë Blerëse (MFB)”. Statistikat e kësaj kategorie do të prodhohen nga Eurostat me frekuencë vjetore, duke përdorur të dhënat e vërtetimeve të ndryshme të çmimeve të konsumit, ndërtimit, makinerive dhe pajisjeve, qirave, spitaleve dhe të dhëna të tjera shpesh të realizuara nga INSTAT për llogaritjen e këtyre treguesve.

3.7.3 “*Indeksi i Çmimeve të Banesave*” është aktivitet statistikor në formë studimi, ku INSTAT parashikon që, në vitin 2026, të prodhojë statistika me frekuencë tremujore duke shfrytëzuar të dhënat administrative të marra nga Agjencia Shtetërore e Kadastrës ose nga vërtetimet statistikore.

Treguesit kryesorë: Indeksi Mujor i Çmimeve të Konsumit, Ndryshimi vjetor, Ndryshimi mujor, Indeksi mesatar vjetor; Ndryshimi mesatar vjetor, Indeksi i Mujor i Harmonizuar i Çmimeve të Konsumit, Indeksi i nivelit të çmimeve, PBB për frymë në Standardin e Fuqisë Blerëse.

Përputhshmëria me *acquis*: *Statistikat Çmimeve të Konsumit* janë pjesërisht në përputhje me Rregulloren (EC) Nr. 2016/792 “Për indeksat e harmonizuara të çmimeve të konsumit dhe indeksin e çmimeve të banesave”, ndërkohë që zbatojnë të njëjtat përkufizime dhe klasifikime. Të dhënat e çmimeve transmetohen dhe publikohen rregullisht në Eurostat, çdo muaj. INSTAT ndjek dhe zbaton rregullisht ndryshimet metodologjike të rregullores dhe i zbaton në trajtimin dhe llogaritjen e treguesit. Përsa i përket statistikave të Matjes së Fuqisë Blerëse, të gjitha aktivitetet që lidhen me këtë nëntemë statistikore kryhen në përputhje të plotë me Rregulloren (BE) Nr. 193/2011 “Për kontrollin e cilësisë së matjes së fuqisë blerëse”.

Tema 3.8 “Shkenca, Teknologjia dhe Inovacioni”

Në këtë temë përfshihen këto nëntema:

3.8.1 “*Statistikat e shkencës dhe teknologjisë*” - për statistikave të kësaj kategorie, INSTAT, gjatë vitit 2025, do të mbledhë dhe përpunojë të dhëna administrative mbi fondet e alokuara në buxhetin e shtetit për aktivitetin e Kërkimit Shkencor (statistikat GBARD), për vitin referencë 2024. Këto të dhëna do të transmetohen në Eurostat.

3.8.2 “*Statistikat e inovacionit*” - INSTAT, gjatë vitit 2025, do të përpunojë të dhënat e Vërtetimit të Inovacionit në Ndërmarrje, të realizuar në Dhjetor të 2024 (CIS 2024), për periudhën kohore 2022-2024. Treguesit e Inovacionit për periudhën kohore 2022-2024, do të publikohen dhe transmetohen në Eurostat në vitin 2026.

3.8.3 “*Statistikat e Teknologjisë së Informacionit dhe Komunikimit*” - Për prodhimin e statistikave të kësaj nënteme, INSTAT do të kryejë dy vërtetime:

a) Vrojtimin vjetor mbi “Teknologjinë e Informacionit dhe Komunikimit” pranë ndërmarrjeve ekonomike, për të cilin INSTAT do të kryejë mbledhjen e të dhënave për vitin referencë 2025 dhe publikimin e këtyre treguesve duke u bazuar në Rregulloren Zbatuese për vitin referues. Gjithashtu, gjatë vitit 2025, këto tregues dhe raporti i cilësisë do të transmetohen në Eurostat.

b) Vrojtimin mbi “Përdorimin e Teknologjisë së Informacionit dhe Komunikimit” në Njësitë Ekonomike Familjare (NjEF), ku edhe për këtë aktivitet, INSTAT do të kryejë mbledhjen e të dhënave për vitin referencë 2025 dhe publikimin e këtyre treguesve duke u bazuar në Rregulloren zbatuese për vitin referues. Gjithashtu, gjatë vitit 2025, të dhënat mikro si dhe raporti i cilësisë do të transmetohen në Eurostat nëpërmjet sistemit Metadata Handler.

Statistikat e teknologjisë së informacionit dhe komunikimit do të kenë frekuencë vjetore. Statistikat e përdorimit të teknologjisë së informacionit dhe komunikimit në Njësitë Ekonomike Familjare kryhen bazuar në rregulloren (BE) 2019/1700 “Për statistikën lidhur me individët dhe NjEF”, duke krijuar një kuadër ligjor të përbashkët lidhur me statistikën për njësitë ekonomike familjare dhe individët, të mbledhura përmes kampioneve të zgjedhura

Treguesit kryesorë: Tregues lidhur me përdorimin e Teknologjisë së Informacionit dhe Komunikimit (TIK) në ndërmarrje ekonomike me 10 e më shumë të punësuar; tregues mbi nivelin e përdorimit të teknologjisë së informacionit dhe komunikimit nga familjet (NjEF) dhe individët në nivel kombëtar me periodicitet vjetor.

Përthpushmëriame acquis: Statistikat mbi *Shkencën Inovacionin dhe Teknologjinë* janë pjesërisht në përputhje me Rregulloren e Komisionit (KE) Nr.2019/2152 “Për statistikën evropiane të biznesit”, Rregulloren Zbatuese të Komisionit Evropian (EU) 2022/1092 “Për Statistikat e Inovacionit, si dhe Rregulloren Zbatuese të Komisionit Evropian (EU) 2023/1507 “Për statistikën e Teknologjisë së Informacionit në ndërmarrje”. Gjatë vitit 2024 u prodhuan dhe publikuan disa tregues kryesor mbi statistikën e Kërkimit shkencor. *Statistikat për nënfushën e Shkencës* kanë përputhshmëri të ulët me rregulloren BE. *Statistikat për nënfushën e përdorimit të teknologjisë së informacionit dhe komunikimit në ndërmarrje* janë pjesërisht në përputhje me rregulloren bazë të Komisionit Evropian 2023/1507. *Statistikat për nënfushën e përdorimit të teknologjisë së informacionit dhe komunikimit në NjEF dhe individë* janë në përputhje me rregulloren bazë të Komisionit Evropian 2019/1700, duke siguruar një kuadër ligjor të përbashkët lidhur me vrojtimin e Teknologjisë së Informacionit në NjEF, të mbledhura përmes kampioneve të përzgjedhura me objekt popullsinë 16-74 vjeç. Hartimi i pyetësorit, përkufizimet dhe metodologjia e përdorur është në përputhje me rregulloret zbatuese për secilin vit në të cilin vrojtimi zhvillohet.

Treguesit statistikorë për *nënfushën e Inovacionit* janë pjesërisht të përputhshme me Rregulloren e Komisionit (KE) Nr.2019/2152 “Për statistikën evropiane të biznesit”, Rregulloren Zbatuese të Komisionit Evropian (BE) për statistikën e Inovacionit për raundin e vrojtimit të Inovacionit të Komunitetit, CIS 2024.

Tabela nr. 15 Lista e vrojtimeve për fushën “Statistikat Sektoriale”

Vrojtimi	Burimi i financimit
Vrojtimi vjetor në bujqësi	Buxhet shteti
Vrojtimi mbi sipërfaqen e mbjellë	Buxhet shteti
Vrojtimi i përdorimit të lëndës drusore në industri	Buxhet shteti

Vrojtimi mujor mbi monitorimin e aktivitetit të thertoreve për gjedhë, derra dhe të imta	Buxhet shteti
Vrojtimi mujor mbi monitorimin e aktivitetit të thertoreve të shpendëve	Buxhet shteti
Vrojtimi mujor i aktivitetit të pularive për prodhimin e vezëve (konsum njerëzor)	Buxhet shteti
Vrojtimi vjetor në të gjitha fabrikat dhe baxhot që grumbullojnë dhe përpunojnë qumësht	Buxhet shteti
Vrojtimi i çmimeve bujqësore	Buxhet shteti
Vrojtimi i Strukturave Akomoduese	Buxhet shteti
Vrojtimi i Turizmit në Familje "Pushime dhe Udhëtime"	Buxhet shteti
Vrojtimi i çmimeve të konsumit	Buxhet shteti
Vrojtimi i Paritetit të Fuqisë Blerëse	Komisioni Evropian
Vrojtimi mbi Kërkim Zhvillimin	Buxhet shteti
Vrojtimi i TIK në ndërmarrje	Buxhet shteti
Vrojtimi i TIK në familje	Buxhet shteti

Tabela nr.16. Niveli i përputhshmërisë me acquis për fushën “Statistikat Sektoriale”

Aktiviteti	Niveli i përputhshmërisë
Statistikat e pyjeve – administrative	I ulët
Statistikat e Prodhimit Bimor	I mesëm
Statistikat e Blegtorisë, Mishit dhe Vezëve	I ulët
Statistikat e Qumështit dhe Nënprodukteve të tij	I ulët
Statistikat e peshkimit	I mesëm
Statistikat e prodhimeve organike në bujqësi	I ulët
Statistikat e agromjedisit	I ulët
Statistikat e energjisë	I mesëm
Statistikat e transportit ajror, detar, rrugor dhe hekurudhor	I ulët
Statistikat e sigurisë në transport	I mesëm
Statistikat e Turizmit nga ana e Ofertës dhe Kërkesës	I mesëm
Statistikat tremujore të fluksit dhe stokut të Investimeve Direkte	I lartë
Statistikat e Tregtisë ndërkombëtare të shërbimeve	I plotë
Statistikat e Tregtisë së jashtme të mallrave	I ulët
Klasifikimet për Statistikat e Tregtisë së jashtme të mallrave	I lartë
Statistikat tremujore të Bilancit të Pagesave	I mesëm
Statistikat mujore të Bilancit të Pagesave	I mesëm
Statistikat tremujore të Pozicionit të Investimeve Ndërkombëtare	I mesëm
Statistikat tremujore të Borxhit të Jashtëm	I mesëm
Statistikat e Çmimeve të Konsumit	I mesëm
Vrojtimet e Matjes së Fuqisë Blerëse	I plotë
Indekset e Çmimeve të Banesave	I papërputhshëm
Statistikat e Shkencës	I ulët
Statistika mbi Inovacionin në Ndërmarrje	I ulët
Statistikat e Teknologjisë së Informacionit dhe Komunikimit në ndërmarrje dhe familje	I mesëm

Fusha 4 “Statistikat e Mjedisit dhe Multidomain”

Statistikat e mjedisit dhe multidomain përfshijnë statistikat e mjedisit dhe statistikat rajonale dhe gjeohapësinore.

Qëllimi kryesor i statistikave të Mjedisit dhe Multidomain është sigurimi i të dhënave në kohë dhe me cilësi i treguesve statistikorë të cilët ndihmojnë në hartimin e politikave të përbashkëta mjedisore dhe socio-ekonomike, monitorimin dhe menaxhimin e këtyre fushave. Gjithashtu në këtë fushë statistikore synohet dhe integrimi i informacionit statistikor dhe atij gjeohapësinor, me anë të të cilit synohet sigurimi i numrit më të madh të mundshëm të statistikave të gjeoreferuara në kohë dhe cilësi nga fusha të ndryshme të statistikave në një nivel territorial të detajuar.

Objektivi kryesor gjatë vitit 2025, për statistikat e mjedisit dhe multidomain është realizimi i të gjithë objektivave sipas Programit të Statistikave Zyrtare 2022-2026 me fokus rritjen e cilësisë dhe plotshmërisë së serive kohore për treguesit me frekuencë vjetore, të lidhur në veçanti me statistikat e mbetjeve dhe statistikat e ujit, si dhe finalizimi i ngritjes së infrastrukturës së Teknologjisë së Informacionit për regjistrin statistikor të ndërtesave dhe banesave (RSNB/ASRBD).

Agjencia statistikore përgjegjëse: INSTAT

Tabela nr. 16 paraqet numrin e aktiviteteve të kësaj fushe, për kategoritë: periodiciteti/burimi i të dhënave/niveli minimal i publikimit/institucioni përgjegjës.

Tabela nr. 17 Përmbledhje e numrit të aktiviteteve për Fushën “Statistikat e Mjedisit dhe Multidomain”

4. Statistikat e Mjedisit dhe Multidomain	Nr. i aktiviteteve Statistikore (AS)	Nr. AS / Periodiciteti *	Nr. AS / Burimi i të dhënave**	Nr. AS / Niveli minimal i publikimit	Nr. AS / Institucioni përgjegjës
Mjedisi	9	3-V 1- 2V	8 BA 1 V	9 Vendi	9 INSTAT
Sistemi i Informacionit Gjeografik (GIS) për qëllime Statistikore	4	4-Tjetër	4-Tjetër	4 NA	4 INSTAT
Gjithsej	13	8-V 1-2V 4-Tjetër	8 BA 1V 4-Tjetër	9 Vendi 4 NA	13 INSTAT

*M-mujor; T-Tremujor; V-Vjetor;

** VS-Vrojtim Statistikor; BA-Burim Administrativ; NA-Nuk aplikohet.

Tema 4.1 “Mjedisi”

Statistikat e mjedisit parashikohet të prodhohen sipas këtyre nëntemave:

4.1.1 “Llogaritë Monetare Mjedisore”, sipas kësaj nënteme, INSTAT do të prodhojë statistika mbi Llogaritë Monetare Mjedisore, me frekuencë vjetore, të siguruar nga burime administrative, duke shfrytëzuar të dhënat e disponueshme në INSTAT (kryesisht të dhënat e siguruar nga Drejtoria e Llogarive Kombëtare) dhe duke i shpërndarë këto të dhëna sipas kërkesave dhe metodologjisë evropiane.

4.1.2 “Llogaritë Fizike Mjedisore”, sipas së cilës INSTAT do të realizojë aktivitetin “Llogaritë Fizike Mjedisore” të gjeneruara nga burimi administrativ dhe duke përpunuar të dhënat statistikore të siguruar nga Agjencia Kombëtare e Burimeve Natyrore, Agjencia e Menaxhimit të Burimeve Ujore dhe INSTAT.

4.1.3 “*Statistikat mbi menaxhimin e mbetjeve*”, ku INSTAT do të kryejë prodhimin vjetor të statistikave mbi mbetjet, bazuar në aktivitetet “Statistikat mbi menaxhimin e mbetjeve”, të siguruara nga burimi administrativ dhe “Statistikat mbi menaxhimin të mbetjeve të ngurta urbane”, të siguruara nga bashkitë e vendit, me një sistem tashmë të konsoliduar të mbledhjes së të dhënave. Gjithashtu, brenda kësaj nënteme, INSTAT do të kryejë prodhimin vjetor të statistikave mbi mbetjet, bazuar në “Statistikat mbi menaxhimin e mbetjeve” të siguruara nga vrojtimi vjetor mbi mbetjet në industri”.

4.1.4 “*Statistikat e ujit*” - Prodhimi vjetor i statistikave të ujit nga INSTAT, do të bazohet në aktivitetin statistikor “Statistikat e ujit”, i cili prodhohet nga përpunimi i të dhënave administrative të siguruara nga Ministria e Turizmit dhe Mjedisit, Ministria e Infrastrukturës dhe Energjisë, Instituti i Gjeoshkencave, Energjisë, Ujit dhe Mjedisit dhe Shërbimi Gjeologjik Shqiptar.

4.1.5 *Statistikat e Qytetit* - Për realizimin e kësaj nënteme do të prodhohen statistikat mbi cilësinë e ajrit, zhurmat dhe automjetet sipas vjetërsisë në përdorim. Këto statistika do të prodhohen nga INSTAT me frekuencë vjetore, duke u mbështetur në aktivitetin “Statistikat mbi cilësinë e ajrit dhe zhurmat”, të cilat prodhohen nga përpunimi i të dhënave të siguruara nga INSTAT, si dhe i të dhënave administrative të siguruara nga Ministria e Turizmit dhe Mjedisit, Ministria e Infrastrukturës dhe Energjitikës .

4.1.6 “*Statistikat e Biodiversitetit*” - Nga realizimi i kësaj teme statistikore do të vijojë punën për sigurimin e të dhënave të përgjithshme dhe specifike për zonat e mbrojtura, speciet e kërcënuara, florën dhe faunën. Të dhënat janë vjetore në nivel kombëtar dhe sigurohen nga Ministria e Turizmit dhe Mjedisit, si dhe Agjencia Kombëtare e Zonave të Mbrojtura.

Treguesit kryesorë: Tregues vjetorë mbi taksat në mjedis në total vendi; Tregues vjetorë mbi shpenzimet për mbrojtjen e mjedisit dhe të ardhurat në total vendi; Tregues vjetorë mbi të mirat dhe shërbimet në mjedis në total vendi; Tregues vjetorë mbi llogaritë rrjedhëse fizike të energjisë në total vendi, Burimet e Brendshme Natyrore (DE), Përdorimin e brendshëm të materialeve mjedisore (DMC); Tregues mbi menaxhimin e mbetjeve dhe substancave të rrezikshme në nivel vendi; Tregues statistikorë mbi mbetjet e ngurta urbane, mbetjet e ngurta industriale; cilësinë e ujërave larës në detet Adriatik dhe Jon; Tregues mbi ujin, cilësinë e ajrit dhe zhurmat në nivel vendi dhe në qytete kryesore, speciet e rrezikuara dhe ato të mbrojtura për florën dhe faunën, si dhe tregues mbi numrin dhe sipërfaqen e zonave të mbrojtura.

Përputhshmëria me *acquis*: Llogaritë Monetare në Mjedis bazohen në Rregulloren (KE) 691/2011 “Për Llogaritë Ekonomike Evropiane Mjedisore”. Llogaritë Fizike Mjedisore bazohen në Rregulloren (KE) 691/2011 “Për Llogaritë Ekonomike Evropiane Mjedisore”. Përkufizimet e përdorura janë kryesisht në përputhje me këtë rregullore. Llogaritë e Flukseve të Materialeve Mjedisore publikohen nga INSTAT me periodicitet vjetor dhe në përputhje me metodologjinë e BE-së. Statistikat në fushën e mbetjeve të ngurta urbane realizohen duke zbatuar metodologjitë dhe standardet e parashikuara në rregulloret si: Rregullorja (KE) Nr. 2150/2002 “Për statistikat e mbetjeve”, Direktiva e Këshillit të Evropës Nr. b2008/98/EC “Për mbetjet dhe raportimin e detyrueshëm të statistikave për mbetjet”, Rregullorja (KE) Nr. 782/2005, që përcakton formatin e detyrueshëm për transmetimin e rezultateve në statistikat e mbetjeve, Rregullorja (KE) Nr. 783/2005, Shtojca II për rregulloren e mbetjeve, Direktiva e Këshillit të Evropës Nr. 2150/2002 “Për kriteret e duhura të vlerësimit të cilësisë dhe

përmbajtjen e raporteve të cilësisë për statistikat e mbetjeve”, Rregullorja (KE) Nr. 849/2010 “Për menaxhimin e mbetjeve urbane” dhe Manuali i Eurostatit për statistikat e mbetjeve, i amenduar. *Statistikat në fushën e ujërave* realizohen duke zbatuar metodologjitë sipas standardeve evropiane bazuar në rregulloret dhe direktivat e BE, Rregullorja (KE) 2017/1951 “Për programin e statistikave evropiane”.

Statistikat e kësaj teme statistikore janë pjesërisht në përputhje me rregulloret përkatëse.

Tema 4.2 “Multidomain”

Kjo temë përbëhet nga 2 nëntema:

4.2.1 Sistemi i Informacionit Gjeografik (GIS) për qëllime Statistikore - Gjatë vitit 2025, INSTAT-i do të zbatojë aktivitetet që lidhen me sistemin e informacionit gjeografik bazuar dhe në PSZ-në 2022-2026, me fokus përditësimin e vazhdueshëm të të dhënave gjeohapësinore me informacionin e ardhur nga Censi i Popullsisë dhe Banesave 2023, burime administrative, burime alternative dhe/ose verifikime në terren. Baza e të dhënave gjeohapësinore do të shërbejë edhe për përmirësimin e kampionit të vrojtimeve të tjera statistikore të INSTAT-it.

Si pjesë e aktiviteteve të gjeoinformacionit, do të punohet edhe në integrimin e të dhënave gjeohapësinore me të dhënat statistikore në funksion të përgatitjes së materialit hartografik për publikimet e veçanta të INSTAT-it me anë të komponentit gjeografik. Në këtë kuadër të publikimit të të dhënave statistikore do të synohet në përditësimin dhe pasurimin e gjeoportalit të INSTAT-it me më shumë tregues rajonalë në nivele të ndryshme gjeografike për të qenë sa më pranë nevojave të përdoruesve.

Në zbatim të pikës 3/b të nenit 8 të Ligjit nr. 140/2020 “Për censin e popullsisë dhe banesave”, lidhur me aktivitetin “Ndërtimin e Regjistrit Statistikor të Ndërtesave dhe Banesave (RSBN)”, gjatë vitit 2025 synohet të përfundohet ngritja e infrastrukturës së Teknologjisë së Informacionit për regjistrin, që përfshin aplikacionin web të regjistrit, si dhe aplikacionin e mbledhjes së të dhënave në terren në kuadër të përditësimit dhe mirëmbajtjes së regjistrit. Gjatë vitit 2025, fokus do të jetë finalizimi i ndërtimit të të gjithë bazës GIS/IT së RSNB-së dhe përgatitja për ndërmarrjen e aktivitetit të parë të përditësimit në terren. Gjatë vitit 2025 është parashikuar të nisë dhe procesi i përditësimit të regjistrit me të dhënat e siguruar nga Drejtoria e Përgjithshme e Gjendjes Civile (Adresari) apo autoritete të tjera publike shqiptare, sipas variablave të përcaktuar në regjistër. Kjo fazë përfshin verifikimin në terren të informacionit dhe përditësimin e bazës së të dhënave të regjistrit. Në funksion të përditësimit dhe mirëmbajtjes së regjistrit do të vendosen apo rishikohen marrëveshjet e bashkëpunimit me institucione të tjera publike.

Përsa i përket aktivitetit “Klasifikimi statistikor i njësive territoriale” INSTAT transmeton, sipas kërkesave të Eurostatit, rregullisht çdo vit listën e Njësive Administrative Lokale (LAU) me klasifikimet që disponon si: shkallën e urbanizimit (DEGURBA) dhe klasifikimin e zonave bregdetare (Costal Areas). INSTAT-i do të vijojë të transmetojë këtë listë sipas kërkesave të Eurostatit për vitin 2025. Gjithashtu, gjatë vitit të ardhshëm, INSTAT-i ka planifikuar harmonizimin e klasifikimit të nomenklaturave statistikore NUTS në përputhje me Rregulloret e KE-së, si dhe implementimin e tipologjive territoriale (TERCET) në përputhje me Rregulloret e Komisionit Europian, si dhe paraqitjen hartografike të treguesve kryesorë të censit në nivel rrjeti qelizor (grid) prej 1km².

Në zbatim të Rregulloreve të Komisionit Europian mbi klasifikimet e nomenklaturës territoriale me mbështetjen nga Programi i Bashkëpunimit Statistikor me Shumë Vende Përfutuese - IPA 2022 dhe bazuar në të dhënat e Censit të Popullsisë dhe Banesave 2023, INSTAT-i do të synojë a) përditësimin e klasifikimit të rajoneve NUTS; b) përditësimin e shkallës së urbanizimit “degree of urbanization” (DEGURBA) e aplikuar në nivel LAU mbi bazën e popullsisë në nivel rrjeti qelizash (grid); c) përcaktimin e listës së qyteteve (“Cities”) mbi bazën e metodologjisë evropiane; d) përcaktimin e “Functional Urban Areas” (FUAs) bazuar mbi bazën e popullsisë në nivel rrjeti qelizash (grid) dhe lëvizjeve vajtje-ardhje për në punë.

4.2.2 Harmonizimi i temave “Demografia” dhe “Njësitë Statistike” sipas direktivës INSPIRE

Në lidhje me Infrastrukturën Kombëtare të Informacionit Gjeohapsinor (NSDI Kombëtare), INSTAT-i do të fokusohet në transformimin dhe harmonizimin e të dhënave gjeografike për dy temat që është përgjegjës në kuadrin e NSDI shqiptare (Demografia dhe Njësitë Statistike), sipas specifikimeve të Direktivës INSPIRE. Me mbështetjen e Autoritetit Shtetëror për Informacionin Gjeohapsinor, INSTAT parashikon harmonizimin e të dhënave gjeohapësinore me të dhënat e Censit të Popullsisë dhe Banesave 2023.

Tabela nr. 18 Lista e vrojtimeve për fushën “Statistikat e Mjedisit dhe Multidomain”

Vrojtimi	Burimi i financimit
Vrojtimi i përdorimit të ujit në industri	Buxhet shteti

Tabela nr.19. Niveli i përputhshmërisë me acquis për fushën “Statistikat e Mjedisit dhe Multidomain”

Aktiviteti	Niveli i përputhshmërisë
Llogaritë Monetare Mjedisore	I ulët
Llogaritë Fizike Mjedisore	I mesëm
Statistikat mbi menaxhimin e mbetjeve	I mesëm
Statistikat e ujit	I mesëm
Sistemi i Informacionit Gjeografik (GIS) për qëllime Statistike	I lartë

Botime përmbledhëse

Botime e INSTAT-it pasqyrojnë një gamë të gjerë të dhënash dhe analizash statistikore, duke ofruar një pamje gjithëpërfshirëse të zhvillimeve demografike, ekonomike, sociale e mjedisore në Shqipëri. Ato kanë fokus të veçantë, tregjet e punës, tregtinë e jashtme, transportin, kulturën dhe turizmin. Këto publikime u shërbejnë vendimmarrësve, kërkuesve shkencorë, akademikëve dhe publikut të gjerë për të kuptuar më mirë realitetin dhe dinamikën e vendit. Të përgatitura në përputhje me standardet ndërkombëtare, botimet e INSTAT-it janë një burim i domosdoshëm për ndjekjen e politikave dhe planifikimin strategjik, duke mbështetur vendimmarrjen e bazuar në të shifra.

Vjetari Statistikor Rajonal

Vjetari Statistikor Rajonal është një publikim me frekuencë vjetore, i cili synon t'i japë përdoruesve një përmbledhje të treguesve dhe tendencave demografike, ekonomike, sociale dhe mjedisore më të rëndësishme dhe më të fundit në nivel rajonal, qarkud he, ku është i disponueshëm, edhe në nivel lokal (si psh nivel bashkie). Prioriteti i Vjetarit është paraqitja e treguesve statistikorë (normat, raportet, mesataret, koeficientët, indekset etj.) dhe jo vlerat absolute. Kjo mundëson krahasimin ndërmjet njësive territoriale, pavarësisht nga madhësia dhe vendndodhja e tyre. Ky publikim respekton Nomenklaturën Evropiane të Njësive Territoriale për Statistikat (NUTS), ku dallon këto nivele: NUTS 1 (nivel vendi), NUTS 2 (rajonet statistikore bazë, në Shqipëri: Veri, Qendër, Jug), NUTS 3 (rajone të vogla statistikore, në Shqipëri: 12 Prefekturat ose Qarqet), LAU 1 (Njësitë administrative vendore 1, në Shqipëri: 61 Bashki).

Regjistrat e Biznesit

Statistikat zyrtare bazuar në regjistrat e biznesit i shërbejnë gjithë komunitetit të biznesit, politikëbërësve dhe akademikëve për të analizuar situatën ekonomike në vend, për të ndërmarrë iniciativa dhe vendime të drejta për të përmirësuar klimën dhe zhvillimin e bizneseve.

Shqipëria në Shifra

Shqipëria në Shifra paraqet në mënyrë sintetike të dhëna statistikore për zhvillimin ekonomik dhe shoqëror të Shqipërisë. Botimi përmban 36 kapituj: Demografia, Shëndetësia, Kushtet Sociale, Arsimi, Kultura, Papunësia, Punësimi, Çmimet, Tregtia e Jashtme, Transporti, Turizmi, Llogaritë Kombëtare, Regjistri i Ndërmarrjeve, Inovacioni etj.

Burra dhe Gra në Shqipëri

Publikimi “Burra dhe Gra në Shqipëri” është një publikim me periodicitet vjetor, i cili paraqet të dhëna për fusha të ndryshme të jetës të ndara sipas gjinisë, si dhe paraqet matjen dhe monitorimin e jetës së grave dhe burrave në shoqëri. Kapitujt e përfshirë në këtë botim pasqyrojnë fusha të ndryshme të të dhënave me bazë gjinore, të cilat janë përpunuar dhe vendosur në kontekst nga stafi i INSTAT, duke i bërë ato më të lehta dhe të kuptueshme për publikun e gjerë.

Tregtia e Jashtme e mallrave dhe ndërmarrjet

Botimi pasqyron disa nga kërkesat themelore dhe nevojat e disa grupeve të përdoruesve për të dhënat mbi tregtinë e mallrave dhe ndikimin e tyre në ekonominë shqiptare. Ky publikim i dedikuar paraqet me anë të shifrave realitetin ekonomik në vend, si dhe përgjigjet ndaj kërkesave në rritje për informacion statistikor të vendimarrësve, kërkuesve shkencorë dhe akademikëve në Shqipëri.

Tregu i Punës

Botimi mbi Tregun e Punës është një burim i rëndësishëm informacioni mbi situatën dhe tendencat e tregjeve kombëtare të punës. Ai ndihmon për të monitoruar politikat dhe strategjitë kryesore për punësimin dhe pagat, sipas gjinisë dhe strukturës gjinore dhe moshore, shkallës arsimore, aktivitetit ekonomik dhe profesioneve. Botimi vjetor i Tregut të Punës përmban një

analizë të zgjeruar të publikimeve tremujore bazuar në burime administrative dhe Vrojtimin e Forcave të Punës.

Turizmi në Shifra

Ky publikim i dedikuar paraqet me anë të shifrave të dhëna përmbledhëse mbi sektorin e Turizmit për nevoja të hartuesve të politikave, vendimarrësve, kërkuesve shkencorë dhe akademikëve në Shqipëri. Përgatitja e këtij materiali është mundësuar nga burime administrative dhe dy vrojtme: Vrojtimi “Pushime dhe Udhëtime” dhe “Vrojtimi i Strukturave Akomoduese”.

Statistikat e Kostos së Punës

Publikimi “Statistikat e Kostos së Punës” siguron të dhëna cilësore, të hollësishme dhe të harmonizuara mbi kostot e punës së ndërmarrjeve për faktorin e prodhimit punë. Ky publikim përmban të dhëna mbi orët reale të punës, pagat dhe rrogat bruto në kesh dhe në natyrë, kontributet për sigurimet shoqërore që paguan punëdhënësi për punëmarrësin, kostot e trajnimit profesional, si dhe shpenzime të tjera si: kostot e rekrutimit dhe shpenzimet për veshje, strehim apo taksat e punësimit etj.

Statistika të Kulturës

INSTAT publikon statistika mbi kulturën, duke u përqendruar në pjesëmarrjen kulturore dhe në dimensionin ekonomik të kulturës. Këto statistika lidhen me pjesëmarrjen dhe trashëgiminë kulturore, edukimin dhe punësimin në kulturë. Gjithashtu, botimi është pasuruar me seksione të veçanta që i dedikohen edhe përdorimit të internetit për qëllime kulturore dhe shpenzimeve publike në kulturë.

Objektivat e Zhvillimit të Qëndrueshëm

Publikimi “Objektivat e Zhvillimit të Qëndrueshëm, 2022” përmban disa indikatorë për secilin objektiv, paraqitur vizualisht, me një pëshkrim të indikatorit, vlerën e tij si dhe krahasimin me vitin përpara. Ky publikim parashikohet të realizohet një here në tre vite.

Transporti në shifra

Transporti është një sektor i rëndësishëm i ekonomisë dhe luan një rol jetik në shoqërinë e sotme të lëvizshme. Ky publikim i dedikuar paraqet me anë të shifrave situatën reale në vend, si dhe përgjigjet ndaj kërkesave në rritje për informacion statistikor të vendimarrësve, kërkuesve shkencorë dhe akademikëve në Shqipëri. Përgatitja e këtij botimi mundësohet nga burime administrative të treguesve statistikorë lidhur me transportin hekurudhor, rrugor, detar dhe ajror lidhur me sasinë e mallrave dhe numrin e pasagjerëve që lëvizin çdo vit, mjetet e përdorura dhe treguesit e sigurisë në transport.

Ndërmarrjet e huaja dhe të përbashkëta

Statistikat në lidhje me ndërmarrjet private të huaja dhe të përbashkëta (shqiptare dhe të huaja) synojnë të tregojnë strukturën, masin treguesit ekonomikë, format e organizimit, brenda territorit të Republikës së Shqipërisë. INSTAT, nëpërmjet këtij publikimi, plotëson disa prej kërkesave për informacion statistikor të vendimarrësve, kërkuesve shkencorë, akademikëve, etj, të cilat janë vazhdimisht në rritje.

CENSET

A. Censi i Popullsisë dhe Banesave

Censi i Popullsisë dhe Banesave 2023 ka përfunduar në muajin Nëntor të vitit 2023, duke patur në fokus respektimin e Udhëzuesit "Rekomandimet për Censet e Popullsisë dhe Banesave të vitit 2020" të Konferencës së Statistikave Evropiane në përputhje dhe me rishikimin e "Parimeve dhe Rekomandimeve për Censet e Popullsisë dhe Banesave" të Kombeve të Bashkuara për vitin 2020.

Të dhënat e këtij censi luajnë një rol thelbësor në përditësimin e të dhënave statistikore të nevojshme në nivel qendror dhe vendor. Ai gjithashtu ndihmon në kuptimin dhe ilustrimin e transformimeve që Shqipëria ka përjetuar në periudhat midis censeve. Censi ofron informacionin bazë statistikor mbi popullsinë, ndërtesat dhe banesat për të gjithë territorin e Shqipërisë, i cili është thelbësor për ndërtimin e institucioneve, zhvillimin e qëndrueshëm, demokracinë dhe qeverisjen e mirë në nivel kombëtar, rajonal dhe lokal. Gjithashtu, këto të dhëna nxjerrin në pah ndryshimet demografike, ekonomike dhe shoqërore ndërmjet dy censeve sipas ndarjes territoriale.

Një komponent tjetër shumë i rëndësishëm i Censit është edhe ai gjeohapësinor në të cilin të dhënat e Censit do të shërbejnë për të përditësuar gjeodatabazën e INSTAT, për të populluar Regjistrin Statistikor të Ndërtesave dhe Banesave, si dhe për ndërtimin e kornizës së re të kampionimit për vërtetimet e INSTAT-it.

Të dhënat do të bëhen të disponueshme në formë të agreguar, duke filluar nga zonat më të vogla gjeografike deri në nivel bashkiak dhe kombëtar, sipas kalendarit të publikimeve të Censit, si dhe përmes rrjetit të qelizave 1km², për të lehtësuar zbatimin, monitorimin dhe vlerësimin e planeve dhe programeve të zhvillimit, përafrimin me metodologjitë evropiane, si dhe për qëllime të tjera dhe kërkime shkencore.

Aktivitetet kryesore të Censit të Popullsisë dhe Banesave për vitin 2025

Në kalendarin e publikimeve është parashikuar që gjatë vitit 2025 të realizohen:

- Analizat të thelluara mbi tematika të ndryshme;
- Të dhënat mikro në dispozicion për përdoruesit e jashtëm.

B. Censi i Bujqësisë

INSTAT ka bërë progres në përgatitjen e Censit të Bujqësisë, duke zhvilluar një dokument strategjik, i cili përfshin planin e veprimit dhe buxhetin e nevojshëm për realizimin e tij. Miratimi zyrtar i Strategjisë së Censit të Bujqësisë do të kryhet pas miratimit të Projektligjit për "Censin e Bujqësisë". Projektligji, i cili po ndiqet nga Ministria e Bujqësisë dhe Zhvillimit Rural, është përgatitur nga INSTAT-i në bashkëpunim me ekspertë nga vendi dhe ndërkombëtarë dhe aktualisht është në proces diskutimi nga ministritë e linjës. Projektligji "Për censin e bujqësisë" është pjesë e PKIE 2025, nën Kapitullin 18 "Statistikat".

Censi i Bujqësisë do t'i përmbahet zbatimit të Rregullores (BE) Nr. 2018/1091 të Parlamentit Evropian dhe Këshillit të Evropës, datë 18 Korrik 2018, mbi Statistikat e Integruara të Fermave, si dhe Rregullores Zbatuese të Komisionit (BE) 2021/2286, datë 16 Dhjetor, 2021.

Aktivitete të planifikuara për Censin e Bujqësisë

Aktivitete të mëtejshme të planifikuara për Censin e Bujqësisë janë:

- Rishikimi i strategjisë, planit të aktiviteteve dhe buxhetit;
- Finalizimi i pyetësorit;
- Finalizimi i kornizës metodologjike;
- Ngritja e sistemit të teknologjisë së informacionit (TI) për mbledhjen dhe analizimin e të dhënave.

Ky proces do të kontribuojë në mbledhjen e të dhënave të sakta dhe të besueshme për sektorin bujqësor, duke mundësuar zhvillimin e politikave të informuara dhe përmirësimin e statistikave të bujqësisë në përputhje me standardet dhe rregulloret ndërkombëtare.

V. Sistemi i menaxhimit të cilësisë

INSTAT synon të ofrojë produkte dhe shërbime statistikore që korrespondojnë me nevojat statistikore të informacionit të grupeve të ndryshme të përdoruesve. Përmirësimi i cilësisë së informacionit statistikor kryhet vazhdimisht duke kërkuar kostot më të ulëta të mundshme dhe duke zvogëluar barrën e përgjigjes. INSTAT është angazhuar të sigurojë cilësinë më të lartë në lidhje me përpilimin e statistikave. Në përputhje me legjislacionin për statistikave zyrtare, INSTAT përdor metoda dhe procese statistikore në linjë me parimet dhe standardet shkencore të njohura ndërkombëtarisht, kryen analiza të vazhdueshme të statistikave me qëllim përmirësimin e cilësisë dhe siguron që statistikave të jenë sa më të përditësuara. Në kryerjen e detyrave funksionale INSTAT ndjek parimet e përgjithshme të menaxhimit të cilësisë nga Kodi i Praktikës së Statistikave Evropiane.

Në kuadër të sigurimit të cilësisë statistikore, në përputhje me nenin 5 të ligjit nr. 17/2018 “Për statistikave zyrtare” dhe Parimin nr. 4 “Cilësia Statistikore” të Kodit të Praktikës së Statistikave Evropiane, INSTAT gjatë vitit 2024 ka ndërmarrë iniciativat e mëposhtme:

- Rritjen e kapaciteteve profesionale dhe ndërgjegjësimin të punonjësve të sistemit statistikor për menaxhimin e cilësisë përmes zhvillimit të trajnimeve të vazhdueshme mbi këtë fushë.
- Menaxhimin e kujdesshëm të risqeve dhe planifikimin në kohë të masave përkatëse parandaluese, thelbësore për Programin e Statistikave Zyrtare.
- Auditin statistikor dhe vetë-vlerësimi përcaktuar si rruga konkrete për identifikimin e pikave të forta dhe mundësive për përmirësim të cilësisë së një procesi apo produkti statistikor. Ky është një proces sistematik, i programuar, i pavarur, i dokumentuar, me anë të të cilit bëhet një vlerësim objektiv i hapave të ndjekur gjatë një procesi statistikor. Me synimin për të rritur përmirësimin e cilësisë së proceseve statistikore, prej vitit 2019 INSTAT ka nisur zbatimin konkret të këtyre aktiviteteve.

- Implementimin e GSBPM si një model reference. Nëpërmjet këtij modeli monitorohen afatet kohore të të gjitha proceseve statistikore, dokumentimi i tyre dhe matja e kosto-efektivitetit për aktivitetet statistikore.

- Për të siguruar cilësinë e statistikave zyrtare dhe besueshmërinë e publikut në to, INSTAT ka ofruar raportet e Cilësisë në nivelin e produkteve statistikore. Nëpërmjet tyre, përdoruesve u sigurohet informacion, si edhe metadatat referenciale/strukture, me format standard në metodat dhe përkufizimet e aplikuara dhe në cilësinë e rezultateve statistikore. Struktura e Raporteve të Cilësisë bazohet në konceptin e cilësisë së Sistemit Evropian të Statistikave (ESS-SIMS) dhe në parimet lidhur me cilësinë e produkteve statistikore sipas Kodit të Praktikës së Statistikave Evropiane.

- Orientimin ndaj përdoruesit - INSTAT përpaket që të prodhojë statistika sa më afër nevojave të përdoruesve, përpaket të njohë dhe të përmbushë pritshmëritë e tyre dhe në këtë mënyrë të sigurojë përmbushjen e plotë të nevojave për të dhëna statistikore zyrtare. Matja e pritshmërisë së përdoruesve realizohet nëpërmjet Vrojtimit të Kënaqësisë së Përdoruesve.

- Orientimin ndaj punonjësit - INSTAT kujdeset për kualifikimin dhe trajnimin e vazhdueshëm të punonjësve me qëllim rritjen e kapaciteteve dhe kompetencave të tyre, duke ndikuar kështu në rritjen e motivimit dhe kënaqësisë së punonjësve të cilët kontribuojnë efektivisht në proceset e punës nëpërmjet Vrojtimit të Kënaqësisë së Punonjësve.

Gjatë vitit 2025, INSTAT do të punojë në kuadër të menaxhimit të cilësisë, si vijon:

- Në përputhje me parimin nr. 1 “Koordinimi dhe bashkëpunimi”, të Kodit të Praktikës së Statistikave Evropiane, INSTAT dhe Eurostat sigurojnë koordinimin e të gjitha aktiviteteve për zhvillimin, prodhimin dhe shpërndarjen e Statistikave Evropiane në nivel të Sistemit Kombëtar Statistikor dhe Sistemit Statistikor Evropian. Autoritetet statistikore bashkëpunojnë në mënyrë aktive në kuadër të partneritetit të Sistemit Statistikor Evropian, në mënyrë që të sigurojnë zhvillimin, prodhimin dhe shpërndarjen e statistikave evropiane.

- Në përputhje me parimin nr. 4 “Cilësia Statistikore”, të Kodit të Praktikës së Statistikave Evropiane, INSTAT do të punojë në kuadër të përmirësimit të cilësisë statistikore. Puna do të fokusohet në: hartimin/përditësimin dhe publikimin e raporteve të cilësisë dhe metadatave referenciale për përdoruesit, dokumentimin e proceseve statistikore, rritjen e kapaciteteve profesionale dhe ndërgjegjësimin të punonjësve të SKS, auditin statistikor dhe vetë-vlerësimin, orientimin ndaj përdoruesve dhe punonjësve.

- Në përputhje me parimin nr. 9 “Ngarkesa ndaj të intervistuarve” të Kodit të Praktikës së Statistikave Evropiane, INSTAT monitoron përmes dy treguesve bazë: numri i pyetësorëve që ndërmarrjet/familjet duhet të përgjigjen si dhe kohëzgjatja e intervistës.

- Në përputhje me parimin nr. 10 “Kosto dhe Efektiviteti”, të Kodit të Praktikave Evropiane dhe në përmbushje të rekomandimit nr. 19 të Peer Review, për krijimin e një sistemi gjithëpërfshirës që mundëson vlerësimin e kostove të proceseve dhe produkteve të aktiviteteve statistikore dhe për përdorimin e informacionit që rezulton për qëllime menaxhimi, duke përfshirë edhe krahasimin e efikasitetit dhe kosto-efektivitetit, INSTAT ka ndërtuar një sistem gjithëpërfshirës që mundëson vlerësimin e kostove të proceseve dhe produkteve të aktiviteteve statistikore.

- Implementimi i Modelit të Përgjithshëm të Aktivitetit për Organizatat Statistikore (GAMSO), i cili plotëson Modelin e Përgjithshëm të Procesit Statistikor të Biznesit (GSBPM) me aktivitete shtesë të nevojshme për të mbështetur prodhimin statistikor. INSTAT do të zëvendësojë kornizën aktuale të vlerësimit të performancës (PAF) me GAMSO në mbështetje të planifikimit të burimeve, zhvillimit dhe zbatimit të arkitekturave të biznesit, duke përfshirë përbërës të tillë si arkitekturat e aftësive dhe sistemet e menaxhimit të riskut.

Tabelat më poshtë paraqesin informacion të detajuar mbi planin e vlerave të treguesive të performancës 2025 krahasuar me mesataren 2017-2021 për secilën fushë statistikore.

Tabela nr. 20 Menaxhimi i Cilësisë për Fushën “Statistikat Sociale dhe Demografike”

	2017-2021	2025
Dokumentimi sipas standartit GSBPM	15	17
Matja e kostos së aktiviteteve statistikore	0	17
Auditi Statistikor	0	1
Pyetësi i vetëvlerësimit	0	0
Raportet e cilësisë/metadatit sipas fushave	14	21
Raportet e cilësisë/metadatit sipas fushave të reja	1	3

Tabela nr. 21 Menaxhimi i Cilësisë për Fushën “Statistikat Ekonomike”

	2017-2021	2025
Dokumentimi sipas standartit GSBPM	13	17
Matja e kostos së aktiviteteve statistikore	0	17
Auditi Statistikor	1	1
Pyetësi i vetëvlerësimit	0	0
Raportet e cilësisë/metadatit sipas fushave	16	17
Raportet e cilësisë/metadatit sipas fushave të reja	1	0

Tabela nr. 22 Menaxhimi i Cilësisë për Fushën “Statistikat Sektoriale”

	2017-2021	2025
Dokumentimi sipas standartit GSBPM	9	24
Matja e kostos së aktiviteteve statistikore	0	24
Auditi Statistikor	0	0
Pyetësi i vetëvlerësimit	1	2
Raportet e cilësisë/metadatit sipas fushave	11	18
Raportet e cilësisë/metadatit sipas fushave të reja	1	0

Tabela nr. 23 Menaxhimi i Cilësisë për fushën “Statistikat e Mjedisit dhe Multidomain”

	2017-2021	2025
Dokumentimi sipas standartit GSBPM	9	4
Matja e kostos së aktiviteteve statistikore	0	4
Auditi Statistikor	0	0
Pyetësi i vetëvlerësimit	1	0
Raportet e cilësisë/metadatit sipas fushave	8	7
Raportet e cilësisë/metadatit sipas fushave të reja	1	3

Tabela nr. 24 Tregues të përgjithshëm

Indikatorët	2017-2021	2025
Niveli i kënaqësisë së përdoruesve të statistikave të prodhuara nga INSTAT	0.26	4.1/82.0%
Përqindja e përdoruesve që shprehin besim/besueshmëri në statistikat kombëtare (në një Vrojtje)	0.96	4.0/80%
Ngarkesa e të intervistuarve pranë familjeve	Po	Po
Ngarkesa e të intervistuarve pranë ndërmarrjeve	Po	Po
Kohëzgjatja e intervistës mesatare në minuta	32.9	32.00

VI. Integrimi evropian dhe bashkëpunimet ndërkombëtare

Integrimi Evropian

Instituti i Statistikave, ka punuar vazhdimisht dhe me prioritet për harmonizimin e statistikave zyrtare me standardet evropiane. Rekomandimet e progres-raporteve ndër vite për Kapitullin 18, rekomandimet e nënkomiteteve të ndryshme të Komisionit Evropian dhe të vlerësimeve të ndryshme nga Eurostat për statistikën zyrtare, janë pjesë e planeve të punës të INSTAT-it, të cilat monitorohen dhe zbatohen rigorozisht. INSTAT-i si koordinator i Sistemit Kombëtar Statistikor dhe institucion përgjegjës për Kapitullin 18 “Statistikat”, bashkërendon punën për ndjekjen dhe zbatimin e rregulloreve evropiane në prodhimin e statistikave zyrtare.

Në vitin 2024, INSTAT punoi për përafrimin e disa akteve ligjore, si Projektligji “Për Censin e Bujqësisë” dhe Projekt-Udhëzimit “Për Zbatimin e Vrojtimit të të Ardhurave dhe Nivelit të Jetesës - Për krijimin e një kornize të përbashkët për statistikën evropiane në lidhje me personat dhe familjet, bazuar në të dhënat në nivel individual të mbledhura nga kampioni”.

Në kuadër të detyrimeve pas takimit dypalësh, INSTAT me mbështetjen e projektit “Mbështetje për Procesin e Integrimit në BE të Shqipërisë”, SEI, ka dorëzuar pranë zyrës së Kryenegociatorit pozicionin negociues të Kapitullit 18 “Statistikat”. Gjithashtu, në kuadër të detyrimeve që sjell zbatimi i agjendës së integrimit Evropian, INSTAT ka përgatitur raportimet dhe kontributet si vijon;

- PKIE 2025-2027 - Planifikimi, monitorimi dhe zbatimi i Planit Kombëtar të Integrimit Evropian;
- Programin Kombëtar për Aderimin në Bashkimin Evropian PKABE 2024-2030;
- Progres Raporti për Kapitullin 18 “Statistikat”;
- Kontributi në Nënkomitete të ndryshme ku INSTAT kontribuon si:
 - Nënkomiteti për Ekonominë, Çështjet ekonomike, financiare dhe Statistikat – ECOFIN;
 - Nënkomiteti për Bujqësinë dhe peshkimin – AGRIFISH;
 - Nënkomiteti për Tregtinë, industrinë, doganat dhe tatimet;
 - Nënkomiteti “Drejtësia, Liria dhe Siguria”;
 - Nënkomiteti “Inovacioni, shoqëria e informacionit dhe politikat sociale”.

Gjatë vitit 2025, Sistemi Kombëtar Statistikor dhe INSTAT do të fokusohen në veprimtaritë për përafrim të *acquis communautaire* në përputhje me legjislacionin shqiptar dhe agjendën e Integrimit Evropian për Kapitullin 18 “Statistikat”. Ky proces do të kërkojë një planifikim dhe përfshirje në Planin Kombëtar të Integrimit Evropian të burimeve të nevojshme njerëzore dhe financiare.

Në zbatim të Udhrit të Kryeministrit nr. 94, datë 20.05.2019, “Për ngritjen, përbërjen dhe funksionimin e Grupeve Ndërinstitucionale të Punës për Integrimin Evropian, (GNPIE)”, si drejtues dhe negociator i Kapitullit 18, INSTAT do të vijoje organizimin e takimeve periodike të GNPIE-së për këtë kapitull sipas metodologjisë përkatëse, duke përdorur edhe instrumente si platforma online e integrimit evropian PIEA, e cila do të furnizohet nga kontributi i anëtarëve të GNPIE si pasqyrë zyrtare e zhvillimeve të Kapitullit 18 “Statistikat”.

Mbështetur në VKM nr. 749, datë 19.12.2018 “Për krijimin, organizimin dhe funksionimin e strukturës shtetërore përgjegjëse, për zhvillimin e negociatave dhe lidhjen e Traktatit të Aderimit të Republikës së Shqipërisë në Bashkimin Evropian” dhe në zbatim të Urdhrit të Kryeministrit nr.113, datë 30.08.2019 “Për format e pjesëmarrjes, funksionimin dhe strukturën institucionale të platformës së partneritetit për integrimin evropian”, INSTAT do të vijojë takimet në kuadër të procesit të Integritimit Evropian me përfaqësues të Shoqërisë Civile, Botës Akademike dhe Shoqatave të Biznesit.

Nga ana tjetër, gjatë vitit 2025, INSTAT do të vijojë kontributin në takimet e nivelit të lartë të organizuar nga Eurostat me vendet e Ballkanit Perëndimor, të Evropës Lindore, si dhe Sistemit Statistikor Evropian. INSTAT përfaqëson Shqipërinë në Grupin e Nivelit të Lartë për Partneritet, Koordinim dhe Zhvillim Kapacitete, të Kombeve të Bashkuara, dhe merr pjesë duke kontribuar në forume botërore të organizuara nga Kombet e Bashkuara, si dhe jep kontribut si në Byronë e Konferencës së Statisticienëve Evropianë të UNECE, për vitet 2023-2025, si anëtar.

Bashkëpunimet ndërkombëtare

Prodhuesit e statistikave zyrtare në vend kanë bashkëpunim të ngushtë me institucionet homologe të vendeve të zhvilluara dhe janë të përfshirë në aktivitetet që zhvillojnë organizatat ndërkombëtare si Eurostat dhe Kombet e Bashkuara për modernizimin e prodhimit statistikor. Bashkëpunimi statistikor me Eurostatin synon jo vetëm forcimin e Sistemit Kombëtar Statistikor duke përshtatur metodologjitë dhe praktikat më të mira të prodhimit statistikor, por edhe në drejtim të forcimit të kuadrit ligjor në përputhje me *acquis*, si dhe rritjes së kapaciteteve profesionale të statisticienëve.

Nëpërmjet projekteve mbështetëse të financuara nga fondet e Bashkimit Evropian përmes instrumenteve të tilla si IPA kombëtare dhe me shumëpërfitues, është arritur të ndërtohen metodologji dhe nivele komunikimi të cilat kanë mundësuar prodhimin e statistikave moderne dhe të krahasueshme. Gjithashtu, vende të ndryshme evropiane kontribuojnë me programet e tyre qeveritare për vendin tonë në fushën e përmirësimit të statistikave të nivelit vendor, infrastrukturën teknologjike të informacionit, ndërtimit të rregjistrave, etj.

“Programi i Bashkëpunimit Statistikor me instrumentin Shumëpërfitues – IPA 2022”

Në muajin Janar të vitit 2024 filloi zbatimi i Programit IPA shumëpërfitues 2022, i cili do të vijojë deri në muajin Dhjetor të vitit 2027. Mbështetja fokusohet në 15 fusha statistikore, në një prej të cilave përfitues është Banka e Shqipërisë. Mbështetja do të ofrohet përkatësisht për Statistikat e Financiare të Qeverisë dhe Deficitit të Tejkuluar, Indekset e Harmonizuara të Çmimeve të Konsumatorit (HICP) dhe Indeksi i Çmimeve të Banesave (HPI); Barazitë e fuqisë blerëse (PPP), Statistikat Afatshkurtra të Biznesit, Statistikat e Transportit, Statistikat Strukturore të Biznesit, Vrojtimin e Forcës së Punës, Vrojtimin e të ardhurave dhe nivelit të jetesës, Sistemi i Integruar Evropian për Mbrojtjen Sociale, Llogaritë Ekonomike në Mjedis, Statistikat e Ujit, Menaxhimi i Cilësisë, Zhvillimi i Qëndrueshëm, Statistikat e qytetit/informacioni gjeografik, si dhe Investimet e huaja direkte (përfitues i të cilës është Banka e Shqipërisë). Mbështetja fokusohet në cilësinë e prodhimit të statistikave dhe transmetimit të të dhënave, sigurimin e ekspertizës, si rritje të kapaciteteve të stafit të INSTAT të përfshirë në projektet statistikore.

“Financimi i Drejtpërdrejtë për Mbështetjen e INSTAT në Kryerjen e Censit të Popullsisë dhe Banesave 2022” Sida (Agjencia Suedeze për Bashkëpunim Ndërkombëtar):

Nëpërmjet kontributit të Agjencisë Suedeze për Bashkëpunim Ndërkombëtar, për vitin 2025 synohet mbështetje për realizimin e analizave të thelluara bazuar në rezultatet e Censit si dhe mirëmbajtjen e infrastrukturës *backup* të Censit. Projekti parashikohet të përfundojë brenda muajit Qershor të vitit 2025.

“Statistika të Forta Vendore Shqiptare” - SALSTAT II

Zyra e Bashkëpunimit Zvicerian për Zhvillim dhe Bashkëpunim (SDC) në bashkëpunim me Zyrën Federale të Statistikave (FSO) mbështet prej vitesh INSTAT-in nëpërmjet projektit SALSTAT duke kontribuar në rritjen e kapaciteteve të stafit të bashkive mbi njohuritë në statistikat zyrtare dhe të Sistemit Kombëtar Statistikor. Ky projekt ka kontribuar gjithashtu në sigurimin e një pjesë të pajisjeve kompjuterike për Censin. Projekti është në fazën e dytë të zbatimit për periudhën 2022-2026 dhe ka për qëllim ngritjen e kapaciteteve për stafin e bashkive, zyrave rajonale dhe të përfaqësuesve të Agjencisë për Mbështetjen e Vetëqeverisjes Vendore me qëllim krijimin e njësive statistikore në nivel bashkie. Gjithashtu, nëpërmjet këtij projekti synohet krijimi i një regjistri statistikor të ndërtesave dhe banesave dhe të një regjistri statistikor të popullsisë rezidente, i cili do të jetë burimi i statistikave vjetore të popullsisë dhe banesave në të ardhmen.

“Asistencë Teknike për Realizimin e Censit të Bujqësisë” – Fondi për Lehtësimin e Integritimit në BE – IPA 2014-2020

Bashkimi Europian përmes përdorimit të Fondit për Lehtësimin e Integritimit në BE, IPA II, ka ofruar mbështetje për zbatimin e disa aktiviteteve operacionale të Censit të Bujqësisë përmes asistencës teknike në komponentët e metodologjisë të Censit dhe infrastrukturës së Teknologjisë së Informacionit, për një periudhë 18 mujore, e cila përfshin dhe gjysmën e parë të vitit 2025.

Gjatë vitit 2025, INSTAT synon të fillojë procesin e anëtarësimit në platformën **SDDS (Special Data Dissemination Standard)**, të Fondit Monetar Ndërkombëtar. Kalimi i Shqipërisë nga Enhanced General Data Dissemination System (e-GDDS) në Standardin e Shpërndarjes së të Dhënave (SDDS), është një dëshmi e fortë e angazhimit të Sistemit Kombëtar Statistikor, për transparencën e të dhënave.

Anëtarësimi në SDDS pritet të përmirësojë përpilimin dhe shpërndarjen e të dhënave, të lehtësojë procesin e krijimit të politikave makroekonomike, të ndihmojë në rritjen e besimit të investitorëve në kapacitetin institucional të vendit dhe të kontribuojë në stabilitetin ekonomik dhe financiar.

VII. Objektivat e Zhvillimit të Qëndrueshëm (SDG)

INSTAT, prej disa vitesh ka tashmë në planin e punës, zbatimin e Agjendës 2030 për Objektivat e Zhvillimit të Qëndrueshëm, pasi statistikën janë instrumenti i zgjedhur për të vendosur bazën për monitorimin e zbatimit të këtyre qëllimeve në nivel kombëtar, rajonal dhe ndërkombëtar. Në sesionin e dyzet e gjashtë, të Komisionit Statistikor të Kombeve të Bashkuara, u dakordësua krijimi i Grupit të nivelit të lartë për Partneritetin, Koordinimin dhe Ngritjen e Kapaciteteve për Axhendën e vitit 2030 (HLG-PCCB), i përbërë nga kryestatisticienë nga 22 zyra statistikore kombëtare që përfaqësojnë vendet e tjera në rajonet e tyre përkatëse. Ky grup kishte për detyrë të nxiste nacionalizimin e sistemit të monitorimit të Axhendës 2030 dhe nxitjen e ngritjes së kapaciteteve statistikore, partneritete dhe koordinim, ku theksohej se Zyrat Statistike duhet të koordinojnë zbatimin e agjendës në nivel vendi. Për të siguruar këtë gjë HLG-PCCB ka përgatitur këtë plan veprimi, Planin Global i Veprimit i Cape Town (CTGAP) i cili tashmë po rishikohet nga ky grup në të cilin anëtar dhe bashkëdrejtues është INSTAT.

INSTAT, deri më tani ka prodhuar 66 indikatorë statistikorë, të cilët përditësohen në platformën për OZHQ-të, në faqen zyrtare të INSTAT <http://instat.gov.al/al/sdgs/>. Viti 2025, do të jetë viti i prodhimit të numrit më të lartë të indikatorëve bazuar në të dhënat e Censit të Popullsisë dhe Banesave dhe vrojtimeve të tjera të kryera gjatë vitit 2024.

Gjithashtu INSTAT gjatë periudhës 2024 -2027, ka në zbatim një projekt statistikor për Objektivat e Zhvillimit të Qëndrueshëm (OZHQ), pjesë e Programit IPA 2022 Shumëpërfutues, i cili do të ketë në fokus përmirësimin e dashbordit për OZHQ-të, paraqitjen në mënyrë sa më të kuptueshme të indikatorëve dhe komunikimin e tyre tek përdoruesit.

VIII. Burimet financiare dhe njerëzore

Për zbatimin e Planit Vjetor 2025 është parashikuar buxheti i INSTAT dhe stafi shtesë i nevojshëm për realizimin apo përmirësimin e aktiviteteve statistikore. Sipas udhëzimit plotësues nr. 9, datë 10.07.2024 “Për Përgatitjen e Programit Buxhetor Afatmesëm 2025-2027” është bërë shpërndarja e tavaneve buxhetore për institucionet, ku për Insitutin e Statistikave, tavani buxhetor për vitin 2025 rezulton të jetë si në tabelën e mëposhtme:


Tabela nr. 25 Parashikimi i buxhetit të INSTAT për çdo fushë statistikore, si dhe për zëra të tjerë

Produkti	Viti 2025	000/lekë
1 Njësi statistikore për tu vërtetuar		364,328
a. Statistikat Sociale dhe Demografike		190,254
b. Statistikat Ekonomike		86,356
c. Statistikat Sektoriale		39,330
d. Statistikat e Mjedisit dhe Multidomain		3,085
e. Shërbime për të tretë (B.SH)		45,303
2 Personel i trajnuar		491,372

3	Blerje paisje, sisteme, makineri të ndryshme	6,400
4	Financim i huaj	100,000
Gjithsej		962,100

*Shënim: Buxheti sipas tavaneve buxhetore faza II (PBA 2025-2027)

Paraqitja e zërave financiarë sipas përqindjes që zënë në buxhetin total rezultojnë të jetë si në grafikun e mëposhtëm:



Përsa i përket burimeve njerëzore, stafi i angazhuar për realizimin e Planit të PSZ 2025 është stafi i INSTAT, 20 punonjës nga Banka e Shqipërisë, 19 punonjës nga Ministria e Financave, 4 punonjës nga Agjencia Kombëtare e Burimeve Natyrore.

Sipas parashikimeve të Programit të Statistikave Zyrtare 2022-2026, referuar Tabelës nr. 17 “Nevojat për staf shtesë 2022-2026”, shtesa e parashikuar për vitin 2025 është 12 punonjës për INSTAT dhe 2 punonjës për Bankën e Shqipërisë. Gjithashtu, që prej vitit 2023 referuar këtij programi, INSTAT ka identifikuar nevojën për 18 punonjës shtesë për INSTAT, të cilët janë përfshirë në Programin Buxhetor Afatmesëm (PBA) të vitit 2023-2025, 2024-2026, por që nuk janë miratuar në asnjë nga të dy PBA. Si pasojë, numri shtesë prej 18 punonjësish është paraqitur edhe në kërkesat shtesë të PBA 2025-2027, por që ende nuk kemi një përgjigje për miratim ose jo.

Për vitin 2025, INSTAT kërkon që të adresohet ky numër, i cili është në përputhje me Programin e miratuar të Statistikave Zyrtare, duke përfshirë jo vetëm kërkesën për 12 punonjës të rinj për vitin 2025 sipas këtij plani, por edhe numrin e pozicioneve të parashikuara më herët prej 18 punonjësish. Në total, sipas parashikimeve në Programin e Statistikave Zyrtare, si dhe për të mbuluar kërkesat në rritje për të dhëna, numri i kërkuar i punonjësve për vitin 2025 është 30 punonjës.

Kjo kërkesë për punonjës është thelbësore për të përballuar ngarkesën e punës dhe për të përmirësuar kapacitetet e prodhimit të statistikave, duke përfshirë zhvillimin e metodologjive dhe teknologjive të reja statistikore.

Për ngritjen e kapaciteteve dhe nivelit profesional të stafit të agjencive statistikore, gjatë vitit 2025 INSTAT planifikon të zhvillojë një sërë trajnimesh dedikuar prodhimit statistikor, cilësisë statistikore, metodave dhe sistemeve IT për grumbullimin dhe përpunimin e të dhënave, komunikimit dhe shpërndarjes së informacionit, etj. Njohuritë e marra në këto trajnime do t'i shërbejnë rritjes së vazhdueshme të performancës në procesin e prodhimit statistikor në funksion të prodhimit në kohë dhe me cilësi të statistikave zyrtare.

IX. Analiza SWOT

Analiza SWOT (pikat e forta, të dobëta, mundësitë dhe kërcënimet) është një kornizë e përdorur për të vlerësuar pozicionin e institucioneve prodhuese të statistikave zyrtare dhe për të zhvilluar programin nga ana strategjike. Analiza vlerëson faktorët e brendshëm dhe të jashtëm, si dhe potencialin aktual dhe të ardhshëm. Ky instrument është krijuar për të lehtësuar vështirimin realist, të bazuar në fakte, të drejtuar nga të dhënat në pikat e forta dhe të dobëta të Sistemit Kombëtar Statistikor dhe institucioneve mbështetëse.

Analiza SWOT përfshin klimën në të cilën funksionon Sistemi Kombëtar Statistikor, duke vënë në qendër INSTAT-in, si institucioni përgjegjës për koordinimin dhe monitorimin e ecurisë dhe performancës së këtij sistemi. Duke marrë parasysh kuadrin ligjor, ambientin dhe kulturën statistikore të institucioneve prodhuese dhe atyre furnizuese me të dhëna administrative, INSTAT-i ka vlerësuar kapacitetin, mekanizmat dhe burimet e nevojshme për të garantuar zbatimin e suksesshëm të aktiviteteve të parashikuara në program.

Një ndihmë të madhe për analizën kanë dhënë dhe japin raportet periodike të vlerësimit, të hartuara nga ekspertët e Eurostatit (*Peer Reviews*), përfshirja e statistikienëve në forumet ndërkombëtare dhe asistenca e huaj për aktivitete të veçanta statistikore.

Në këtë këndvështrim, analiza SWOT hartohet si vijon:

PIKAT E FORTA

- **Legjislacion i përafruar.** Ligji nr. 17/2018 “Për statistikat zyrtare” është përafruar me Rregulloren (BE) 223/2009 “Për statistikat Evropiane”, e ndryshuar, në interes të formalizimit të Sistemit Kombëtar Statistikor, rolit aktiv të përdoruesve dhe ndërtimit të instrumenteve monitoruese/raportuese. Kjo kornizë mundëson zbatimin e parimeve themelore të statistikave zyrtare, duke garantuar besueshmërinë dhe konfidencialitetin statistikor.
- **Mandat i konsoliduar për aksesin në të dhëna.** Legjislacioni për statistikat zyrtare ngarkon çdo institucion publik, mbajtës i të dhënave administrative, të furnizojë prodhuesit e statistikave zyrtare me informacionin e duhur vetëm për qëllime statistikore.
- **Komunikim i formalizuar me aktorët.** Gjatë vitit të fundit, INSTAT ka intensifikuar format e komunikimit me institucionet që furnizojnë prodhuesit statistikorë me të dhëna administrative. Gjithashtu, marrëdhënia ndërmjet prodhuesve të statistikave zyrtare

është formalizuar nëpërmjet krijimit të Komitetit të Prodhuesve Statistikorë, instrument i cili siguron një koordinim më të mirë në aspektin e planifikimit dhe shpërndarjes..

- **Punonjës të kualifikuar, të njohur për profesionalizmin dhe eksperiencën.** Personeli i sistemit statistikor, veçanërisht i INSTAT-it, gëzon kapacitetet profesionale jo vetëm në fushat statistikore, por edhe në ato mbështetëse, si teknologji informacioni dhe administrative.
- **Infrastrukturë trajnimi.** Qendra e Trajnimit Statistikor, sipas kërkesave të ligjit për statistikat zyrtare, ka mundur përgatitjen e trajnerëve dhe moduleve më të rëndësishme për të rritur kapacitetet profesionale të statisticienëve. Trajnimet ofrojnë njohuri mbi harmonizimin dhe standardet e akteve ndërkombëtare, njohuri teknike për disa fusha statistikore dhe njohuri themelore në aspektin menaxherial/lidership.
- **Mbështetje ndërkombëtare.** Sistemi Kombëtar Statistikor mbështetet nga programet e Bashkimit Evropian dhe të disa vendeve anëtare për kryerjen e sukseshme të aktiviteteve statistikore si dhe modernizimin e fazave të ndryshme të procesimit. Njëkohësisht, mbështetja ka ndihmuar në proceset e vlerësimit të performancës për të evidentuar pikat që kanë nevojë për ndërhyrje përmirësuese në të ardhmen.
- **Marrëdhënie ndërkombëtare.** Prodhuesit e statistikave zyrtare janë në gjendje të bashkëpunojnë me partnerët e huaj për projekte të ndryshme rajonale dhe më gjerë si dhe të kontribuojnë në nxjerrjen e udhëzimeve përmirësuese për prodhim statistikor. Nga ana tjetër, bashkëpunimet kanë ndikuar në rritjen e njohurive nëpërmjet shkëmbimit të eksperiencave.
- **Infrastrukturë moderne e Teknologjisë së Informacionit.** Me mbështetjen e donatorëve dhe partnerëve është mundur ndërtimi i sistemeve IT në përputhje me kërkesat e kohës, si dhe rritja e kapaciteteve profesionale të stafit IT. Aftësia e stafit IT dhe monitorimi i vazhdueshëm i përparimeve teknologjike mundësojnë vendosjen në të njëjtin nivel me më të përparuarit.
- **Konfidencialiteti i të dhënave.** Për të rritur besueshmërinë e individëve, INSTAT dhe prodhuesit e tjerë të statistikave zyrtare kanë ndërtuar infrastrukturën e duhur ligjore dhe teknike për të garantuar trajtimin e të dhënave të tyre si konfidenciale dhe në përputhje me legjislacionin për mbrojtjen e të dhënave personale.
- **Cilësia statistikore.** Përdorimi i instrumenteve GSBPM, Metadata, SIMS dhe Raportet e Cilësisë, shërbejnë jo vetëm për përmirësimin e cilësisë së aktiviteteve statistikore, por edhe për rritjen e transparencës së prodhuesve në lidhje me publikun.
- **Plani i vazhdimësisë.** Për arsye të eksperiencës negative të shkaktuar nga shkaqet madhore, tërmetet dhe pandemia, INSTAT ka hartuar Planin e Vazhdimësisë për reagimin e institucionit në rast të ndeshjes së pengesave të tilla në të ardhmen.
- **Këshilli i Statistikave si zëri i përdoruesve.** Përdoruesit e statistikave zyrtare janë klienti i produkteve statistikore. Këshilli i Statistikave përbëhet nga përfaqësues të përdoruesve kryesorë në vend. Zëri i tyre ndihmon në proceset e planifikimit statistikor dhe monitorimit të performancës së sistemit.
- **Mbështetje e qeverisë mbi besueshmërinë në të dhënat statistikore zyrtare.** Këshilli i Ministrave, nëpërmjet VKM nr. 650, datë 10.11.2017, ka shpehur angazhimin e tij për të respektuar kërkesat e standardeve evropiane dhe parimet statistikore, ka

garantuar ruajtjen e pavarësisë profesionale të INSTAT-it dhe alokimin e burimeve të nevojshme financiare dhe njerëzore për kryerjen e aktiviteteve statistikore të programit.

PIKAT E DOBËTA

- **Burime të pamjaftueshme.** Burime të pamjaftueshme njerëzore nuk mundësojnë përmbushjen e kërkesave në rritje për statistika zyrtare.
- **Auditi statistikor.** INSTAT, nën cilësinë e institucionit përgjegjës për të garantuar zbatueshmërinë e parimeve statistikore, nuk zotëron kontroll të mjaftueshëm mbi cilësinë e të dhënave të ofruara nga institucionet publike dhe prodhuesit e tjerë të statistikave zyrtare, kryesisht mbi saktësinë, përpikmërinë, afatin kohor, etj.
- **Edukimi statistikor.** Mangësitë në njohuritë statistikore ndikojnë negativisht në interpretimin e drejtë të treguesve statistikorë nga grupet e interesit, siç janë përdoruesit dhe media. Për këtë, trajnimi i vazhdueshëm i përdoruesve për fusha të ndryshme të statistikës do të ndikonte në rritjen e shkallës së interpretimit dhe analizave të informacionit statistikor.
- **Shpërndarja e informacionit statistikor.** Shpërndarja e informacionit statistikor, në kohë dhe formate të aksesueshme për përdoruesit duhet të jetë prioritet i INSTAT duke përafruar të dhënat e publikuara në kalendar me ato të standardeve ndërkombëtare.

MUNDËSITË

- **Integrimi Evropian.** Hapja e negociatave për anëtarësim në BE rrit nevojën për më shumë statistika reale dhe të besueshme. Partneriteti midis INSTAT-it dhe Eurostatit në këtë drejtim, krijon dhe premtion mundësi për shkëmbime frytdhënëse të eksperiencave më të mira. Procesi i integrimit ndihmon gjithashtu personelin të rrisë shkallën e ndërgjegjësimit drejt standardeve evropiane. Nga ana tjetër, përafrimi me *acquis communautaire* ndikon në forcimin e legjislacionit të statistikave zyrtare dhe konsolidimin e Sistemit Kombëtar Statistikor.
- **Modernizimi i teknologjisë.** Përparimet në teknologjitë e informacionit sjellin përmirësime në sistemet e komunikimit midis INSTAT-it, furnizuesve me të dhëna administrative dhe përdoruesit.
- **Procesi zhvillimor për cilësinë statistikore.** Përmirësimet në aspektin e cilësisë së statistikave që prodhon sistemi, ndikojnë në zbatimin e parimeve statistikore si dhe transparencën e besueshmërinë e publikut në to.
- **Përmbushje e kërkesave.** Statistikat zyrtare të prodhuara do të mbështesin politikbërësit për hartimin e dokumenteve strategjike, politikave makroekonomike dhe sociale si në nivel kombëtar ashtu edhe rajonal.
- **Rritja e pagave.** Rritja e pagave ndikon në rritjen e kënaqësisë së punonjësve, duke sjellë rritje të motivimit dhe performancës në punë. Gjithashtu, në nivel institucional ky instrument krijon mundësi që të reduktohen largimet duke sjellë si pasojë stabilitet në lëvizjet e punonjësve.

KËRCËNIMET

- **Moszbatimi i detyrimeve që rrjedhin nga ky Program** nga të gjithë aktorët, si: mosrespektimi i afateve kohore për dërgimin e të dhënave dhe informacioni jo i plotë nga njësitë statistikore dhe siguruesit e të dhënave administrative, do të sillte vonesë në zbatimin e aktiviteteve statistikore sipas afateve të parashikuara dhe mangësi në sasinë dhe cilësinë e treguesve.
- **Mungesa e strukturave statistikore** si dhe rishikimi i herëpashershëm i strukturës organizative në ministritë e linjës dhe institucionet e tjera që sigurojnë të dhënat administrative, rrezikon zbatimin cilësor të këtij programi.
- **Mungesa e burimeve financiare dhe njerëzore** mund të rrezikojë moskryerjen e vrojtimeve të parashikuara në këtë Program.
- **Mospërdorimi i klasifikimeve të njëjta në të gjitha institucionet.** Nëse nuk do të arrihet përdorimi i klasifikimeve të parashikuara të implementohen gjatë zbatimit të këtij programi, atëherë kjo do të sillte mospërputhshmërinë e të dhënave për të njëjtët tregues.
- **Sulmet kibernetike:** Siguria e të dhënave në kohën e sotme nuk është një detyrë e lehtë, në një mjedis ku sistemet e TI-së janë subjekt ndaj sulmeve kibernetike, hakerimeve dhe shumë kërcënimeve të tjera që mjediset e informacionit të dixhitalizuar i ekspozohen, pavarësisht vendndodhjes apo mënyrës së lidhjes të përdorur.
- **Mospërafrimi i akteve me *acquis communautaire*** çënon mosrealizimin e programit sipas standardeve evropiane, duke penguar/vonuar procesin e integritetit në fushën e statistikave.
- **Forcat madhore.** Nga eksperiencia e viteve të fundit, fenomene të tilla si tërmetet dhe pandemitë mund të ndikojnë drejtpërdrejtë në vazhdueshmërinë e proceseve statistikore si dhe të kenë impakt në nivelet buxhetore,

X. Analiza e risqeve dhe problemet e pritshme për kryerjen e aktiviteteve

Secili aktivitet statistikor i parashikuar në Programin Vjetor 2025 dhe pasqyruar në Aneksin e këtij plani, shoqërohet edhe me problematikat dhe nivelin e risqeve të mundshme që mund të ndikojnë në performancën e aktiviteteve. Në vështrimin e përgjithshëm të aneksit, konstatohet se ka një ngjashmëri në tematikat e risqeve të aktiviteteve, pavarësisht fushës apo temës në të cilën ata parashikohen kryesisht në vonesat në sigurimin e të dhënave, mospërmbushja e kriterëve të cilësisë si: saktësia, përpikmëria dhe krahasueshmëria, për të dhënat administrative/vrojtimet statistikore, transmetimin e të dhënave, nivelin profesional, burimet financiare dhe njerëzore për kryerjen e aktiviteteve dhe lëvizjet e stafit.

Ndër risqet e analizuara është dhe pezullimi/vonesa e mbledhjes, prodhimit dhe shpërndarjes të statistikave zyrtare si pasojë e fatkeqësive natyrore, pandemive globale, apo sulmeve kibernetike, të cilat paraqesin kërcënime të mëdha për sigurinë e sistemeve të TI-së. Në një mjedis ku sistemet dixhitale janë gjithnjë e më të ekspozuara ndaj hakerimeve dhe sulmeve të tjera të sofistikuar, ruajtja e sigurisë së të dhënave bëhet një risk i vazhdueshëm, pavarësisht vendndodhjes apo mënyrës së lidhjes të përdorur.

Tabela nr. 26 Risqet dhe nivelet e tyre për secilën fushë statistikore

Fusha statistikore	Risku	Niveli i riskut: 1-3 i ulët, 4-6 i mesëm, 7-9 i lartë
1 “Statistikat Demografike dhe Sociale”	Pezullimi/vonesa e mbledhjes, prodhimit dhe shpërndarjes të statistikave zyrtare si pasojë e Fatkeqësive natyrore/ Pandemi Globale	6
	Vonesa në procesin e grumbullimit të të dhënave nga burimet administrative si dhe nga Vrojtimin e Forcave të Punës për vlerësimin e migracionit	3
	Mospërbushja e kriterëve të cilësisë si: saktësia, përpikmëria dhe krahasueshmëria, për të dhënat administrative/vrojtimit statistikore	6
2 “Statistikat Ekonomike”	Pezullimi/vonesa e mbledhjes, prodhimit dhe shpërndarjes të statistikave zyrtare si pasojë e Fatkeqësive natyrore / Pandemi Globale	6
	Pezullimi/vonesa e prodhimit dhe shpërndarjes të statistikave zyrtare si pasojë e largimit të stafit	6
	Ndryshim i bazës ligjore të burimit administrativ	5
	Procesimi elektronik jo i saktë nga SIFQ për konsolidimin e të dhënave dhe gjenerimin e raporteve financiare	9
3 “Statistikat Sektoriale”	Pezullimi/vonesa e mbledhjes, prodhimit dhe shpërndarjes të statistikave zyrtare si pasojë e Fatkeqësive natyrore / Pandemi Globale	4
	Vonesa të tjera në procesin e grumbullimit, kontrollit dhe hedhjes së të dhënave	4
	Mospërbushja e kriterëve të cilësisë si: saktësia, përpikmëria dhe krahasueshmëria, për vrojtimit statistikore dhe për të dhënat administrative	4
	Gabime të bëra nga stafi ekspert gjatë përpunimit dhe nxjerrjes së rezultateve.	3
	Mospajisja e sistemeve të mbledhjes së të dhënave me gjithë funksionet e nevojshme	3
	Probleme me sistemin CAPI gjatë mbledhjes së të dhënave	4
	Mungesa e stafit përgjegjës në agjencitë e tjera statistikore	3
4 “Statistikat e Mjedisit dhe Multidomain	Pezullimi/vonesa e mbledhjes, prodhimit dhe shpërndarjes të statistikave zyrtare si pasojë e Fatkeqësive natyrore / Pandemi Globale	4
	Vonesa të tjera në procesin e grumbullimit, kontrollit dhe hedhjes së të dhënave	4
	Mospërbushja e kriterëve të cilësisë si: saktësia, përpikmëria dhe krahasueshmëria, për vrojtimit statistikore	4
Te tjera	Sulmet kibernetike	7
	Lëvizja e stafit	5

Për reduktimin e risqeve, INSTAT ka ndërmarrë një sërë iniciativash, të cilat kanë të bëjnë me formalizimin e veprimtarive të planifikimit, zbatimit, monitorimit dhe raportimit të aktiviteteve statistikore. Për të përmirësuar sigurinë ndaj sulmeve kibernetike, INSTAT ka implementuar masa specifike mbrojtëse, duke përfshirë ngritjen e infrastrukturave të avancuara të sigurisë kibernetike, përditësimin e vazhdueshëm të protokolleve të sigurisë, zbatimin e sistemeve të monitorimit për zbulimin e hershëm të kërcënimeve dhe trajnimin periodik të stafit për mbrojtjen e të dhënave.

Gjithashtu, për të reduktuar vonesat në transmetimin e informacionit, si dhe për të përmirësuar cilësinë e të dhënave administrative që sigurohen nga institucionet prodhuese, gjatë vitit 2025, INSTAT ka negociuar me institucionet publike marrëveshje mirëkuptimi duke përcaktuar detyra dhe përgjegjësi të qarta ndër-institucionale, ngritje grupesh pune dhe përcaktimin e formave dhe afateve të transmetimit të të dhënave të nevojshme. Ndikim të drejtpërdrejtë në reduktimin e risqeve kanë edhe aktivitetet zbatuese për arritjen e objektivave strategjikë të zhvillimit të Sistemit Kombëtar Statistikor, të reflektuara në Seksionin II të këtij dokumenti.

XI. Notë shpjeguese për përdorimin e Aneksit

Aneksi i Planit Vjetor 2025 është hartuar sipas klasifikimit të përcaktuar në Shtojcën 1 të ligjit të statistikave zyrtare (Fushë / temë / nëntemë) duke ndjekur përmbajtjen e Programit të Statistikave Zyrtare 2022-2026 për çdo modul. Përputhja e moduleve me temën është në linjë me klasifikimin statistikor të Kompendium 2024 të Eurostat. Çdo aktivitet statistikor i parashikuar për një temë të caktuar, shoqërohet me kolona të cilat tregojnë:

- Kodi i aktivitetit;
- Emërtimi i aktivitetit;
- Lloji i aktivitetit
- Përqindja e të dhënave nga Burimi administrativ/vrojtimi
- Periodiciteti;
- Treguesit Statistikorë
- Afati i grumbullimit të të dhënave;
- Afati i përpunimit të të dhënave
- Afati i publikimit të rezultateve;
- Institucionet përgjegjëse për furnizimin me të dhëna;
- Institucioni përgjegjës për aktivitetin;
- Risku i pritshëm;
- Niveli i riskut;
- Burimi financiar për mbulimin e aktivitetit.

Shkurtime “D”, “M”, “T” dhe “V” kanë kuptimin përkatësisht:

- | | |
|----------|------------|
| <i>D</i> | - Ditë |
| <i>M</i> | - Muaj |
| <i>T</i> | - Tremujor |
| <i>V</i> | - Vit |

Periudhë reference do të thotë periudha së cilës i referohen të dhënat e grumbulluara apo rezultatet e publikuara

Shembull I: 1.1.1.1 Statistikat e Popullsisë

Në kolonën “Afati i grumbullimit të të dhënave” rezulton “V+90 D”. Kjo do të thotë se grumbullimi i të dhënave mbyllet 92 ditë pas përfundimit të vitit referencë.

P.sh. Për vitin referencë 2024, afati i grumbullimit të të dhënave është data 1 Prill 2025.

Në kolonën “Afati i përpunimit të të dhënave” rezulton “V+136 D”. Kjo do të thotë që të dhënat përpunohen brenda datës 16 Maj, 2025.

Në kolonën “Afati i publikimit të rezultateve” rezulton “V+152 D”. Kjo do të thotë se rezultatet do të publikohen 152 ditë pas mbylljes së vitit referencë. Nëse viti referencë është 2024, atëherë publikimi i rezultateve do të jetë brenda datës 2 Maj 2025.

Shembull III: 1.4.2.1 Statistikat e Shëndetit dhe Sigurisë në Punë

Në kolonën “Afati i grumbullimit” rezulton “Dita e 180 e V”. Kjo do të thotë që të dhënat grumbullohen brenda vitit referencë, përkatësisht në ditën e 180 të tij, brenda datës 30 Qershor të vitit referencë.

XII. Aneksi

Aktivitetet statistikore për vitin 2025.

ⁱ Bilanci i Pagesave është tregues financiar.